

ओं नमः परमात्मने, श्री महागणपतये नमः
श्री गुरुभ्यो नमः हरिः ओं

शान्तिजप मन्त्र पाठः

Contents

1 गणपत्यथर्व-शीर्षोपनिषत्.....	9
2 वेदादया.....	15
2.1 रक्षोघ्नं.....	15
2.2 आप्यम्.....	18
3 पवमान सूक्तं.....	19
4 वास्तु मन्त्रः.....	24
5 वरुण सूक्तं.....	25
6 ब्रह्म सूक्तं.....	27
7 विष्णु सूक्तं.....	28
7.1 विष्णु सूक्तं (Split Chanting).....	28
7.2 विष्णु सूक्तं (Combined Chanting).....	29
8 रुद्र सूक्तं.....	31
9 दुर्गा सूक्तं.....	32
10 श्री सूक्तं.....	34
11 मेधा सूक्तं.....	37
12 भू सूक्तं.....	39
13 भाग्य सूक्तं.....	41
14 मृत्यु सूक्तं.....	42
15 मृत संजीविनी सूक्तं (यक्ष्मघ्न सूक्तं).....	49
16 आयुष्य सूक्तं.....	50

17 नवग्रह सूक्तं	52
18 दिक् पालका मन्त्राः.....	58
19 नक्षत्र सूक्तं	61
20 शान्ति पञ्चकं	75
21 रुद्र नमकं.....	77
22 चमकं	93
23 पुरुष सूक्तं	102
24 उत्तर नारायणं	105
25 महा नारायणं.....	106
26 घोष शान्ति	109
27 हिरण्यगर्भ सूक्तं.....	115
28 वेद काण्ड तैत्तिरीय संहिता.....	117
28.1 प्रथमकाण्डे प्रथमप्रश्नः प्रथमपञ्चातिः	117
28.2 द्वितीयकाण्डे प्रथमप्रश्नः प्रथमपञ्चातिः	117
28.3 तृतीयकाण्डे प्रथमप्रश्नः प्रथम पञ्चातिः	118
28.4 चतुर्थकाण्डे प्रथमप्रश्नः प्रथमपञ्चातिः	118
28.5 पञ्चमकाण्डे प्रथमप्रश्नः प्रथमपञ्चातिः	119
28.6 षष्ठमकाण्डे प्रथमप्रश्नः प्रथमपञ्चातिः	119
28.7 सप्तमकाण्डे प्रथमप्रश्नः प्रथमपञ्चातिः	120

28.8 सप्तमकाण्डे पञ्चमप्रश्नः अन्त्यपञ्चातिः	120
28.9 तैत्तिरीय यजुर्ब्राह्मणम् –प्रथमाष्टके प्रथमप्रश्नः प्रथमपञ्चातिः.....	121
28.10 द्वितीयाष्टके प्रथमप्रश्नः प्रथमपञ्चातिः.....	121
28.11 तृतीयाष्टके प्रथमप्रश्नः प्रथमपञ्चातिः	122
28.12 तृतीयाष्टके नवमप्रश्नः प्रथमपञ्चातिः.....	122
28.13 तृतीयाष्टके नवमप्रश्नः अन्त्यपञ्चातिः	123
28.14 काटके प्रथमप्रश्नः प्रथमपञ्चातिः.....	123
28.15 काटके तृतीयप्रश्नः अन्त्यपञ्चातिः.....	124
28.16 आरण्यके प्रथमप्रश्नः प्रथमपञ्चातिः.....	125
28.17 आरण्यके दशमप्रश्नः अन्त्यपञ्चातिः.....	126
29 ऋचां प्राची.....	127
30 प्रदक्षिण मन्त्राः.....	131
31 प्रोक्षण मन्त्राः.....	133
32 ओषधि सूक्तं.....	136
33 मन्त्र पुष्पं	139
34 अघमर्षण सूक्तं.....	142
35 त्रिसुपर्ण मन्त्राः	146
36 जयादि होमः.....	149
36.1 वसोर्धारा मन्त्र पाठः	160

36.2 पूर्णाहुतिः.....	163
37 घन मन्त्राः.....	164
37.1 मे जीट्ट्वातुः	164
37.2 मयि मेधां मयि प्रजां.....	167
37.3 मारुत मनर्वाणं	168
37.4 सा प्रजां.....	169
37.5 यस्य पुत्रः	170
37.6 ये देवा दिवि भागा	171
37.7 प्रजामायुर्धनं च.....	173
37.8 सर्वेभ्यो वै कामेभ्यः.....	174
37.9 पुष्टिं धत्तः.....	176
37.10 ता विष्णो पाहि	177
37.11 आशिषमेवै तामा शास्ते.....	179
37.12 एवास्मिन्नायुर् दधति.....	179
37.13 शतमानं भवति	180
37.14 वै प्रजा.....	182

38 आशीर्वाद मन्त्राः.....	183
38.1 आरण्यके द्वितीयप्रश्नः प्रथमपञ्चातिः.....	186
38.2 आरण्यके द्वितीयप्रश्नः द्वितीयपञ्चातिः.....	187
38.3 नारायणोपनिषत्	188
39 प्रकीर्णाध्यायः.....	191
39.1 ब्राह्मण एक होता	191
39.2 नमः प्राच्यै.....	193
40 ऐकमत्य सूक्तं.....	194

Notes: This Book has been brought to you with the courtesy of some Veda learners who have collaborated to prepare this book.

Please give your feedback, comments and report errors to the e-mail id vedavms@gmail.com. We shall strive to make this book more accurate and error-free.

You may note that there are inherent “paata bedhas” when we compare various sources and books. We have made constant reference to the Taittiriya Sakhaa compiled and commented by Shri. Sayanacharya of 13th Century and Shri Bhatta Bhaskaracharya (period unknown). Their manuscript compilations were later converted into books by great Scholars. One of such sets of “Taittiriya” was printed and published during earlier 1900 A.D. at Govt. Branch Press, Mysore and another set later published under “Anandaashram Series”. These Books were referred to by us as our primary source material for this Book.

This book has not been prepared with any commercial purpose and is purely for studies. All our compilations are available for free download at our website – **“www.vedavms.in”**

Conventions used in Letters:

◡ — is represented by (gg)

◡˘ — is represented by (gm)

◡̣ — is represented as anunaasikam

(hyphen) – used between words indicate that the words has parts which need to be rendered together as per your Guru’s teachings. This sign is used in areas to split words which are long or the words has been constructed through Sandhis which result in “different letters” (which joins the original padam of words) and also for ease of reading/rendering.

The usages of hyphens slightly vary in Sanskrit, Malayalam and Tamil books based on the usages in theses languages.

Special Notes: OM given at the beginning of each Suktham is for convention. OM need not be chanted during continuous rendering of Sukthams or Mantras.

Similarly **OM Shanti Shanti ShantiH** given at the end of each Suktham is for convention; during continuous chanting it need not be repeated at the end of each Suktham/Mantra. **Kindly follow the conventions taught by your Guru.**

Version Note: Shanti Japam 3.1 dated October 31, 2018 incorporating corrections observed and reported upto October 31,2018.

In this Version, we have included the **source reference** of mantras from classic Vedic texts. The reference codes indicated are

TS - Taittiriya Samhita
TB - Taittiriya Braahamanam
TA - Taittiriya Aranyakam
EAK - Ekaagni Kaandam
RV - Rig Veda Samhita

First level number represents the Kandam/Ashtakam Number,
 Second level PraSna/Prapaataka Number, Third level the Anuvaakam,
 Fourth level the Dasini or Panchati number.

In Ruk Veda it will be Mandala, Sukta and Mantra & Ruk Number.

In Ekaagni Kandam it is Prapaatakam, Kanda and Mantra Number.

A mantra may appear in one or more source Vedic texts. We have indicated one convenient reference for Users. For some mantras no definitive Source reference is available. In some places the references are given together at the beginning of the Mantra/Suktam.

1 गणपत्यथर्व-शीर्षोपनिषत्

ओं भद्रं दधातु ।

ओं । भद्रं कर्णेभिः शृणुयाम देवाः । भद्रं पश्येमाक्षभिर् -यजत्राः ।

स्थिरै-रङ्गै-स्तुष्टुवाꣳ सस्तनूभिः । व्यशेम देवहितं यदायुः ।

स्वस्तिन इन्द्रो वृद्धश्रवाः । स्वस्तिनः पूषा विश्ववेदाः ।

स्वस्ति-नस्ताक्षर्यो अरिष्टनेमिः । स्वस्तिनो बृहस्पतिर् दधातु ॥

ओं शान्तिः शान्तिः शान्तिः ॥

(ओं) अथ गणपत्यथर्वशीर्षं व्याख्यास्यामः ।

ओं नमस्ते गणपतये । त्वमेव प्रत्यक्षं तत्त्वमसि ।

त्वमेव केवलं कर्ताऽसि । त्वमेव केवलं धर्ताऽसि ।

त्वमेव केवलं हर्ताऽसि । त्वमेव सर्वं खल्विदं ब्रह्मासि ।

त्वं साक्षा-दात्माऽसि नित्यं ॥ 1

ऋतं वच्मि । सत्यं वच्मि ॥ 2

अ॒व॒त्त्वं॑मां । अ॒व॒व॒क्तारं॑ । अ॒व॒ श्रो॒तारं॑ । अ॒व॒दा॒तारं॑ । अ॒व॒धा॒तारं॑ ।
 अ॒वा॒नू॒चा-न॒म॒व॒शि॒ष्यं॑ । अ॒व॒ प॒श्चा॒त्तात् । अ॒व॒ पु॒र॒स्तात् । अ॒वो॒त्त॒रा॒त्तात् ।
 अ॒व॒ द॒क्षि॒णा॒त्तात् । अ॒व॒ चो॒र्ध्वा॒त्तात् ।
 अ॒वा॒ध॒रा॒त्तात् । स॒र्व॒तो॒मां पा॒हि पा॒हि स॒म॒न्तात् ॥ 3

त्वं वा॒ङ्म॒यस्त्वं॑ चिन्म॒यः । त्व॒मा॒न॒न्द-म॒यस्त्वं॑ ब्र॒ह्म॒म॒यः ।
 त्वं स॒च्चि॒दा॒न॒न्दा-ऽद्वि॒तीयो॒ऽसि॑ । त्वं प्र॒त्यक्षं॑ ब्र॒ह्मा॒सि॑ ।
 त्वं ज्ञा॒न॒म॒यो वि॒ज्ञा॒न॒म॒योऽसि॑ ॥ 4

स॒र्वं जग॑दिदं त्व॒त्तो जा॒यते॑ । स॒र्वं जग॑दिदं त्व॒त्तस्ति॑ष्ठति ।
 स॒र्वं जग॑दिदं त्वयि ल॒यमे॑ष्यति । स॒र्वं जग॑दिदं त्वयि प्र॒त्येति॑ ।
 त्वं भू॒मि-रा॒पो-ऽन॒लो-ऽनि॒लो न॒भः॑ । त्वं च॒त्वारि॑ वा॒क्प॒दानि॑ ॥ 5

त्वं गु॒णत्र॑यातीतः । त्वं अ॒व॒स्थात्र॑यातीतः । त्वं दे॒हत्र॑यातीतः ।
 त्वं का॒लत्र॑यातीतः । त्वं मू॒ला॒धा॒र-स्थि॒तोऽसि॑ नित्यं ।
 त्वं श॒क्ति॒त्र॒या॒त्म॒कः॑ । त्वाँयो॒गि॒नो ध्या॑यन्ति नित्यं ।
 त्वं ब्र॒ह्मा त्वाँवि॑ष्णुस्त्वं-रु॒द्रस्त्व॑-मि॒न्द्रस्त्व॑-म॒ग्निस्त्वाँ-वा॒युस्त्वं

सूर्यस्त्वं चन्द्रमास्त्वं ब्रह्म भूर्भुवस्स्वरो ॥ 6

गणादिं॑ पूर्व-मुच्चार्य॑ वर्णादिं॑ तदनन्तरं । अनुस्वारः परतरः ।
 अर्धे॑न्दु-लसितं । तारेण ऋद्धं । एतत्तव-मनुस्वरूपं । गकारः पूर्वरूपं ।
 अकारो मध्यम रूपं । अनुस्वारश्चान्त्य रूपं । बिन्दु रुत्तर रूपं ।
 नादः सन्धानं । स॒हिता सन्धिः । सैषा गणेश विद्या । गणक ऋषिः ।
 निचृद्गायत्री च्छन्दः । (श्री महा) गणपतिर्-देवता । ॥ 7

ओं गं गणपतये नमः ॥

एक दन्ताय विद्महे वक्र तुण्डाय धीमहि ।
 तन्नो दन्तिः प्रचोदयात्- (3 times) ॥ 8

एक दन्तं चतुर्हस्तं पाश-मङ्कुश धारिणं ।
 रदञ्च वरदं-हस्तैर् बिभ्राणं मूषकध्वजं ।
 रक्तं लंबोदरं शूर्पकर्णकं रक्तवाससं ।
 रक्तगन्धा-नुलिप्ताङ्गं रक्तपुष्पैः सुपूजितं ।

भ॒क्तानु॑कंपि॒नं दे॒वं जग॑त्कार॒ण-म॑च्यु॒तं ।
 आवि॑र्भू॒तंच॑ सृ॒ष्ट्यादौ॑ प्र॒कृतेः॑ पु॒रुषा॑त्प॒रं ।
 एवं॑ ध्या॒यति॑ यो नित्यं॑ स योगी॑ योगि॒नां वरः॑ ॥ 9

नमो॑ ब्रा॒तप॑तये , नमो॑ गण॒पत॑ये , नमः॑ प्र॒मथ॑पतये,
 नमस्ते॑ऽस्तु लं॒बोद॑राय , एक॒दन्ता॑य ,विघ्न॑(वि)नाशिने ,
 शिव॑सु॒ताय, श्री॑वर॒दमूर्त॑ये नमः॑ ॥ 10

एत॑दथर्वशी॒र्षं योऽधी॑ते । स ब्र॒ह्मभू॑याय कल्पते ।
 स सर्व॑ विघ्नैर्-नबा॒ध्यते॑ । स सर्व॑तः सु॒खमे॑धते ।
 स पञ्च॑ म॒हा पा॑पात् प्रमु॒च्यते॑ ।
 साय॑-म॒धीया॑नो दि॒वस॑कृतं पापं॑ नाशयति ।
 प्रा॒तर॑-धी॒यानो॑ रा॒त्रिकृ॑तं पापं॑ नाशयति ।
 सायं॑ प्रा॒तः प्र॑युज्जानो पा॒पोऽपा॑पो भवति ।
 सर्व॑त्राधी॒यानो॑-ऽपवि॒घ्नो भ॑वति । धर्मा॒र्थ-का॑म-मोक्षं॑ च वि॒न्दति॑ ।
 इद॑-मथर्वशी॒र्ष-म॑शिष्याय न दे॒यं । यो यदि॑ मो॒हाद् दा॑स्यति ।

स पापी॑यान् भ॒वति । सह॑स्राव॒र्तनाद्यं॑ यँ काम॑म॒धीते॑ ।
तं तम॑नेन सा॒धयेत् ॥ 11

अनेन॑ गण॒पति॑-म॒भिषि॑ञ्चति । सवा॑ग्मी भ॒वति ।
चतु॑र्था मन॑श्नन् ज॒पति॑ । स विद्या॑वान् भ॒वति । इत्य॑थर्वण-वा॒क्यं ।
ब्रह्मा॑द्यावरणं वि॒द्यात् । न बि॑भेति कदा॒चनेति॑ ॥ 12

यो दूर्वा॑ङ्कुरैर्-यज॑ति । स वैश्र॑वणोप॒मो भ॒वति । यो ला॑जैर्-यज॑ति ।
स यशो॑वान् भ॒वति । स मेधा॑वान् भ॒वति । यो मोद॑क-सह॒स्रेण॑ यज॑ति ।
स वाञ्छि॑त-फल॒मवाप्नो॑ति । यः सा॒ज्य समि॑द्धिर्-यज॑ति ।
स सर्वं॑ ल॒भते॑ स सर्वं॑ ल॒भते॑ ॥ 13

अष्टौ॑ ब्राह्म॒णान् सम्य॑ग्राहयित्वा । सूर्य॑ वर्च॒स्वी भ॒वति ।
सूय॑ ग्रहे॒ महान॑द्यां प्रति॒मा सन्नि॑धौ वा ज॒प्त्वा । सिद्ध॑ मन्त्रो भ॒वति ।
महा॑ विघ्नात् प्रमु॒च्यते॑ । महा॑ दोषात् प्रमु॒च्यते॑ ।
महा॑ प्रत्य॒वायात् प्रमु॒च्यते॑ । महा॑ पापात् प्रमु॒च्यते॑ ।

स सर्व वि॒द्धवति॑ स सर्व वि॒द्धवति॑ । य ए॒वं वे॑द । इत्यु॑पनिषत् ॥ 14

स॒ह॒ना॒व॒वतु॑ । स॒ह॒नौ॑भुनक्तु । स॒ह॒वी॒र्यं॑ करवावहै ।
ते॒ज॒स्वि॒ना व॒धी॒तम॑स्तु॒मा वि॒द्विषा॑वहै ॥

ओं शान्तिः॑ शान्तिः॑ शान्तिः॑॥

ओं भ॒द्रं द॑धातु । ओं भ॒द्रं क॑र्णेभिः शृणु॑याम दे॒वाः ।
भ॒द्रं प॑श्येमाक्षभिर् यज॑त्राः । स्थि॒रै-रङ्गै॑-स्तुष्टु॑वाꣳ स॒स्तनू॑भिः ।
व्य॒शेम॑ दे॒वहि॑तं य॒दायुः॑ । स्व॒स्ति॒न इन्द्रो॑ वृ॒द्धश्र॑वाः ।
स्व॒स्ति॒नः पू॒षा विश्व॑वे॒दाः । स्व॒स्ति-न॑स्ताक्ष॒र्यो अ॑रिष्टनेमिः ।
स्व॒स्ति॒नो बृ॒हस्प॑तिर् दधातु ॥

ओं शान्तिः॑ शान्तिः॑ शान्तिः॑ ॥

2 वेदादया

ओं । अ॒ग्निमी॑ळे पु॒रोहि॑तं य॒ज्ञस्य॑ दे॒वमृ॑त्विजं । हो॒तारं॑ रत्न॒ धात॑मं ।
इ॒षेत्वो॑र्जे॒त्वा वा॑यव॒स्स्थो पा॑यव॒स्स्थ दे॒वो व॑स्सवि॒ता प्रा॑र्पय॒तु
श्रेष्ठ॑तमाय॒ कर्म॑णे ।

अ॒ग्न आ॑याहि॒ वीत॑ये॒ गृणा॑नो ह॒व्यदा॑तये । नि॒होता॑ स॒थ्सि ब॑र्हिषि ।
श॒न्नो दे॒वीर॑भिष्ट॒य आपो॑ भवन्तु पी॒तये॑ । शं यो॑र॒भि स्र॑वन्तुनः ॥ 1

2.1 रक्षोघ्नं

(TS 1.2.14.1)

कृ॒णुष्व॑ पा॒जः प्र॑सि॒तिन्न॑ पृ॒थ्वीं या॑हि॒ राजे॑ वा॒मवा॑ ७ इ॒भे न॑ ।
वृ॒ष्वीम॑नु॒ प्रसि॑तिं-दू॒णानो॑ऽस्ताऽसि॒ विध्य॑ र॒क्षस॑ स्त॒पिष्ठैः॑ ।
तव॑भ्रमा॒स आ॑शु॒या प॑त॒न्त्यनु॑ स्पृ॒श-धृ॑षता शोशु॒चानः॑ ।
तपू॑ ७ष्य॒ग्ने जु॒ह्वाप॑तं-गा॒नस॑न्दि॒तो वि॑सृ॒ज वि॒ष्व गु॒ल्काः ।
प्र॒तिस्प॑शो॒ वि॒सृज॑-तू॒र्णि त॑मो भ॒वा पा॑युर्वि॒शो अ॒स्या अ॑द॒ब्धः ॥ 2

यो नो॑ दू॒रे अ॒घश॑ ७सो॒यो अ॒न्त्य॑ग्ने॒ माकि॑ष्ठे॒ व्यथि॑रा द॒धर्षी॑त् ।
उ॒द॒ग्नेति॑ष्ठ॒ प्रत्या॑ तनुष्व॒न्य-मि॒त्रा ७ ओ॑षता-त्ति॒ग्महे॑ते ।

यो नो अ॒राति॑ꣳ समि॒धान च॒क्रे नी॒चात॑न्ध॒क्ष्यत॑ स॒न्न शु॒ष्कं ।
ऊ॒र्ध्वो भव॑ प्रति॒विध्या॑-ध्य॒स्मदा॑ वि॒ष्कृणु॑ष्व दै॒व्या॒न्यग्ने॑ ।
अव॑स्थि॒रा तनु॑हि यातु॒ जूनां॑ जा॒मिम॑जा॒मिं प्रमृ॑णीहि श॒त्रून् ॥ 3

स ते॑ जा॒नाति॑ सु॒मतिं॑ य॒विष्ठ॑य ई॒वते॑ ब्र॒ह्मणे॑ गा॒तुमै॑रत् ।
विश्वा॑न्य॒स्मै सु॒दिना॑नि रा॒यो द्यु॒म्ना॒न्यर्यो॑ वि॒दुरो॑ अ॒भिद्यौ॑त् ।
सेद॑ग्ने अस्तु सु॒भग॑ स्सु॒दानु॑र्-यस्त्वा नित्ये॑न ह॒विषा॑य उ॒क्थैः ।
पिप्री॑षति॒स्व आयु॑षि दु॒रोणे॑ वि॒श्वेद॑स्मै सु॒दिना॑-साऽस॒दिष्टिः॑ ।
अर्चा॑मि ते सु॒मतिं॑ घो॒ष्यर्वा॑ख्-सन्ते॑ वा वा ता॑ जर॒ता मि॒यंगीः ॥ 4

स्वश्वा॑स्त्वा सु॒रथा॑ म॒र्जये॑-मा॒स्मे क्ष॒त्राणि॑ धा॒रये॑र-नु॒द्यून् ।
इ॒हत्वा॑ भू॒र्याच॑रे दु॒प॒त्मन्-दो॑षाव॒स्तर॑ दी॒दिवाꣳ स॒मनु॑द्यून् ।
क्री॒डन्त॑स्त्वा सु॒मन॑-स॒स्सपे॑मा॒भि द्यु॒म्ना त॑स्थि॒वाꣳसो॑ ज॒नानां॑ ।
यस्त्वा॑-स्वश्च॒स्सु-हि॒रण्यो॑ अ॒ग्न उप॑याति व॒सुम॑ता र॒थेन॑ ।
तस्य॑ त्रा॒ता-भ॑व॒सि तस्य॑ स॒खा यस्त॑ आ॒तिथ्य॑ मा॒नुष॑ग् जु॒जोष॑त् ॥ 5

म॒हो॒रु॒जामि॑ ब॒न्धु॒ता व॒चो॑भि॒स्तन्मा॑ पि॒तुर्गो॑त॒माद॑-न्वि॒याय॑ ।
 त्व॒न्नो अ॒स्य व॒चस॑-श्चि॒किद्धि॑ हो॒तर्य॑वि॒ष्ठ सु॒क्रतो॑ द॒मूनाः॑ ।
 अ॒स्व॒ज्ज ज॒स्तर॑णय॒ स्सु॒शेवा॑ अ॒तन्द्रा॑ सोऽवृ॒का अ॒श्रमि॑ष्ठाः ।
 तेपा॒यवः॑ स॒ध्रिय॑ज्चो निष॒द्याग्ने॑ त॒वनः॑ पा॒न्त्वमू॑र ।
 ये पा॒यवो॑ मा॒मते॑यंते अ॒ग्ने प॒श्यन्तो॑ अ॒न्धं॒दुरि॑ताद॒ रक्ष॑न् ।
 र॒रक्ष॑तान्त् सु॒क्रतो॑ वि॒श्ववे॑दा दि॒प्सन्त॑ इ॒द्रिप॑वो नाह॒ देभुः॑ ॥ 6

त्वया॑ व॒यꣳ स॒धन्य॑-स्त्वो-ता॒स्तव॑ प्र॒णीत्य॑ श्याम॒ वाजा॑न् ।
 उ॒भा शꣳ सा॑ सू॒दय॑ स॒त्यता॑ते-ऽनु॒ष्ठुया॑ कृ॒णु॒ह्य-ह॑याण ।
 अ॒या ते॑ अ॒ग्ने स॒मिधा॑ वि॒धेम॑ प्र॒तिस्तो॑मꣳ श॒स्यमा॑नं गृ॒भाय॑ ।
 द॒हाश॑सो र॒क्षसः॑ पा॒ह्यस्मा॑न् द्रु॒हो नि॒दो मि॒त्रम॑हो अ॒वद्या॑त् ।
 र॒क्षो॒हणं॑ वा॒जिन॑मा॒जि घ॒र्मि मि॒त्रं प्र॑थि॒ष्ठ-मु॑प॒यामि॑ श॒र्म ।
 शि॒शानो॑ अ॒ग्निः क्र॑तुभि-स्स॒मिद्ध॑-स्स॒नो दि॒वा स॒रिषः॑ पा॒तुन॑क्तं ॥ 7

वि॒ज्योति॑षा बृ॒हता॑ भा॒त्यग्नि॑रा॒विर्-वि॒श्वानि॑ कृ॒णुते॑ म॒हित्वा॑ ।
 प्रा॒दे॒वीर्-मा॒या स्स॑ह॒ते-दु॒रेवा॑ शि॒शीते॑ शृ॒ङ्गे र॒क्षसे॑ वि॒निक्षे॑ ।

उ॒त स्वा॒नासो॑ दि॒विष॑न्त्वग्ने॒ स्तिग्मा॑यु॒धा रक्ष॑से ह॒न्त वा उ॑ ।

म॒दे चि॒दस्य॑ प्र॒रुज॑न्ति॒ भामा॑ न॒वर॑न्ते प॒रिबा॑धो अ॒देवीः ॥ 8

2.2 आप्यम्

(TS 5.7.4.3)

अ॒ग्ने य॑श॒स्विन् य॑श॒से म॑म॒र्पये॑न्द्रा॒वती-म॑प॒चिती॑ मिहा॒वह॑ ।

अ॒यं मू॒र्द्धा प॑रमे॒ष्ठी सु॒वर्चा॑-स्स॒माना॑ना-मु॒त्तम॑ श्लो॒को अ॑स्तु ।

भ॒द्रं प॑श्य॒न्त उप॑सेदु॒रग्रे॑ तपो॒दीक्षा॑-मृष॒य-स्सु॑व॒र्विदः॑ ।

ततः॑ क्ष॒त्रं ब॑लमो॒जश्च॑ जा॒तं तद॑स्मै दे॒वा अ॑भि॒सन्न॑-म॒न्तु ।

धा॒ता वि॑धा॒ता प॑रमो॒त स॒न्दृक् प्र॑जाप॒तिः प॑रमे॒ष्ठी वि॒राजा॑ ।

स्तो॒मा-श्च॑न्दा॒सि नि॑विदो॒म आ॑हुरे॒तस्मै॑ रा॒ष्ट्रम॑भि-स॒न्नमा॑म ।

अ॒भ्याव॑र्त्त॒ध्व-मु॑पमे॒त सा॑कम॒यश् शा॑स्ता-ऽधि॒पति॑र्वो अ॒स्तु ।

अ॒स्य वि॒ज्ञान॑-म॒नुस॑-र॒भध्व॑मि॒मं प॑श्चाद॒नु जी॑वाथ॒ सर्वे॑ ॥

3 पवमान सूक्तं

TS 5.6.1.1

ओं ॥ हिरण्यवर्णाः शुचयः पावका यासुजातः कश्यपो यास्विन्द्रः ।
 अग्निँया गर्भदधिरे विरूपास्ता न आपश्शः स्योना भवन्तु ॥
 यासाँ राजा वरुणो याति मध्ये सत्यानृते अवपश्यन् जनानां ।
 मधुश्चुत-श्शुचयोयाः पावकास्ता न आपश्शः स्योना भवन्तु ॥
 यासां देवादिवि कृण्वन्ति भक्षँया अन्तरिक्षे बहुधा भवन्ति ।
 याः पृथिवीं पयसोन्दन्ति शुक्रास्ता न आपश्शः स्योना भवन्तु ॥
 शिवेन मा चक्षुषा पश्यताप शिवया तनुवो-पस्पृशत त्वचंमे ।
 सर्वाँ अग्नीँ रप्सुषदो हुवे वो मयि वर्चो बलमोजो निधत्त ॥

(Additional chanting for Shanti Japam -TS 5.6.1.2)

यददस्सं प्रयतीरहा वनदता-हते ।
 तस्मादा नद्यो नामस्थतावो नामानि सिन्धवः ।
 यत् प्रेषिता वरुणेन ताश्शीभँ समवल्गात ।
 तदाप्नो-दिन्द्रोवो यती-स्तस्मा-दापो अनु स्थन ।

अप॒काम॑ꣳ स्य॒न्दमा॑ना अ॒वीव॑रत वो हि॒कं॑ ।
 इन्द्रो॑ व॒शश॑क्तिभिर् दे॒वी-स्तस्मा॑-द्वा॒र्णाम॑वो हि॒तं॑ ।
 ए॒को दे॒वो अ॒प्यति॑ष्ठथ्-स्य॒न्दमा॑ना यथा व॒शं॑ ।
 उ॒दानि॑षुर् -म॒हीरि॑ति तस्मा॑-दु॒दक॑-मु॒च्यते॑ ।
 आपो॑ भ॒द्रा घृ॒तमि॑दाप आ॒सुर॑ग्नी-षो॒मौ बि॒भ्रत्या॑प इ॒त्ताः॑ ।
 ती॒व्रो॒रसो॑ म॒धुपृ॑चा-म॒रङ्ग॒म आ॒मा प्रा॒णेन॑ स॒हव॑र्च सा॒गन् ।
 आ॒दि॒त्प॒श्या-म्यु॑तवा श्रृ॒णो-म्या॒मा घो॑षो ग॒च्छति॑ वाङ् न आ॒सां ।
 म॒न्ये भे॒जानो॑ अ॒मृत॑स्य तर्हि॒ हिर॑ण्यव॒र्णा अ॒तृपँ॑ यदा॒वः॑ ।
 आपो॑ हि॒ष्ठा म॒यो भु॒वः तान॑ ऊ॒र्जे द॑धातन । म॒हे र॑णाय चक्ष॒से ।
 यो॒वः शि॒वत॑मो र॒सस्त॑स्य भा॒जय॑ तेह॒नः॑ । उ॒शती॑रिव मा॒तरः॑ ।
 तस्मा॑ अ॒रङ्ग॒माम॑वो यस्य क्षया॒य जि॒न्वथ॑ । आपो॑ ज॒नय॑था च नः ।
 दि॒वि श्र॑यस्वान्तरि॒क्षे य॑तस्व पृ॒थिव्या॑ सं॒भव॑ ब्र॒ह्मव॑र्च॒स-म॑सि
 ब्र॒ह्मव॑र्च॒साय॑ त्वा ॥ (Additional chanting ends)

TB 1.4.8.1 (for Para No. 1 to 6)

पव॑मान-स्सु॒वर्ज॑नः । पवि॑त्रेण विच॑र्षणिः । यः पो॒ता स पु॑नातु मा ।
 पुन॑न्तु मा दे॒वज॑नाः । पुन॑न्तु मन॑ वो॒धिया । पुन॑न्तु विश्व॑ आ॒यवः॑ ।
 जा॒तवे॑दः पवि॑त्रवत् । पवि॑त्रेण पु॒नाहि॑ मा । शु॒क्रेण॑ दे॒व दी॑द्यत् ।
 अग्ने॑ कृ॒त्वा-कृ॒तूँ र॑नु ॥ 1

यत्ते॑ पवि॑त्र-मर्चि॑षि । अग्ने॑ वि॒तत॑-मन्त॒रा । ब्र॒ह्म ते॑न पु॒नीम॑हे ।
 उ॒भाभ्यां॑ दे॒व स॑वि॒तः । पवि॑त्रेण स॒वेन॑ च । इ॒दं ब्र॒ह्म पु॑नीमहे ।
 वैश्व॑दे॒वी पु॑न॒ती दे॒व्यागा॑त् । यस्यै॑ ब॒ह्वी-स्त॑नुवो॒ वीत॑पृ॒ष्ठाः ।
 तया॑ म॒दन्त॑-स्स॒धमा॑द्येषु । वय॑ँ स्या॒म प॑तयो॒रयी॑णां ॥ 2

वैश्वान॑रो रश्मि॑भिर्मा पु॒नातु॑ । वा॒तः प्रा॑णेने॒ षिरो॑ म॒यो भूः॑ ।
 द्या॒वापृ॑थि॒वी प॑यसा॒ पयो॑भिः । ऋ॒ताव॑री य॒ज्ञिये॑ मा पु॒नीतां॑ ।
 बृ॒हद्भि॑-स्स॒वि त॑स्तृ॒भिः । वर्॒षिष्ठै॑र्-दे॒वम॑न्म॒भिः । अग्ने॑ दक्षैः॑ पु॒नाहि॑मा ।
 येन॑ दे॒वा अ॑पु॒नत॑ । ये ना॒पो दि॒व्यङ्क॑शः । तेन॑ दि॒व्येन॑ ब्र॒ह्मणा॑ ॥ 3

इ॒दं ब्र॑ह्म पु॒नीम॑हे । यः पा॒वमा॒नी-र॒द्धये॑ति ।
 ऋ॒षिभि॑-स्सं॒भृत॑ꣳ र॒सं । सर्व॑ꣳ स पू॒तम॑श्नाति ।
 स्वदि॑तं मा॒तरि॑श्च॒ना । पा॒वमा॒नीर्यो॑ अ॒द्धये॑ति ।
 ऋ॒षिभि॑-स्सं॒भृत॑ꣳ र॒सं । तस्मै॑ सर॒स्वती॑ दु॒हे ।
 क्षी॒रꣳ सर्पि॑ र्मधू॒दकं॑ । पा॒वमा॒नी-स्स्व॒स्त्यय॑नीः ॥ 4

सु॒दु॒घाहि॑ पय॒स्वतीः॑ । ऋ॒षिभि॑-स्सं॒भृतो॑ र॒सः । ब्रा॒ह्म॒णेष्व॑-मृ॒तꣳ हि॑तं ।
 पा॒वमा॒नीर् दि॑शन्तु नः । इ॒मं लो॑कमथो अ॒मुं । का॒मान्थ्-स॑म॒द्ध्यन्तु॑ नः ।
 दे॒वीर्दे॒वैः समा॑ भृ॒ताः । पा॒वमा॒नी-स्स्व॒स्त्यय॑नीः । सु॒दु॒घाहि॑ घृ॒तश्चु॑तः ।
 ऋ॒षिभि॑-स्सं॒भृतो॑ र॒सः ॥ 5

ब्रा॒ह्म॒णेष्व॑-मृ॒तꣳ हि॑तं । येन॑ दे॒वाः प॒वित्रे॑ण । आ॒त्मानं॑ पु॒नते॑ सदा॑ ।
 तेन॑ स॒हस्र॑ धा॒रेण॑ । पा॒वमा॒न्यः पु॒नन्तु॑ मा । प्रा॒जाप॑त्यं प॒वित्रं॑ ।
 श॒तो॒द्यामꣳ हि॑र॒ण्मयं॑ । तेन॑ ब्र॒ह्म वि॒दो व॑यं ।
 पू॒तं ब्र॑ह्म पु॒नीम॑हे । इ॒न्द्र-स्सु॒नीती॑ स॒ह मा॑ पु॒नातु॑ ।
 सोम॑-स्स्व॒स्त्या व॑रु॒ण-स्समी॑च्या । य॒मो रा॒जा प्र॑मृ॒णाभिः॑ पु॒नातु॑मा ।

जा॒तवे॑दा॒ मो॒र्जय॑न्त्या पु॒नातु॑ । (ओं) भू॒र्भुव॑स्सुवः ॥ 6

TB 3.5.11.1

तच्छँ॑योरा वृ॒णीम॑हे । गा॒तुं यँ॑ज्ञाय । गा॒तु यँ॑ज्ञप॒तये॑ ।

दैवी॑ स्व॒स्ति-र॑स्तुनः । स्व॒स्तिर्-मा॑नुषेभ्यः ।

ऊ॒र्ध्वं जि॑गातु भेष॒जं । श॒न्नो अ॑स्तु द्वि॒पदे॑ । शं॒चतु॑ष्पदे ॥

ओं शान्तिः॑ शान्तिः॑ शान्तिः॑ ॥

4 वास्तु मन्त्रः

TS 3.4.10

वा॒स्तौ॑ष्प॒ते प्र॒ति॒जा॒नी ह्य॒स्मान्त् स्वा॒वेशो॑ अ॒नमी॒वो भ॑वानः ।
 यत्त्वे॑ म॒हेप्र॒ति तन्नो॑ जुष॒स्व शन्न॑ ए॒धि द्वि॒पदे॑ श॒ंचतु॑ष्पदे ।
 वा॒स्तौ॑ष्प॒ते श॒ग्मया॑ स॒ꣳसदा॑ ते स॒क्षीम॑ हि॒रण्वा॒गा तु॑म॒त्या ।
 आ॒ वः॒ क्षेम॑ उ॒तयो॒गे वर॑न्नो॒ यूयं॑ पा॒त स्व॒स्तिभि॑-स्सदा॒ नः ।

APMB 2.5.19

वा॒स्तौ॑ष्प॒ते प्र॒तर॑णो न ए॒धि गो॒भिर॒श्वे-भि॑रि॒न्दो ।
 अ॒जरा॑ स॒स्तेस॒ख्ये स्या॑म पि॒तेव॑ पु॒त्रान् प्र॒तिनो॑ जुष॒स्व ।
 अ॒मीव॒हा वा॒स्तौ॑ष्प॒ते वि॒श्वा रू॒पाण्या॑ वि॒शन् । स॒खा सु॒शेव॑ ए॒धिनः॑ ।
 शि॒वꣳ शि॒वं । भूर्भु॒वस्सु॒वो भूर्भु॒वस्सु॒वो भूर्भु॒वस्सु॒वः ॥

5 वरुण सूक्तं

(TS 1.5.11.3)

उदु॒त्त॒मं॑ वरु॒ण पा॒श॒म॒स्म-द॒वा॒ध॒मं॑ वि॒म॒ध्य॒म॒ञ् श्र॒था॒य ।

अ॒था व॒य॒मा॒दि॒त्य व्र॒ते त॒वा॒ना॒ग॒सो अ॒दि॒त॒ये स्या॒म ॥ 1

(TS 1.2.8.1)

अ॒स्त॒भ्ना॒द्द॒ध्या-मृ॒ष॒भो अ॒न्त॒रि॒क्ष-म॒मि॒मी॒त-व॒रि॒मा॒णं पृ॒थि॒व्या

आ॒ऽसी॒द॒द्वि॒श्वा भु॒व॒ना॒नि स॒म्रा॒ट् वि॒श्वे॒त्ता॒नि वरु॒णस्य॑ व्र॒ता॒नि ॥ 2

(TS 3.4.11.6)

य॒त्किञ्चे॒दँ वरु॒ण दै॒व्ये ज॒नेऽभि॒द्रो॒हं म॒नु॒ष्या-श्च॒रा॒म॒सि ।

अ॒चि॒त्ती-य॒त्त॒व-ध॒र्मा यु॒यो॒पि॒म-मा॒न॒स्त॒स्मा दे॒न॒सो दे॒व री॒रि॒षः ॥ 3

(TS 3.4.11.6)

कि॒त॒वा॒सो य॒द्रि॒रि॒पु॒र्न दी॒वि य॒द्वा घा स॒त्य-मु॒त॒य॒न्न वि॒द्म ।

स॒र्वा॒ता॒वि॒ष्य शि॒थि॒रे॒व दे॒वा॒था॒ते-स्या॒म वरु॒ण प्रि॒या॒सः ॥ 4

(TS 1.5.11.3)

अ॒व॒ते॒हे॒डो वरु॒ण न॒मो॒भि॒र॒व य॒ज्ञे-भि॒री॒म॒हे ह॒वि॒र्भिः॑ ।

क्ष॒य॒न्न स्म॒भ्य म॒सुर-प्र॒चे॒तो रा॒ज॒न्ने॒ना॒ऽसि शि॒श्र॒थः कृ॒ता॒नि ॥ 5

(T.S. 2.1.11.6)

त॒त्त्वा॒यामि॑ ब्र॒ह्म॒णा व॒न्द॒मा॒न स्त॒दा॒शा॒स्ते य॒ज॒मा॒नो ह॒वि॒र्भिः॑ ।
 अ॒हे॒ड॒मा॒नो व॒रु॒णे॒ह बो॒द्ध्यु॒रु॒श॒ꣳ स॒ मा॒ न आ॒युः प्र॒मो॒षीः॑ ॥ 6

वरुण गायत्री

जुं॒भ॒का॒य वि॒द्महे॑ पा॒श॒ह॒स्ता॒य धी॒म॒हि । तन्नो॑ व॒रु॒णः प्र॒चो॒द॒यात् ॥
 ओं शान्तिः॑ शान्तिः॑ शान्तिः॑ ॥

6 ब्रह्म सूक्तं

(TB 2.8.8.8)

ब्रह्मजज्ञानं प्रथमं पुरस्ताद् विसीमत-स्सुरुचो वेन आवः ।
सबुद्ध्यया उपमा अस्य विष्ठाः सतश्च योनि-मसतश्च विवः । 1

पिता-विराजा मृषभो-रयीणा-मन्तरिक्षं विश्वरूप आवि वेश ।
तमर्के-रभ्यर्चन्ति वथ्सं ब्रह्म सन्तं ब्रह्मणा वर्द्धयन्तः । 2

ब्रह्म देवान जनयद् ब्रह्म विश्वमिदं जगत् ।
ब्रह्मणः क्षत्रं निर्मितं ब्रह्म ब्राह्मण आत्मना ॥ 3

अन्तरस्मि-न्निमे लोका अन्तर्विश्वमिदं जगत् ।
ब्रह्मैव भूतानां ज्येष्ठं तेन कोऽर्हति स्पर्द्धितुं । 4

ब्रह्मन् देवा स्त्रयस्त्रिंशद् ब्रह्म-न्निन्द्र प्रजापती ।
ब्रह्मन् ह विश्वा भूतानि नावीवान्त-स्समाहिता । 5

च॒त॒स्र आ॒शाः प्र॒च॒र॒न्त्व॒ग्नयः॑ इ॒म॒न्नो य॒ज्ञ॒न्नय॑तु प्र॒जा॒न॒न् ।

घृ॒तं पि॒न्व॒न्न-ज॒र॑ सु॒वी॒रं ब्र॒ह्म स॒मिद् भ॒व॒त्या-हु॑ती॒नां ।

6

(ओं शान्तिः शान्तिः शान्तिः ॥)

7 विष्णु सूक्तं

7.1 विष्णु सूक्तं (Split Chanting)

(TS 1.2.13.3)

वि॒ष्णो॒र्नु॒कं वी॒र्या॑णि प्र॒वो॒चं यः॑ पा॒र्त्थि॒वा॒नि वि॒म॒मे रा॒जा॒सि॑
यो अ॒स्क॒भा॒य-दु॒त्तर॑ स॒ध॒स्थं वि॒च॒क्र॒मा॒ण-स्त्रे॒धो॒रु-गा॒यः ॥ 1

Optional (TS 1.2.13.3)

वि॒ष्णो-र॒रा॒ट॒म॒सि वि॒ष्णोः॑ पृ॒ष्ठ॒म॒सि वि॒ष्णो-इ॒न॒ज्त्रै॑स्थो वि॒ष्णो-
स्स्यू॒र॒सि वि॒ष्णो ध्रु॒व॒म॒सि वै॒ष्ण॒व॒म॒सि वि॒ष्ण॒वे त्वा ॥ 2

(TB 2.4.6.2)

तद॒स्य प्रि॒य-म॒भि॒पा॒थो अ॒र्या॑ । न॒रो॒य॒त्र दे॒व॒य॒वो म॑द॒न्ति ।
उ॒रु॒क्र॒म॒स्य स॒हि ब॑न्धु॒रि॒त्था । वि॒ष्णोः॑ प॒दे प॒र॒मे म॑द॒ध्व उ॒त्सः॑ ॥ 3

(TB 2.4.3.4)

प्र॒तद्विष्णु॑-स्स्तव॑ते वी॒र्या॑य । मृ॒गो॒न भी॑मः कु॒चरो॑ गि॒रिष्ठाः॑ ।
 य॒स्यो॒रुषु॑ त्रि॒षु वि॒क्रम॑णेषु । अधि॒क्षि॒यन्ति॑ भुव॒नानि॑ वि॒श्वा ॥ 4

(TB 2.8.3.2)

प॒रो मा॒त्रया॑ त॒नुवा॑ वृ॒धान । न॒ते म॒हि॒त्वम॑न्-व॒श्नु॑वन्ति ।
 उ॒भेते॑ वि॒द्म र॒ज॒सी पृ॒थि॒व्या वि॒ष्णो-दे॒वत्वं॑ । प॒रम॑स्य वि॒त्से ॥ 5

(TB 2.4.3.5)

वि॒च॒क्रमे॑ पृ॒थि॒वी मे॒ष ए॒तां । क्षे॒त्राय॑ वि॒ष्णुर्-म॒नुषे॑ द॒शस्य॑न् ।
 ध्रु॒वासो॑ अ॒स्य की॒रयो॑ ज॒नासः॑ । उ॒रु॒क्षि॒तिꣳ सु॒ज॒नि॒माच॑कार ॥ 6
 त्रि॒र्दे॒वः पृ॒थि॒वी मे॒ष ए॒तां । वि॒च॒क्रमे॑ श॒तर्च॑सं म॒हि॒त्वा ।
 प्र॒वि॒ष्णु॒रस्तु॑ त॒वस॑स्त॒वीया॑न् । त्वे॒षꣳ ह्य॑स्य स्त॒थि॒रस्य॑ ना॒म ॥ 7

(ओं शान्तिः॑ शान्तिः॑ शान्तिः॑ ॥)

7.2 विष्णु सूक्तं (Combined Chanting)

वि॒ष्णो॒र्नु॒कं वी॒र्या॑णि प्र॒वोचं॑ यः पा॒र्त्थि॒वानि॑ वि॒ममे॑ रा॒जाꣳसि॑
 यो अ॒स्क॒भाय॑-दु॒त्तरꣳ स॒धस्थं॑ वि॒च॒क्रमा॑ण-स्त्रे॒धोरु॑-गा॒यः ॥ 1

Optional

विष्णो॑-ररा॑टमसि॑ विष्णोः॑ पृ॒ष्ठम॑सि विष्णो-॑ऽन॒ज्ज्रे॑स्थो विष्णो-
 स्स्यूर॑सि विष्णो॑ ध्रु॒वम॑सि वैष्ण॑वमसि विष्ण॑वे त्वा ॥ 2

तद॑स्य प्रि॒यम॑भि पा॒थो अ॒श्यां न॑रो यत्र दे॒व य॒वो म॑दन्ति ।
 उरु॑क्रमस्य स हि बन्धु॑रित्था विष्णोः॑ पदे॒ पर॑मे म॒दध्व॑ उ॒त्थसः॑ । 3
 प्रत॑द् विष्णुः॑ स्तवते वी॒र्या॑य मृ॒गो न भी॑मः कु॒चरो गि॑रिष्ठाः ।
 यस्यो॑रुषु त्रिषु॑ वि॒क्रम॑णे-ष्वधि क्षि॒यन्ति॑ भुव॒नानि॑ विश्वा । 4
 परो॑ मा॒त्रया॑ त॒नुवा॑ वृ॒धान॑ न ते म॒हित्व॑मन्व॒श्नु॑वन्ति ।
 उ॒भे ते॑ वि॒द्म र॑ज॒सी पृ॒थि॒व्या वि॒ष्णो दे॒व त्वं प॑रमस्य वि॒त्से । 5
 वि॒च॒क्रमे॑ पृ॒थि॒वीमेष॑ ए॒तां क्षे॒त्राय॑ विष्णु॑र् म॒नुषे॑ द॒शस्य॑न् ।
 ध्रु॒वासो॑ अ॒स्य की॒रयो॑ ज॒नास॑ उरु॒क्षिति॑ सु॒जनि॑मा च॒कार । 6
 त्रिर् दे॒वः पृ॒थि॒वीमेष॑ ए॒तां वि॒च॒क्रमे॑ श॒तर्च॑ संम॒हित्वा ।
 प्रवि॑ष्णु॒रस्तु॑ त॒वस॑ स्त॒वीयान्॑ त्वेष॑ ह्य॒स्य स्थ॑वि॒रस्य॑ नाम । 7
 ओं शान्तिः॑ शान्तिः॑ शान्तिः॑ ॥

8 रुद्र सूक्तं

(TS 4.5.10.4)

परि॑णो रु॒द्रस्य॑ हे॒तिर् वृ॑णक्तु परि॑त्वेषस्य॑ दु॒र्मति॑रघा॒योः ।

अव॑स्थि॒रा म॒घव॑द्भ्य-स्तनु॒ष्व मी॑ढ्व-स्तो॒काय॑ तनयाय॑ मृ॒डय॑ ॥ 1

(TS.4.5.10.3)

स्तु॒हि श्रु॒तं ग॒र्त्तस॑दं यु॒वानं॑ मृ॒गन्न॑भीम-मु॒पह॑लु-मु॒ग्रं ।

मृ॒डाज॑रि॒त्रे रु॒द्रस्त॑वानो अ॒न्यन्ते॑ अ॒स्म-न्नि॑वपन्तु से॒नाः ॥ 2

(TS 4.5.10.4)

मी॒ढुष्ट॑म शि॒वत॑म शि॒वो नः॑ सु॒मना॑ भव ।

पर॑मे वृ॒क्ष आ॑युध नि॒धाय॑ कृ॒त्तिँव॑सान आ॒चर॑ पि॒नाकं॑ बिभ्र॒दाग॑हि ॥ 3

(TA 7.5.7)

अ॒र्.ह॑न् बिभ॒र्षि सा॑यका॒नि ध॑न्व । अ॒र्.ह॑न्निष्कं य॒जतं॑ वि॒श्वरू॑पं ।

अ॒र्.ह॑न्निदं दय॒से वि॒श्व म॑ब्भु॒वं । न॒वा ओ॑जीयो रु॒द्रत्व॑दस्ति ॥ 4

(अ॒र्.ह॑न् बिभ॒र्षि सा॑यका॒नि ध॑न्वा॒र्.ह॑न्निष्कं य॒जतं॑ वि॒श्वरू॑पं ।

अ॒र्.ह॑न्निदं दय॒से वि॒श्वम॑ब्भु॒वं न॒वा ओ॑जीयो रु॒द्रत्व॑दस्ति ॥)

(TS 1.3.14.1)

त्व॒मग्ने॑ रु॒द्रो अ॒सुरो॑ म॒हो दि॒वस्त्व॑ श॒र्द्धो मा॒रुतं॑ पृ॒क्ष ई॒शिषे॑ ।

त्वं वा॑तैर॒रुणैर् -या॑सि श॒ंगय॑स्त्वं पू॒षा वि॒धतः॑ पा॒सि नु॒त्मना॑ ॥ 5

(TS 1.3.14.1)

आ॒वो रा॒जान॑-म॒ध्वर॑स्य रु॒द्रं हो॒तारं॑ स॒त्य य॒ज रो॒दस्योः॑ ।

अ॒ग्निं पु॒रात॑न-यि॒न्नो-र॒चित्ता-द्वि॒रण्य-रू॒पम॑वसे कृ॒णुध्वं॑ ॥ 6

(ओं शान्तिः॑ शान्तिः॑ शान्तिः॑ ॥)

9 दुर्गा सूक्तं

(TA .6.2.1)

जा॒तवे॑दसे सु॒नवाम॑ सोम॑-म॒राती॑यतो नि॒दहा॑ति वे॒दः ।

सनः॑ पर्ष॒दति॑ दु॒र्गाणि॑ वि॒श्वा ना॒वेव॑ सि॒न्धुं दु॒रिता॑त्य॒ग्निः ॥ 1

ता॒मग्नि॑वर्णां तप॒सा ज्व॑लन्तीं वै॒रोच॑नीं क॒र्मफ॑लेषु जु॒ष्टां ।

दु॒र्गा दे॒वीं श॑रणम॒हं प्र॑पद्ये सु॒तर॑सि तर॒से नमः॑ ॥ 2

अ॒ग्ने त्वं पा॑रया न॒व्यो अ॒स्मान्ध॑ स्व॒स्तिभि॑रति दु॒र्गाणि॑ वि॒श्वा ।

पू॒श्च पृ॒थ्वी ब॒हुला॑न उ॒र्वी भ॒वा तो॑काय तनयाय शँ॒योः ॥ 3

वि॒श्वानि॑ नो दु॒र्गहा॑ जा॒तवे॒दः सि॒न्धु॒न्न ना॒वा दु॒रिता॑ति॒ पर्षि॑ ।

अ॒ग्ने अ॒त्रिव॑न् म॒नसा॑ गृ॒णानो॑ऽस्माकं॑ बो॒ध्यवि॒ता त॒नूनां॑ ॥ 4

पृ॒तना॑जि॒तꣳ स॒हमा॑न-मु॒ग्रम॑ग्निꣳ हु॒वेम॑ प॒रमा॑त् स॒धस्था॑त् ।

सनः॑ पर्ष॒दति॑ दु॒र्गाणि॑ वि॒श्वा क्षा॑म॒द्दे॒वो अ॒ति दु॒रिता॑त्य॒ग्निः ॥ 5

(it is customary to chant only upto Para 5 for Shanti Japam)

प्र॒त्नोषि॑कमी॒द्भ्यो अ॒ध्वरे॑षु स॒नाच्च॑ हो॒ता न॒व्यश्च॑ स॒त्थिः ।

स्वाञ्चा॑ग्ने त॒नुवं॑ पि॒प्रय॑-स्वा॒स्मभ्य॑ञ्च सौ॒भग॑माय॒ जस्व॑ ॥ 6

गो॒भिर्जु॑ष्ट-म॒युजो॑ नि॒षिक्तं॑ तवे॒न्द्र वि॒ष्णो-र॒नुस॑ञ्चरेम ।

ना॒कस्य॑ पृ॒ष्ठम॑भि सँव॒सानो॑ वै॒ष्णवीं॑ लो॒क इ॒ह मा॑दयन्तां ॥ 7

का॒त्याय॑नाय॒ विद्महे॑ क॒न्यकु॑मा॒रि धी॑महि । तन्नो॑ दु॒र्गिः प्र॒चोद॑यात् ॥

(ओं शान्तिः॑ शान्तिः॑ शान्तिः॑ ॥)

10 श्री सूक्तं

(Rig Veda Khila Kaandam - 5.8.7.1)

(To be Chanted as per Rig Vedic Sruti; hence “Anunaasikam”, “ॐ” and “ॐ” are not represented here as they are not used in Rig Vedic chants. In Some parts of India, when this Suktham is chanted in Krishna Yajur Veda “ॐ” , “ॐ” are added in para 9 and 12, whereas in other parts of India this full Suktham is chanted without “ॐ” , “ॐ”.)

हिरण्यवर्णां ह॑रिणीं सुवर्णं रजतस्रजां ।

चन्द्रां हिरण्मयीं लक्ष्मीं जा॑तवेदो म आव॑ह ॥ 1

तां म आव॑ह जा॑तवेदो लक्ष्मी-मन॑पगामिनीं ।

यस्यां हिरण्यं वि॒न्देयं-गाम॑श्च पुरु॑षान॒हं ॥ 2

अश्व॑पूर्वा रथ॑मद्भ्यां ह॑स्तिनाद-प्र॑बोधिनीं ।

श्रियं दे॒वीमु॑पह्वये श्री॑र्मादे॒वीर्जु॑षतां ॥ 3

कां सोऽस्मि॑तां हिरण्य-प्रा॑कारा-मा॒र्द्रां ज्वल॑न्तीं तृ॒प्तां तर्प॑यन्तीं ।

पद्मे॑स्थितां पद्म॑वर्णां तामि॑होपह्वये श्रियं ॥ 4

चन्द्रां प्र॑भासां यश॑सा-ज्वल॑न्तीं श्रियं॑लोके दे॒वजु॑ष्टा-मु॒दारां ।

तां पद्मि॑नीमीं शरण॑म॒हं प्र॑पद्ये ऽलक्ष्मी॑र्मै नश्य॑तां त्वां वृ॑णे ॥ 5

आ॒दि॒त्य॒व॒र्णे॑ त॒प॒सोऽधि॑जा॒तो व॒न॒स्प॒ति॒स्त॒व वृ॒क्षोऽथ॑ बि॒ल्वः॑ ।
तस्य॑फ॒ला॒नि त॒प॒सा-नु॑दन्तु मा॒यान्त॑-रा॒याश्च॑ बा॒ह्या अ॒लक्ष्मीः॑ ॥ 6

उ॒पै॒तु॒मां दे॒व॒स॒खः॑ की॒र्त्ति॒श्च म॒णि॒ना स॒ह ।
प्रा॒दु॒र्भू॒तोऽस्मि॑ रा॒ष्ट्रेऽस्मिन्॑ की॒र्त्ति॒-मृ॒द्धिं-द॒दा॒तु मे॑ ॥ 7

क्षु॒त्पि॒पा॒सा-म॒लां ज्ये॑ष्ठा॒म-ल॒क्ष्मीं॑-ना॒श॒या॒म्य॒हं ।
अ॒भू॒ति-म॒स॒मृ॒द्धिं॒च स॒र्वा नि॒र्णु॑द मे गृ॒हात् ॥ 8

ग॒न्ध॒द्वा॒रां दु॒रा॒ध॒र्षां॑ नि॒त्य॒पु॒ष्टां क॒री॒षिणीं॑ ।
ई॒श्वरीं॑ (or ई॒श्वरी॑) स॒र्व भू॒ता॒नां ता॒मि॒हो॒प॒ह्वये॑ श्रि॒यं ॥ 9

म॒न॒सः का॒म॒मा॒कू॒तिं-वा॒चः स॒त्य म॑शी॒महि॑ ।
प॒शू॒नां रू॒प॒म॒न्न॒स्य॑ म॒यि श्रीः॑ श्र॒य॒तां य॒शः॑ ॥ 10

क॒र्द॒मे॒न प्र॑जा भू॒ता म॒यि सं॑भव॒ क॒र्द॒म ।
श्रि॒यं वा॒स॒य॒मे कु॒ले मा॒तरं॑ प॒द्म॒मा॒लिनीं॑ ॥ 11

आपः॑ सृजन्तु॑ स्निग्धानि॑ चिक्लीत॑ वसमे॑ गृहे ।
निच॑देवीं॒ मातरं॑ (or मातर॑) श्रियं॑ वासयमे॑ कुले ॥ 12

आर्द्रा॑ यः करिणीं॑ यष्टिं॑ पिङ्गलां॑ पद्ममालिनीं॑ ।
चन्द्रां॑ हिरण्मयीं॑ लक्ष्मीं॑ जातवेदो॑ म आवह ॥ 13

आर्द्रा॑ पुष्करिणीं॑ पुष्टिं॑ सुवर्णां॑ हेममालिनीं॑ ।
सूर्यां॑ हिरण्मयीं॑ लक्ष्मीं॑-जातवेदो॑ म आवह ॥ 14

तां॑ म आवह॑ जातवेदो॑ लक्ष्मी-मनपगामिनीं॑ ।
यस्यां॑ हिरण्यं॑ प्रभूतं॑ गावो॑ दास्योऽश्वान्॑ विन्देयं॑ पुरुषानहं॑ ॥ 15

पद्मप्रिये॑ पद्मिनि॑ पद्महस्ते॑ पद्मालये॑ पद्मदलाय-ताक्षि॑ ।
विश्वप्रिये॑ विष्णु-मनोनुकूले॑ त्वत्पाद-पद्मं॑ मयि॑ सन्निधत्स्व ॥

महादेव्यै॑ च विद्महे॑ विष्णु पत्न्यै॑ च धीमहि॑ ।
तन्नो॑ लक्ष्मीः प्रचोदयात् ॥
श्री॑ वर्चस्व-मायुष्य-मारोग्य-मावीधा-च्छोभमानं॑ महीयते॑ ॥

धान्यं॑ धनं॑ पशुं॑ बहु॑पु॒त्रला॑भं॒ शत॑सं॒वत्स॑रं॒ दी॒र्घमा॑युः॒ ॥

(ओं॑ शान्तिः॒ शान्तिः॒ शान्तिः॑ ॥)

11 मे॒धा सू॒क्तं

TA 6.41.1

मे॒धादे॒वी जु॒षमा॑णा न आ॒गाद् वि॒श्वाची॑ भ॒द्रा सु॑मनस्य मा॒ना ।
त्वया॑ जु॒ष्टा नु॒दमा॑ना (जु॒षमा॑णा) दु॒रुक्ता॑न् बृ॒हद्व॑दे॒म वि॒दथे॑ सु॒वीराः॑ ॥

त्वया॑ जु॒ष्ट ऋ॒षिर् भ॑वति दे॒वित्त्वया॑ ब्र॒ह्माऽऽग॑तश्री रु॒तत्वया॑ ॥

त्वया॑ जु॒ष्टश्चि॒त्रं वि॑न्दते वसु॒सानो॑ जु॒षस्व द्र॑वि॒णो न मे॑धे ॥

मे॒धां म इन्द्रो॑ ददातु मे॒धां दे॒वी सर॑स्वती ।

मे॒धां मे अ॒श्विना॑ वु॒भावा॑धत्तां पु॒ष्कर॑स्रजा ॥

अ॒प्सरा॑सु च या मे॒धा ग॑न्धर्वेषु च यन्मनः॑ ।

दै॒वीं मे॒धा म॑नुष्यजा सा मां मे॒धा सु॒रभि॑र् जुषतां ॥

(दै॒वीं मे॒धा सर॑स्वती सा मां मे॒धा सु॒रभि॑र् जुषतां॑ स्वाहा॑)

आमां॑ मे॒धा सु॒रभि॑र्-वि॒श्वरू॑पा हि॒रण्य॑वर्णा जगती जग॒म्या ।

ऊ॒र्ज॑स्व॒ती प॒य॒सा पि॒न्व॑मा॒ना सा मां॑ मे॒धा सु॒प्र॒ती॒का जु॑षन्तां ॥

म॒यि मे॒धां म॒यि प्र॒जां म॒य्य॒ग्नि॒-स्ते॒जो॑दधातु ,
 म॒यि मे॒धां म॒यि प्र॒जां म॒यीन्द्र॑ इन्द्रि॒यं द॑धातु ,
 म॒यि मे॒धां म॒यि प्र॒जां म॒यि सू॒र्यो भ्रा॒जो द॑धातु ॥

हंसगायत्री-

हं॒स हं॒साय॑ वि॒द्महे॑ पर॒महं॒साय॑ धी॒महि॑ । तन्नो॑ हं॒सः प्र॒चो॒दया॑त् ॥

(ओं शान्तिः॑ शान्तिः॑ शान्तिः॑ ॥)

12 भू सूक्तं

(TS 1.5.3.1)

ओं ॥ भूमि॑र् भू॒म्ना द्यौर्व॑रिणा-ऽन्तरि॑क्षं महि॒त्वा ।
 उप॒स्थे ते दे॒व्यदि॑ते-ऽग्नि॑मन्नाद-मन्ना-द्या॒याद॑धे ।
 आऽय॑ङ्गौः पृ॒थिन॑रक्रमी-द॒सन॑न् मा॒तरं पुनः॑ । पि॒तरञ्च॑ प्र॒यन्त्सु॑वः ।
 त्रि॒ंश॒ब्दाम॑ वि॒राज॑ति वाक्प॒तङ्गाय॑ शि॒श्रिये॑ । प्र॒त्यस्य॑ वह॒द्युभिः॑ ।
 अ॒स्य प्रा॒णाद॑पा-न॒त्यन्त॑श्चरति रो॒चना । व्य॑ख्यन् महि॒ष स्सु॑वः ॥ 1

य॒त्वा ॥ क्रु॒द्धः प॒रो वप॑-म॒न्युना॑ यदव॒र्त्या ।
 सु॒कल्प॑मग्ने तत्तव पु॒नस्त्वो॑-दी॒पया॑मसि ।
 य॒त्ते म॒न्यु प॒रोप्त॑स्य पृ॒थिवी॑-म॒नुद॑ध्वसे ।
 आ॒दि॒त्या वि॒श्वे तद्दे॒वा वस॑वश्च स॒माभ॑रन् ।
 म॒नो ज्यो॑तिर् जुष॒ता-मा॒ज्यं वि॒च्छिन्नं॑ य॒ज्ञं स॒मिम॑न्दधातु ।
 बृ॒हस्प॑ति-स्तनु॒ता मि॒मन्नो॑ वि॒श्वे दे॒वा इ॒ह मा॑दयन्तां ॥ 2

सप्त॑ते॒ अग्ने॑ समि॒धः सप्त॑ जि॒ह्वाः-सप्त॑र्ष॒यः-सप्त॑धा॒म प्रि॒याणि॑ ।
 सप्त॑ हो॒त्रा स्सप्त॑ धा॒त्वा यज॑न्ति सप्त॑यो॒नी-रा॑पृ॒णस्वा घृ॑तेन ।
 पुन॑रू॒र्जा नि॒वर्त्तस्व॑ पुन॑र॒ग्न इ॒हायु॑षा । पुन॑र्नः पा॒हि वि॒श्वतः॑ ।
 स॒हर॑य्या नि॒वर्त्तस्वा॑ग्ने पि॒न्वस्व॑ धा॒रया॑ । वि॒श्वफ्स्नि॑या वि॒श्वत॑स्प॒रि ॥ 3

ले॒क-स्स॑ले॒क-स्सु॑ले॒क स्तेन॑ आ॒दित्या॑ आ॒ज्यं जु॑षा॒णा वि॒यन्तु॑ ,
 के॒त-स्स॑के॒त-स्सु॑के॒त स्तेन॑ आ॒दित्या॑ आ॒ज्यं जु॑षा॒णा वि॒यन्तु॑,
 वि॒वस्वा॑ अ॒धि॒तिर् दे॒व जू॒तिस्तेन॑ आ॒दित्या॑ आ॒ज्यं जु॑षा॒णा वि॒यन्तु॑ ॥ 4

ओं शान्तिः॑ शान्तिः॑ शान्तिः॑ ॥

13 भाग्य सूक्तं

(TB 2.9.8.7)

प्रा॒तर॒ग्निं प्रा॒तरिन्द्र॑ꣳ ह॒वाम॑हे प्रा॒त॒र्मि॒त्रा वरु॑णा प्रा॒तर॒श्विना॑ ॥

प्रा॒त॒र्भगं॑ पू॒षणं॑ ब्र॒ह्म॒णस्प॑तिं प्रा॒त॒स्सोम॑मु॒त रु॒द्रꣳ हु॒वेम॑ ॥ 1

प्रा॒त॒र्जितं॑ भ॒गमु॒ग्रꣳ हु॒वेम॑ व॒यं पु॒त्रम॑दि॒तेर्यो॑ वि॒ध॒र्ता ।

आ॒द्ध्रश्चि॑द्यं म॒न्यमा॑न-स्तु॒रश्चि॑द्राजा चि॒द्यं भ॒गं भ॑क्षी॒त्याह॑ ॥ 2

भ॒गप्र॑णै॒तर्भ॑ग-स॒त्य॒राधो॑ भ॒गोमां॑ धि॒यमु॑द-व॒द॒द॒न्नः ।

भ॒गप्र॑णो॒ जन॑य गो॒भि-र॒श्वैर् भ॑गप्र॒नृभिर् नृ॑व॒न्त-स्स्या॑म ॥ 3

उ॒तेदा॑नीं भ॒गव॑न्त-स्स्या॒मोत॑ प्र॒पि॒त्व उ॒त म॑द्ध्ये अ॒ह्नां ।

उ॒तोदि॑ता म॒घव॑न्थ्-सू॒र्यस्य॑ व॒यं दे॒वानाꣳ सु॑म॒तौ स्या॑म ॥ 4

भ॒ग ए॒व भ॑ग॒वाꣳ अ॑स्तु दे॒वास्ते॑न व॒यं भ॑गव॒न्त-स्स्या॑म ।

तं त्वा॑ भ॒ग सर्व॑ इ॒ज्जो॑ह॒वीमि॑ स॒नो भ॑ग पु॒र ए॒ता भ॑वे॒ह ॥ 5

स॒म॒ध्व॒रा-यो॒ष॒सो ऽन॒म॒न्त॒ दधि॒क्रा॒वे॒व शु॒च॒ये प॒दा॒य॒ ।

अ॒र्वा॒ची॒नं व॑सु॒वि॒दं भ॒ग॒न्नो रथ॑मि॒वाश्वा॑ वा॒जिन॑ आव॒हन्तु॑ ॥ 6

अ॒श्वा॒व॒ती॒र् गो॒म॒ती॒र्न उ॒षा॒सो वी॒र॒व॒ती-स्स॒द॒मु॒च्छ॒न्तु भ॒द्राः ।

घृ॒तं दु॒हा॒ना वि॒श्व॒तः प्र॒पी॒ना यू॒यं पा॒त स्व॒स्ति-भि॒स्स॒दानः॑ ॥ 7

यो मा॑ऽग्ने॒ भा॒गिन॑ꣳ स॒न्त॒म॒था भा॒गं चि॒क्री॑र्ष॒ति ।

अ॒भा॒ग-म॒ग्ने तं॑ कुरु॒ माम॑ग्ने॒ भा॒गिनं॑ कुरु ॥ 8

भा॒ग्य॒दे॒व॒ता॒यै नमः॑ ॥ (ओं शान्तिः॒ शान्तिः॒ शान्तिः॑) ॥

14 मृत्यु सूक्तं

(TS .3.15.1, Para 1 & 2)

हरि॑ꣳ हर॒न्त॒ म॒नु॒य॒न्ति दे॒वाः । वि॒श्व॒स्ये॒शानं॑ वृ॒षभं॑ म॒ती॒नां ।

ब्र॒ह्म स॒रूप॑ म॒नु मे॒द॒मा॒गात् । अ॒य॒नं मा॑ वि॒व॒धी॒र् वि॒क्र॒म॒स्व ।

मा॒च्छि॒दो मृ॒त्यो मा॒व॒धीः । मा॒मे ब॒लं वि॒वृ॒हो मा॑ प्र॒मो॒षीः ।

प्र॒जां मा॑ मे॒ री॒रिष॑ आ॒यु॒रु॒ग्र । नृ॒चक्ष॑सं त्वा ह॒विषा॑ वि॒धेम॑ ।

सद्य॑श्च-क॒मा॒नाय॑ । प्र॒वे॒पा॒नाय॑ मृ॒त्यवे॑ । प्रा॒स्मा आ॒शा अ॒शृ॒ण्वन् ।

कामे॑ना॒ जन॑यन् पुनः॑ । कामे॑नमे॒ काम॒ आगा॑त् ॥

हृ॒दया॑-हृ॒दयं॑ मृ॒त्योः । यद॒मी॒षा॒ मदः॑ प्रि॒यं । तदै॒तूप॒मा-म॒भि ॥ 1

परं॑ मृ॒त्यो अनु॑परेहि पन्थां॑ ॥ यस्ते॑स्व इ॒तरो॑ दे॒वयाना॑त् ।

चक्षु॑ष्मते श्रृ॒ण्वते॑ ते ब्रवी॑मि । मानः॑ प्र॒जाꣳ री॒रिषो॑ मो॒तवी॒रान् ।

प्र॒पूर्व्यं॑ मन॒सा व॑न्दमानः । नाध॑मानो वृष॒भं-चर्ष॑णीनां ।

यः प्र॒जाना॑ मे॒करा॑ण्मानु॒षीणां॑ । मृ॒त्युं य॑जे प्रथ॒मजा॑ मृ॒तस्य॑ ॥ 2

TB 3.9.15.1 (para 3 to 5)

सर्वे॑षु वा ए॒षु लो॒केषु॑ मृ॒त्यवो॑ऽन्वाय॑ताः । तेभ्यो॑ यदाहु॑तीर्न जुहु॑यात् ।

लो॒के लो॒क ए॒नं मृ॒त्युर् वि॑न्देत् ।

मृ॒त्यवे॑ स्वाहा॑ मृ॒त्यवे॑ स्वाहे॒त्यभि॑ पूर्॒व माहु॑ती जु॒होति॑ ।

लो॒का ल्लो॒का दे॒व मृ॒त्युम॑व यज॑ते । नैनं॑ लो॒के लो॒के मृ॒त्यु वि॑न्दति ।

यद॒मुष्मै॑ स्वाहा॑ऽमुष्मै॑ स्वाहे॒ति जुह्व॑त्सं चक्षी॑त ॥ 3

ब॒हुं मृ॒त्यु-म॒मित्रं॑ कुर्वी॑त । मृ॒त्यवे॑ स्वाहे॒त्ये क॑स्मा ए॒वैकाꣳज्जु॑ह्यात् ।

एको॑ वा अ॒मुष्मिन्॑ लो॒के मृ॒त्युः । अ॒शन॒या मृ॒त्युरे॒व ।

तमे॒वा मु॒ष्मिन् लो॒के ऽव॑यजते ।

भ्रू॒णह॑त्यायै स्वा॒हेत्य॑ वभृ॒थ आ॑हुतिं जुहोति ।

भ्रू॒णह॑त्यामे॒वा व॑यजते । तदा॑हुः । यद्भ्रू॒ण ह॑त्या-ऽपा॒त्र्याऽथ॑ ।

कस्मा॑द् य॒ज्ञे ऽपि॑क्रियत इति । अमृ॑त्यु॒र्वा अ॒न्यो भ्रू॒णह॑त्याया इत्याहुः ।

भ्रू॒णह॑त्या वाव मृ॒त्युरि॑ति ।

यद् भ्रू॒ण ह॑त्यायै स्वा॒हेत्य॑ वभृ॒थ आ॑हुतिं जुहोति ।

मृ॒त्युमे॒वा हु॑त्या-त॒र्पयि॑त्वा प॒रिपा॑णं कृ॒त्वा । भ्रू॒णघ्ने॑ भे॒षजं॑ करोति ॥ 4

ए॒ता॒ ह॒वै मु॒ण्डि॑भ औ॒दन्य॑वः । भ्रू॒णह॑त्यायै प्रायश्चि॑त्तिं वि॒दाञ्च॑कार ।

यो॒हास्या॑पि प्र॒जायां॑ ब्रा॒ह्मण॑ ह॒न्ति । सर्व॑स्मै तस्मै॑ भे॒षजं॑ करोति ।

जु॒ंबका॑य स्वा॒हेत्य॑ वभृ॒थ उ॒त्तमा॑- माहुतिं जुहोति ।

वरु॑णो वै जु॒ंबकः॑ । अ॒न्तत॑ ए॒व वरु॑ण-मवयजते ।

ख॒लते॑र्-वि॒क्लि॒धस्य॑ शु॒क्लस्य॑ पि॒ङ्गाक्ष॑स्य मूर्ध्नि॑ जुहोति ।

ए॒तद्वै वरु॑णस्य रू॒पं । रू॒पेणै॑व वरु॑ण मवयजते ॥ 5

Part 2 (T.A.6.45.1, for para 1 to 16)

अ॒पै॒तु मृ॒त्यु॒र-मृ॒त॒न्न आ॒गन्वै॒वस्व॒तो नो॒ अ॒भय॑ङ्क॒णोतु॑ ।

पर्णं॑ च॒नस्प॑ते-रि॒वाभि॑ न॒श्शी॒यता॑ꣳ र॒यि-स्स॑च॒तान्न॑ श॒शी॒पतिः॑ ॥ 1

परं॑ मृ॒त्यो अनु॑परे॒हि प॒न्थां च॑स्ते॒स्व इ॒तरो॑ दे॒वया॑नात् ॥

चक्षु॑ष्मते श्रृ॒ण्वते॑ ते ब्र॒वीमि॑ मा॒नः प्र॒जाꣳ री॒रिषो॑ मो॒त वी॒रान् ॥ 2

वा॒तं प्रा॑णं॒ मन॑सा॒ ऽन्वा॑र॒भाम॑हे प्र॒जाप॑तिं च॒यो भु॑व॒नस्य॑ गो॒पाः ।

स॒नो मृ॒त्यो स्त्रा॑य॒तां पा॒त्वꣳ ह॒सो ज्यो॑ग्जी॒वा ज॒राम॑शीम॒हि ॥ 3

अ॒मु॒त्रभू॑या॒दध॑ य॒द्यम॑स्य॒ बृह॑स्प॒ते अ॒भि॒शस्ते॑र मु॒ञ्चः ।

प्र॒त्यौ॒हता॑ म॒श्विना॑ मृ॒त्यु-म॑स्माद्-दे॒वाना॑म॒ग्ने भि॑ष॒जा श॒चीभिः॑ ॥ 4

श॒ल्कै॒रग्नि॑ मि॒न्धान॑ उ॒भौ लो॒कौ स॑नेम॒हं ।

उ॒भयो॑र् लो॒कयो॑-ऋ॒द्ध्वा॒ऽति॑ मृ॒त्युं त॑रा॒म्यहं॑ ॥ 5

ह॒रिꣳ ह॒रन्त॑-म॒नुय॑न्ति दे॒वा वि॒श्वस्ये॑शा॒नं वृ॑ष॒भं म॑ती॒नां ।

ब्र॒ह्म॒स॒रूप॑ म॒नुमे॑द॒मागा॑-द॒यनं॑ मा वि॒वधी॑र् वि॒क्रम॑स्व ॥ 6

माच्छि॑दो मृ॒त्यो माव॑धीर्-मामे॒ बलं॑ वि॒वृ॒हो मा प्रमो॑षीः ।

प्र॒जां मा॒मे री॒रिष॑ आयु॒रू॒ग्र नृ॒चक्ष॑सं त्वा ह॒विषा॑ वि॒धेम ॥ 7

मा नो॑ म॒हान्त॑मु॒त मा नो॑ अ॒र्भकं॑ मा न उ॒क्षन्त॑मु॒त मा न उ॒क्षितं॑ ।

मा नो॑ऽव॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॒रिषः॑ ॥ 8

मा न॑स्तो॒के तन॑ये मा न आयु॑षि मा नो गो॑षु मा नो अ॒श्वेषु॑ री॒रिषः॑ ।

वी॒रा॒न्मा नो॑ रु॒द्र भा॒मितो॑व॒धीर्. ह॒विष्म॑न्तो नम॒सा वि॒धेम ते ॥ 9

प्र॒जाप॑ते न त्वदे॒ता-न्य॑न्यो वि॒श्वा जा॑तानि परि ता ब॒भूव॑ ।

यत्का॑मास्ते जुहु॒मस्त॑न्नो अस्तु वय॑ꣳ स्याम प॒तयो॑ र॒यीणां॑ ॥ 10

यत॑ इन्द्र॒ भया॑महे ततो॑ नो अ॒भयं॑ कृ॒धि ।

म॒घव॑ञ्छ॒ग्निं तव॑ तन्न उ॒तये॑ वि॒द्विषो॑ वि॒मृधो॑ जहि ॥ 11

स्व॒स्ति॒दा वि॒शस्प॑तिर् वृ॒त्रहा॑ वि॒मृधो॑ व॒शी ।

वृ॒षेन्द्रः॑ पु॒र ए॒तुन॑ स्व॒स्ति॒दा अ॒भयं॑ क॒रः ॥ 12

त्र्य॑ंबकं॒ य॑जामहे सु॒गन्धिं॑ पु॒ष्टिव॑र्द्धनं ।

उ॒र्वारु॑कमि॒व ब॑न्ध॒नान्-मृ॒त्योर्-मु॒क्षीय॑ माऽमृ॒तात् ॥ 13

अ॒पमृ॑त्यु-म॒पक्षु॑ध-म॒पेत॑-इ॒शप॑थं॒ जहि॑ ।

अ॒धानो॑ अ॒ग्न आ॒वह॑ रा॒य-स्पोष॑ सह॒स्रिणं॑ ॥ 14

ये ते॑ स॒हस्र॑म॒युतं॑ पा॒शा मृ॒त्योर् म॒त्याय॑ ह॒न्तवे॑ ।

तान् य॒ज्ञस्य॑ मा॒यया॑ स॒र्वान॑व॒ यजामहे॑ ॥ 15

(मृ॒त्यवे॑ स्वाहा मृ॒त्यवे॑ स्वाहा)

जा॒तवे॑द॒से सु॒नवाम॑ सोम॒मरा॑ती य॒तो नि॑द॒हाति॑ वेदः ।

स नः॑ प॒र्षद॑ति दु॒र्गाणि॑ वि॒श्वा ना॒वेव॑ सि॒न्धुं दु॒रिता॑त्य॒ग्निः ॥ 16

T.B.3.10.5.1 for para 17

भू॒र्भूव॑स्वः । ओ॒जो ब॑लं । ब्र॒ह्म क्ष॑त्रं । य॒शो म॑हत् ।

स॒त्यं त॑पो॒ नाम॑ । रू॒प-म॑मृ॒तं । चक्षु॑ श्रो॒त्रं । मन॑ आ॒युः ॥

वि॒श्वं य॑शो॒ महः॑ । स॒मन्त॑पो॒ हरो॑ भाः ॥ 17

जा॒तवे॑दा॒ यदि॑ वा पा॒वको॑ऽसि । वै॒श्वान॑रो यदि॑ वा वै॒द्युतो॑ऽसि ।
 शं॒प्रजा॑भ्यो यज॑मानाय लो॒कं ॥ ऊ॒र्जं पु॒ष्टिं द॑द-द॒भ्याव॑ वृ॒थस्व ॥ 18

.....नक्षत्रे राशौ जातस्यशर्मणः (मम / अस्य

यजमानस्य) सकुटुंबस्य (स्त्री - जातायाः & नाम्नी)

मृ॒त्युर्-न॑श्य॒त्वायु॑ व॒र्द्धतां॑ भूः ।
 मृ॒त्युर्-न॑श्य॒त्वायु॑ व॒र्द्धतां॑ भुवः ।
 मृ॒त्युर्-न॑श्य॒त्वायु॑ व॒र्द्धतां॑ सुवः ।
 मृ॒त्युर्-न॑श्य॒त्वायु॑ व॒र्द्धतां॑ भूर्भुव॒स्सुवः॑ ।
 मृ॒त्युर्-न॑श्य॒त्वायु॑ व॒र्द्धतां॑ ॥

-----मृत्यु सूक्तं समाप्तं-----

15 मृत संजीविनी सूक्तं (यक्ष्मघ्न सूक्तं)

(Rig Veda 10.161)

मुञ्चामित्वा हविषा जीवनाय कमज्ञात-यक्ष्मा-दुत राज-यक्ष्मात् ।

ग्राहिर् जग्राह यदि वैतदेनन्तस्या इन्द्राग्नी प्रमुमुक्तमेनं ॥ 1

यदिक्षितायुर्-यदिवापरैतो यदिमृत्योरन्ति कन्नीत एव ।

तमाहरामि निर्ऋते रूपस्था-दस्पार्षमेनं शतशारदाय ॥ 2

सहस्राक्षेण शतशारदेन शतायुषा हविषा ऽहार्षमेनं ।

शतं यथेमं शरदो न यातीन्द्रो विश्वस्य दुरितस्य पारं ॥ 3

शतञ्जीव शरदो वर्द्धमान-श्शतं हेमन्ताञ्छत-मुवसन्तान् ।

शतमिन्द्राग्नी सविता बृहस्पति-श्शतायुषा हविषेमं पुनर्दुः ॥ 4

आहार्षं त्वा विदन्त्वा पुनरागाः पुनर्नव ।

सर्वाङ्ग सर्वन्ते चक्षुः सर्व-मायुश्चते ऽविदं ॥ 5

तदित् पदं न विचिकेत-विद्वान् । यन्मृतः पुनरप्येति जीवान् ।
 त्रिवृद्यद् भुवनस्य रथवृत् । जीवो गर्भो न मृतस्स जीवात् ॥ 6
 ओं शान्तिः शान्तिः शान्तिः ॥

16 आयुष्य सूक्तं

(Exact source not Known)

यो ब्रह्मा ब्रह्मण उज्जहार प्राणैः शिरः कृत्तिवासाः पिनाकी ।
 ईशानो देवस्सन आयुर्दधातु तस्मै जुहोमि हविषा घृतेन ॥ 1
 विभ्राजमान-स्सरिरस्य मद्ध्याद् रोचमानो घर्मरुचिर्य आगात् ।
 स मृत्युपाशा-नपनुद्य घोरा-निहायुषेणो घृतमत्तु देवः ॥ 2
 ब्रह्मज्योतिर् ब्रह्मपत्नीषु गर्भं यमादधात् पुरुरूपं जयन्तं ।
 सुवर्णरंभ-ग्रह-मर्कमर्च्यं तमायुषे वर्धयामो घृतेन ॥ 3
 श्रियं लक्ष्मी-मौबला-मंबिकां गां षष्ठीञ्च यामिन्द्र-सेनैत्युदाहुः ।
 तां विद्यां ब्रह्मयोनिं सरूपा-मिहायुषे तर्पयामो घृतेन ॥ 4

दा॒क्षाय॑ण्य-स्सर्व॑यो॒न्य॒ स्सु॑यो॒न्य॒-स्सह॑स्र॒शो॒ वि॒श्व॒ रू॒पा॒ वि॒रू॒पाः ।

स॒सू॒नव॑-स्स॒पत॑यः स॒यू॒थ्या॒ आ॒यु॒षे॒णो॒ घृ॒तमि॑दं जु॒षन्तां॑ ॥ 5

दि॒व्या॒ ग॒णा॒ बहु॑रू॒पाः॑ पु॒रा॒णा॒ आ॒यु॒श्छि॒दो॒ नः॑ प्र॒मथ॑न्तु वी॒रान् ।

ते॒भ्यो॒ जु॒हो॒मि॒ बहु॑धा॒ घृ॒ते॒न॒ मा॒ नः॑ प्र॒जा॒ री॒रि॒षो॒ मो॒त॒ वी॒रान्॑ ॥ 6

ए॒कः॒ पु॒रस्ता॑त् य इ॒दं॒ ब॒भू॒व॒ यतो॑ ब॒भू॒व॒ भु॒वन॑स्य गो॒पाः ।

यम॑प्येति॒ भु॒वन॑ सां॒परा॑ये स नो ह॒विर् घृ॒त-मि॑हा॒यु॒षे॒ऽतु॒ दे॒वः॑ ॥ 7

व॒सून् रु॒द्रा॒ना-दि॒त्यान् मरु॑तो॒ऽथ सा॒ध्यान् ऋ॒भून् य॒क्षान्

गन्ध॑र्वा॒श्च पि॒तृ॒श्च वि॒श्वान् । भृ॒गून्-सर्पा॑श्च-ङ्गि॒गर॑सो॒ऽथ

स॒र्वान् घृ॒तं हु॒त्वा स्वा॑यु॒ष्या॒ मह॑या॒म श॑श्वत् ॥ 8

वि॒ष्णो॒ त्वन्तो॑ अ॒न्तम॑-श्श॒र्मय॑च्छ॒ सह॑न्त्य ।

प्र॒ते धा॑रा मधु॒श्रु॒त उ॒थ्सं॑दु॒हते॑ अ॒क्षितं॑ ॥ 9

(ओं शान्तिः॑ शान्तिः॑ शान्तिः॑ ॥)

17 नवग्रह सूक्तं

1. (देवता – आदित्याः , अधिदेवता– अग्निः,

प्रत्यधिदेवता – पशुपतिः)

ओं आ॒स॒त्येन॑ रज॒सा वर्त॑मानो नि॒वेश॑यन्नमृतं म॒र्त्यञ्च॑ ।

हि॒र॒ण्य॒येन॑ स॒विता॑ रथे॒ना ऽदे॒वो या॑ति भु॒वना॑ वि॒पश्य॑न् ॥ (TS 3.4.11.2)

अ॒ग्निं दू॒तं वृ॑णीमहे हो॒तारं॑ वि॒श्ववे॑दसं ।

अ॒स्य य॒ज्ञस्य॑ सु॒क्रतुं॑ ॥ (T.B.3.5.2.3)

येषा॒मीशो॑ पशु॒पतिः॑ पशू॒नां-च॑तुष्पदा॒मुत॑ च द्वि॒पदां॑ ।

निष्क्री॑तोऽयं य॒ज्ञियं॑ भा॒गमे॑तु रा॒यस्पोषा॑ यज॒मान॑स्य सन्तु ॥ (TS 3.1.4.1)

(ओं अधिदेवता प्रत्यधिदेवता सहिताय भगवते आदित्याय नमः) 1

2. (देवता – अङ्गारकः , अधिदेवता – पृथिवी ,

प्रत्यधिदेवता – क्षेत्रपतिः)

ओं अ॒ग्नि॒र्मूर्द्धा॑ दि॒वः क॒कुत्प॑तिः पृ॒थि॒व्या अ॒यं ।

अपा॑ꣳ रेता॑ꣳसि जि॒न्वति॑ ॥ (TS 1.5.5.1)

स्यो॒ना पृ॑थि॒वि भ॒वाऽनृ॑क्षरा नि॒वेश॑नी ।

यच्छा॑न-॒र॒शर्म॑ स॒प्रथाः॑ ॥ (TA 6.1.10)

क्षेत्र॑स्य पति॒ना वय॑ꣳ हि॒तेने॑व जयाम॑सि ।

गाम॑श्चं पोष॑यित्वा स नो मृ॒डाती॑-दृ॒शे ॥ (TS 1.1.14.2)

(ओं अधिदेवता प्रत्यधिदेवता सहिताय भगवते अङ्गारकाय नमः) 2

3. (देवता – शुक्रः, अधिदेवता – इन्द्राणी, प्रत्यधिदेवता – इन्द्रः)

ओं प्र॒व॒श्शु॑क्राय॒ भान॑वे॒ भर॑ध्वꣳ ह॒व्यं म॑तिं चा॒ग्नये॑ सु॒पूतं॑ ।

यो दै॒व्यानि॑ मा॒नुषा॑ ज॒नूꣳ-प्य॑न्तर् वि॒श्वानि॑ वि॒द्मना॑ जिगा॑ति ॥ (TB 2.8.2.3)

इन्द्रा॑णी मा॒सु ना॑रिषु सु॒पत्नी॑-म॒हम॑श्रवं ।

न ह्य॑स्या अ॒पर॑चन॒ जर॑सा म॒रते॑ पतिः ॥ (TS 1.7.13.1)

इन्द्रं॑ ँ॒ वो॒ विश्व॑तस्परि॒ ह॒वाम॑हे॒ जने॑भ्यः ।

अ॒स्माक॑मस्तु॒ के॒वलः॑ ॥ (TS 1.6.12.1)

(ओं अधिदेवता प्रत्यधिदेवता सहिताय भगवते शुक्राय॑ नमः॑) 3

4. (देवता – सोमः/चन्द्रमा, अधिदेवता– आपः ,

प्रत्यधिदेवता – गौरी)

ओं आप्या॑यस्व॒ समे॑तु ते विश्व॑त-स्सोम॒ वृष्णि॑यं ।

भवा॑ वाज॒स्य संग॑थे ॥ (TS 4.2.7.4)

अ॒प्सुमे॒ सोमो॑ अ॒ब्रवी॑दन्तर् विश्वा॑नि भेष॒जा ।

अ॒ग्निञ्च॑ विश्व॑शंभुव॒-माप॑श्च विश्व॑भेष॒जीः ॥ (TB 2.5.8.6)

गौरी॑ मि॒माय॑ स॒लिला॑नि तक्ष॒त्येक॑पदी द्वि॒पदी॑ सा चतु॑ष्पदी ।

अ॒ष्टा॒पदी॑ न॒वप॑दी ब॒भूवु॑षी स॒हस्रा॑क्षरा प॒रमे॑ व्योमन् ॥ (TB .2.4.6.11)

(ओं अधिदेवता प्रत्यधिदेवता सहिताय भगवते सोमाय॑ नमः॑) 4

5. (देवता – बुधः, अधिदेवता – विष्णुः ,

प्रत्यधिदेवता – पुरुष नारायणः)

ओं उद्बु॑ध्यस्वाग्ने॑ प्रति॑जागृ॒ह्येन॑ मि॒ष्टापूर्त्ते॑ सꣳ सृ॑जेथा मयञ्च॑ ।

पुनः॑ कृ॒ण्वꣳस्त्वा पि॒तरं॑ यु॒वान-म॒न्वाताꣳसी॑ त्वयि॑ तन्तु॑मेतं ॥

(TS 4.7.13.5)

इदं॑ वि॒ष्णुर् विच॑क्रमे त्रे॒धा निद॑धे पदं॑ ।

समू॑ढमस्य पाꣳ सुरे॑ ॥ (TS 1.2.13.1)

विष्णो॑ रराट॑मसि विष्णोः॑ पृ॒ष्ठम॑सि विष्णो-॑ऽन॒प्त्रैस्थो॑ विष्णो॑ स्स्यूर॑सि

विष्णो॑र् ध्रु॒वम॑सि वैष्ण॑वमसि विष्ण॑वे त्वा ॥ (TS 1.2.13.3)

(ओं अधिदेवता प्रत्यधिदेवता सहिताय भगवते बुधाय नमः) 5

6. (देवता – बुहस्पतिः, अधिदेवता – इन्द्र-मरुत,

प्रत्यधिदेवता – ब्रह्म)

ओं बृ॑हस्पते॑ अति॑ यद॒र्यो अर्.ह॑द् द्यु॒मद्-वि॒भाति॑ क्र॒तु म॒ज्जने॑षु ।

यद्दी॑द यच्छ॑ वस॒र्त्त प्र॒जात॑ तदस्मा॒सु द्रवि॑णं धेहि॑ चि॒त्रं ॥ (TS 1.8.22.2)

इन्द्रम॑रु॒त्व इ॒ह पा॑हि॒ सोमं॑ यथा॒ शार्या॑ते॒ अपि॑बस्सु॒तस्य॑ ।

तव॑ प्र॒णी॒ती तव॑ शू॒र श॒र्मन्ना-वि॑वासन्ति॒ कवयः॑ सु॒यज्ञाः॑ ॥ (TS 1.4.18.1)

ब्रह्म॑ज॒ज्ञानं॑ प्र॒थमं॑ पु॒रस्ता॑द् वि॒सी॒मत-स्सु॑रुचो॒ वेन॑ आ॒वः ।

सबु॑ध्निया॒ उप॒मा अस्य॑ वि॒ष्ठास्स॑तश्च॒ योनि॑म-स॒तश्च॑ वि॒वः ॥ (TS 4.2.8.2)

(ओं अधिदेवता प्रत्यधिदेवता सहिताय भगवते बृहस्पतये नमः) 6

7. (देवता - शनैश्चरः, अधिदेवता - प्रजापतिः,

प्रत्यधिदेवता - यमः)

ओं श॒न्नो दे॒वी-र॒भिष्ट॑य॒ आपो॑ भवन्तु पी॒तये॑ ॥

शं यो॑र॒भि-स्र॑वन्तु॒ नः ॥ (TA 7.42.4)

प्रजा॑पते॒ न त्वदे॒ता-न्य॑न्यो॒ विश्वा॑ जा॒तानि॑ परि॒ता ब॑भूव ।

यत्का॑मास्ते जुहु॒मस्त॑न्नो अस्तु॒ वय॑ꣳ स्याम॒ पत॑यो रयी॒णां ॥ (TS 1.8.14.2)

इमं॑ य॒म प्र॑स्तरमा॒हि सी॒दाङ्कि॑रोभिः॒ पितृ॑भिः॒ सम्वि॑दानः ।

आ॒त्वा मन्त्राः॑ कवि॒शस्ता॑ वह॒न्त्वेना॑ राजन् ह॒विषा॑ मा॒दय॑स्व ॥ (TS 2.6.12.6)

(ओं अधिदेवता प्रत्यधिदेवता सहिताय भगवते शनैश्चराय नमः) 7

8. (देवता – राहु, अधिदेवता – सर्पः, प्रत्यधिदेवता – निर्ऋति)

ओं क॒या न॒श्चि॒त्र आ॒भुव॒दूती॑ स॒दावृ॒ध स्स॒खा ॥

क॒या श॒चि॒ष्ठया॑ वृ॒ता ॥ (TS 4.2.11.2)

आ॒ऽय॒ङ्गौः पृ॒श्नि॒र॒क्रमी॑-द॒सन॒न् मा॒तरं॑ पु॒नः ।

पि॒तर॒ञ्च प्र॒यन्थ्सु॑वः ॥ (TS 1.5.3.1)

य॒त्ते दे॒वी निर्ऋ॑ति रा॒ब॒बन्ध॑ दा॒म ग्री॒वास्व॑-वि॒च॒त्यं ।

इ॒दन्ते॑ तद्वि॒ष्या-म्या॑यु॒षो न म॑ध्या-द॒था जी॒वः

पि॒तुम॒द्धि प्र॒मुक्तः॑ ॥ (TS 4.2.5.3)

(ओं अधिदेवता प्रत्यधिदेवता सहिताय भगवते राहवे नमः) 8

9. (देवता – केतुः, अधिदेवता – ब्रह्मा,

प्रत्यधिदेवता – चित्रगुप्तः)

ओं के॒तुङ् कृ॒ण्वन्न॑के॒तवे॑ पे॒शौ म॒र्या अ॒पे॒शसै॑ ॥

स॒मु॒ष॒द्धि॒रजा॑यथाः ॥ (TS 7.4.20.1)

ब्र॒ह्मा दे॒वानां॑ प॒दवीः॑ क॒वीना॑-मृ॒षिर्वि॒प्राणां॑ म॒हिषो॑ मृ॒गाणां॑ ॥

श्ये॑नो गृ॒ध्राणा॑ꣳ स्व॑धि॒तिर् व॑नाना॑ꣳ सोमः॑
पवि॒त्र म॑त्येति॑ रेभ॒न् ॥ (TS 3.4.11.1)

सचि॑त्र चि॒त्रं चि॑तयन्त-मस्मे चि॒त्रक्ष॑त्र चि॒त्रत॑मं व॑योधां ।
चन्द्रं॑ रयिं॑ पु॒रुवी॑रं बृ॒हन्तं॑ चन्द्र-चन्द्रा॑भिर्-गृ॒णते॑ युवस्व ॥ (RV 6.6.7).
(ओं अधिदे॒वता प्र॑त्यधिदे॒वता स॑हितेभ्यो भगवद्भ्यः॑ के॒तुभ्यो॑ नमः॑) 9
॥ ओं आदि॒त्यादि॑ नवग्र॒ह दे॒वता॑भ्यो नमो॑ नमः॑॥
(ओं शान्तिः॑ शान्तिः॑ शान्तिः॑ ॥)

18 दिक् पालका मन्त्राः

1. (देवता – इन्द्रः) (दिक् – पूर्व) (TS 1.6.12.5)

त्रा॒तार॑मिन्द्र-मवि॒तार-मिन्द्र॑ꣳ हवे॑ हवे॑ सु॒हव॑ꣳ शूर॑मिन्द्रं॑ ॥
हुवे॑ नु श॒क्रं पु॒रुहू॑त-मिन्द्र॑ꣳ स्व॒स्ति नो॑ म॒घवा॑ धा॒त्विन्द्रः॑ ॥ 1

2. (देवता-अग्नीः) (दिक्-दक्षिण पूर्व/आग्नेय दिक्) (T.S.2.5.12.3)

त्वन्नो॑ अग्ने॑ वरु॒णस्य॑ वि॒द्वान् दे॒वस्य॑ हे॒डोऽव॑ यासि॒सीष्ठाः॑ ।
यजि॑ष्ठो व॒ह्नि॒तम॑ श॒शोशु॑चानो॒ विश्वा॑ द्वेषा॑ꣳसि प्र॒मुमु॑ग्ध्यस्मत् ॥ 2

3. (देवता – यमः) (दिक् – दक्षिणं) (T.B.3.1.2.11)

सु॒गन्तः॑ पन्था॒मभयं॑ कृ॒णोतु॑ । यस्मि॒न्नक्ष॑त्रे यम॑ एति॒ राजा॑ ॥
यस्मि॒न्नेन॑-म॒भ्यषि॑ञ्चन्त दे॒वाः । तद॑स्य चि॒त्रं ह॑विषा॒ यजाम॑ ।
अप॑ पा॒प्मानं॑ भ॒रणी॑र् भ॒रन्तु॑ ॥ 3

4. (देवता- निर्ऋतिः) (दिक् – दक्षिण पश्चिमं) (TS 4.2.5.4)

असु॒न्वन्त॑-म॒यज॑मान-मि॒च्छ स्ते॑न-स्ये॒त्यान् तस्कर॑स्यान्वे॒षि ।
अन्य॑-म॒स्म-दि॑च्छ सा त॑ इत्या॒ नमो॑ दे॒वि निर्ऋ॑ते तु॒भ्यमस्तु॑ ॥ 4

5. (देवता- वरुणः) (दिक् – पश्चिमं) (TS 2.1.11.6)

तत्त्वा॑ या॒मि ब्र॑ह्मणा॒ वन्द॑मान-स्तदा॒शास्ते॑ यज॒मानो॑ ह॒विर्भिः॑ ।
अहे॑ड॒मानो॑ वरु॒णोह॑ बो॒ध्युरु॑शं स मा॒ न आ॒युः प्र॑मोषीः ॥ 5

6. (देवता – वायुः) (दिक् – उत्तर पश्चिमं) (T.B.2.8.1.2)

आ नो॑ नि॒युद्धि॑-श्श॒तिनी॑-भि॒रध्व॑रं । स॒हस्रि॑णीभि-रु॒पया॑हि य॒ज्ञं ।
वायो॑ अ॒स्मिन् ह॑विषि॒ माद॑यस्व । यू॒यं पा॑त स्व॒स्ति-भि॑स्स॒दानः॑ ॥ 6

7. (देवता – सोमः) (दिक् – उत्तरं) (T.B.2.4.2.7)

वय॑ꣳ सोम॑ व्र॒ते तव॑ । मन॑स्त॒नूषु॑ बिभ्र॑तः । प्र॒जाव॑न्तो अशीमहि ॥ 7

8. (देवता – ईशानः) (दिक् – उत्तर पूर्व) (RV.1.89.5)

तमी॑शानं॑ जग॑त-स्तस्थु॑-षस्पतिं॑ । धियं॑ जिन्वमवसे॑ हूमहे॑ वयं॑ ।
पू॒षा नो॑ यथा॑ वेद॑ साम॑सदृ॒धे रक्षि॑ता पायु॑-रद॒ब्ध-स्स्वस्त्यै॑ ॥ 8

9. (देवता – ब्रह्मा) (दिक् – ऊर्ध्वं Skywards) (RV.8.63.1.2)

अस्मे॑ रुद्रा॑ मेह॒ना पर्व॑तासो वृ॒त्रह॑त्ये भर॒हूतौ॑ सजोषाः॑ ।
यश्शंस॑ते स्तुव॑ते धायि॑ प॒ञ्च इन्द्र॑ज्येष्ठा अस्मा॑ अवन्तु॑ देवाः ॥ 9

10. (देवता – विष्णुः) [दिक् – अधरं (पाताळं)] (TA. 6.1.10)

स्यो॒ना पृ॑थि॒वि भवा॑ऽनृक्ष॒रा निवे॑शनी । यच्छा॑ नश्शर्म॑ सप्र॒थाः ॥ 10

19 नक्षत्र सूक्तं

(Starting from TB 3.1.1, for item no. 1 to 40)

1. नक्षत्रं – कृत्तिका

देवता – अग्निः

अ॒ग्नि॒र्नः॑ पा॒तु कृ॒त्ति॒काः॑ । नक्ष॑त्रं दे॒वमि॑न्द्रि॒यं ।

इ॒दमा॑सां-वि॒चक्ष॑णं । ह॒वि॒रा॒सन् जु॑होत॒न ।

यस्य॑ भा॒न्ति र॒श्मयो॑ यस्य॑ के॒तवः॑ । यस्ये॒मा वि॒श्वा भु॑व॒नानि॑ सर्वा॑ ॥

स कृ॒त्ति॒का भि॒रभि॑-सँव॒सानः॑ । अ॒ग्नि॒र्नो दे॒वस्सु॑वि॒ते द॑धातु ॥ 1

2. नक्षत्रं – रोहिणी

देवता – प्रजापतिः

प्र॒जा॒प॒ते रो॒हि॒णी वे॑तु॒ पत्नी॑ ॥ वि॒श्वरू॑पा बृ॒हती॑ चि॒त्रभा॑नुः ।

सा नो॑ य॒ज्ञस्य॑ सु॒वि॒ते द॑धातु । यथा॑ जी॒वेम॑ श॒रद॑स्स॒वीराः॑ ।

रो॒हि॒णी दे॒व्युद॑गात् पु॒रस्ता॑त् । वि॒श्वा रू॒पाणि॑ प्र॒तिमो॑द॒माना॑ ।

प्र॒जा॒प॒तिं ह॒विषा॑ वर्ध॒यन्ती॑ । प्रि॒या दे॒वाना॑-मु॒पया॑तु॒ यज्ञं॑ ॥ 2

3. नक्षत्रं – मृगशीर्षः

देवता – सोमः

सो॒मो रा॒जा मृ॒गशी॑र्षेण आ॒गन् । शि॒वं नक्ष॑त्रं प्रि॒यम॑स्य॒ धाम॑ ।

आ॒प्याय॑मानो बहु॒धा जने॑षु । रे॒तः प्र॒जां य॑ज॒माने॑ दधातु ।

य॒त्ते न॑क्ष॒त्रं मृ॑ग॒शीर्ष॑मस्ति । प्रि॒यञ् रा॑जन् प्रि॒यत॑मं प्रि॒याणां॑ ॥
तस्मै॑ ते सोम॒ ह॒विषा॑ वि॒धेम॑ । श॒न्न ए॒धि द्वि॒पदे॑ शंचतु॒ष्पदे॑ ॥ 3

4. नक्षत्रं – आर्द्रा

देवता – रुद्रः

आ॒र्द्रया॑ रु॒द्रः प्र॑थ॒मा न॑ एति । श्रे॒ष्ठो दे॒वानां॑ पति॒र॒घ्निया॑नां ।
नक्ष॒त्रम॑स्य ह॒विषा॑ वि॒धेम॑ । मा नः॑ प्र॒जाञ् री॑रिषन् मोत॒ वी॒रान् ।
हे॒ती रु॒द्रस्य॑ परि॒णो वृ॑णक्तु । आ॒र्द्रा नक्ष॒त्रं जु॑षताञ् ह॒विर्नः॑ ।
प्र॒मुञ्च॑मानौ दु॒रितानि॑ वि॒श्वा ॥ अ॒पाघ॑शाञ् सन्नु॒दता॑मरातिं ॥ 4

5. नक्षत्रं – पुनर्वसु

देवता – अदितिः

पुन॑र्नो दे॒व्यदि॑ति-स्पृ॒णोतु॑ । पुन॑र्वसू नः पुन॑रेतां य॒ज्ञं ।
पुन॑र्नो दे॒वा अ॒भिय॑न्तु सर्वे ॥ पुनः॑ पुन॑र्वो ह॒विषा॑ यजामः ।
ए॒वा न दे॒व्य-दि॑तिरन॒र्वा । वि॒श्वस्य॑ भ॒र्त्री ज॑गतः प्रति॒ष्ठा ।
पुन॑र्वसू ह॒विषा॑ वर्धय॒न्ती । प्रि॒यं दे॒वाना॑-म॒प्येतु॑ पाथः ॥ 5

6. नक्षत्रं – पुष्यः

देवता – बृहस्पतिः

बृ॒हस्प॑तिः प्र॒थम॑ज्जायमानः । ति॒ष्यं नक्ष॒त्रम॑भि संब॑भूव ।
श्रे॒ष्ठो दे॒वानां॑ पृ॒तना॑सु जि॒ष्णुः । दि॒शो नु॑ सर्वा॒ अभ॑यन्नो अस्तु ।

ति॒ष्यः॑ पु॒रस्ता॑दु॒त म॑ध्यतो नः । बृ॒हस्प॑तिर् नः परि॑पातु प॒श्चात् ।
बा॒धे॑ ता॒न् द्वे॒षो अ॑भयं कृणु॑तां । सु॒वीर्य॑स्य प॒तय॑स्याम ॥ 6

7. नक्षत्रं – आश्रेषं

देवता – सर्पाः

इ॒दं॑ स॒र्पेभ्यो॑ ह॒विर॑स्तु जुष्टं॑ । आ॒श्रेषा॑ येषा॑ म॒नुय॑न्ति चे॒तः ।
ये अ॒न्तरि॑क्षं पृ॒थिवीं॑-क्षि॒यन्ति॑ । तेन॑ स्स॒र्पासो॑ ह॒वमा॑गमिष्ठाः ।
ये रो॒चने॑ सू॒र्यस्या॑पि सर्पाः । ये दि॒वं दे॒वी-म॑नु॒सञ्च॑रन्ति ।
येषा॑मा॒श्रेषा॑ अ॒नुय॑न्ति का॒मं । तेभ्य॑-स्स॒र्पेभ्यो॑ म॒धु-म॑ज्जुहोमि ॥ 7

8. नक्षत्रं – मघा

देवता – पितरः

उ॒प॒हू॒ताः पि॒तरो॑ ये म॒घासु॑ । म॒नोज॑वस-स्सु॒कृत॑-स्सु॒कृ॒त्याः ।
ते नो॑ नक्ष॒त्रे ह॒वमा॑गमिष्ठाः । स्व॒धाभि॑र् य॒ज्ञं प्र॑यतं जुष॒न्तां ।
ये अ॒ग्नि॒दग्धा॑ येऽन॒ग्नि-द॑ग्धाः । येऽमु॒ल्लो॒कं पि॒तरः॑ क्षि॒यन्ति॑ ।
या॒श्च वि॒द्मया॑ उ॒ च न॑ प्र॒विद्म॑ । म॒घासु॑ य॒ज्ञं सु॒कृतं॑ जुष॒न्तां ॥ 8

9. नक्षत्रं – पूर्वफल्गुनी

देवता – अर्यमा

गवां॑ पतिः॑ फल्गु॑नी-नाम॑सि त्वं॑ । तद॑र्यमन् वरु॑ण मि॒त्र चा॑रु ।
तत्त्वा॑ वय॑ꣳ स॒नितार॑ꣳ स॒नीनां॑ । जी॒वा जी॑वन्तमु॒प सँवि॑शेम ।
येने॒मा वि॒श्वा भु॒वनानि॑ सज्जि॒ता । यस्य॑ दे॒वा अनु॑सँय्यन्ति॒ चेतः॑ ।
अ॒र्यमा॑ रा॒जाऽज॒रस्तु॑ वि॒ष्मान् । फल्गु॑नीना-मृष॒भो रो॑रवीति ॥ 9

10. नक्षत्रं – उत्तर फल्गुनी

देवता – भगः

श्रेष्ठो॑ दे॒वानां॑ भग॒वो भगा॑सि । तत्त्वा॑ वि॒दुः फल्गु॑नी-स्तस्य॑ वि॒त्तात् ।
अ॒स्मभ्यं॑-क्ष॒त्रम॒जर॑ꣳ सु॒वीर्यं॑ । गो॒मद॑श्च-व॒दुप॑सन्नु-दे॒ह ।
भगो॑ह दा॒ता भग॑ इ॒त्प्रदा॑ता । भगो॑ दे॒वीः फल्गु॑नी-रा॒विवेश॑ ।
भग॑स्ये॒तं प्र॑स॒वं ग॑मेम । यत्र॑ दे॒वै-स्स॑ध॒मादं॑ म॒देम॑ । ॥ 10

11. नक्षत्रं – हस्तः

देवता – सविता

आया॑तु दे॒व-स्स॑वि॒तो प॑यातु । हि॒रण्य॑येन सु॒वृता॑ रथे॒न ।
वह॑न् ह॒स्तꣳ सु॒भगं॑ वि॒द्वना॑प॒सं । प्र॑यच्छन्तं प॒पु॒रिं पु॒ण्यम॑च्छ ।
ह॒स्तः प्र॑यच्छ त्वमृ॒तं व॑सीयः । दक्षि॑णेन प्र॒तिगृ॑भीम ए॒नत् ।
दा॒तार-म॑द्य स॒विता॑ वि॒देय॑ । यो नो॑ ह॒स्ताय॑ प्र॒सुवा॑ति य॒ज्ञं ॥ 11

12. नक्षत्रं – चित्रा**देवता – त्वष्टा**

त्वष्टा नक्षत्रं-मभ्येति चित्रां । सुभञ् ससं-युवतिञ् रोचमानां ।
 निवेशय-न्नमृतान् मर्त्याञ्च । रूपाणि पिञ्शन् भुवनानि विश्वा ।
 तन्नस्त्वष्टा तदु चित्रा विचष्टां । तन्नक्षत्रं भूरिदा अस्तु मह्यं ।
 तन्नः प्रजां वीरवतीञ् सनोतु । गोभिर्नो अश्वै-स्समनक्तु यज्ञं ॥ 12

13. नक्षत्रं – स्वाती**देवता – वायुः**

वायुर् नक्षत्रं-मभ्येति निष्ट्यां । तिग्मश्रृङ्गो वृषभो रोरुवाणः ।
 समीरयन् भुवना मातरिश्वा । अप द्वेषाञ्सि नुदतामरातीः ।
 तन्नो वायस्तदु निष्ट्या श्रृणोतु । तन्नक्षत्रं भूरिदा अस्तु मह्यं ।
 तन्नो देवासो अनु जानन्तु कामं । यथा तरेम दुरितानि विश्वा ॥ 13

14. नक्षत्रं – विशाखा**देवता – इन्द्राग्नी**

दूरमस्मच्छत्रवो यन्तु भीताः । तदिन्द्राग्नी कृणुतां तद् विशाखे ।
 तन्नो देवा अनुमदन्तु यज्ञं । पश्चात् पुरस्ता-दभयन्नो अस्तु ।
 नक्षत्राणा-मधिपत्नी विशाखे । श्रेष्ठा-विन्द्राग्नी भुवनस्य गोपौ ।

वि॒षू॒च-॒श॒त्रू॒नप॒बा॒धमा॒नौ । अ॒प॒क्षु॒ध-॒नु॒दता॒मरा॒तिं । ॥ 14

15. पौर्णमासि

पू॒र्णा प॒श्चादु॒त पू॒र्णा पु॒रस्ता॑त् । उ॒न्म॒ध्यतः॑ पू॒र्णमा॒सी जि॒गाय॑ ।
तस्यां॑ दे॒वा अ॒धि सं व॑स॒न्तः । उ॒त्तमे॑ ना॒क इ॒ह मा॒दय॑न्तां ।
पृ॒थ्वी सु॒वर्चा॑ यु॒वति॑-स्स॒जोषाः॑ । पू॒र्णमा॒स्यु॒दगा॑-च्छो॒भमा॒ना ।
आ॒प्याय॑यन्ती दु॒रितानि॑ वि॒श्वा । उ॒रुं दु॒हां यँज॑मानाय य॒ज्ञं ॥ 15

16. नक्षत्रं - अनूराधा देवता - मित्रः

ऋ॒द्ध्यास्म॑ ह॒व्यैर् नम॑सोप-सद्य । मि॒त्रं दे॒वं मि॒त्रधे॑यन्नो अस्तु ।
अ॒नूरा॒धान् ह॒विषा॑ वर्द्धय॒न्तः । श॒तं जी॑वेम श॒रद॑स्स॒वीराः॑ ।
चि॒त्रं-नक्ष॑त्र-मु॒दगा॑त् पु॒रस्ता॑त् । अ॒नूरा॒धा स इति॑ यद् वद॑न्ति ।
तन्मि॒त्र एति॑ प॒थिभि॑ दे॒वयानैः॑ । हि॒रण्य॑यैर् वित॑तै-रन्त॒रिक्षे॑ ॥ 16

17. नक्षत्रं - ज्येष्ठा देवता - इन्द्रः

इ॒न्द्रो ज्ये॑ष्ठा म॒नु नक्ष॑त्रमेति । यस्मिन् वृ॒त्रं वृ॒त्र तू॒र्यं त॒तार॑ ।
तस्मिन् वय॑-म॒मृतं॑ दु॒हानाः॑ । क्षु॒धन्त॑रेम दु॒रिति॑ दु॒रिष्टि॑ ।
पु॒रन्द॑राय वृष॒भाय॑ धृ॒ष्णवे॑ । अ॒षाढा॑य स॒हमा॒नाय॑ मी॒ढुषे॑ ।

इन्द्राय॑ ज्ये॒ष्ठा मधु॑म॒द्बु॒हाना॑ । उ॒रुं कृ॑णोतु॒ यज॑मानाय॒ लो॒कं ॥ 17

18. नक्षत्रं – मूलं

देवता – प्रजापतिः

मूलं॑ प्र॒जां वी॑रवतीं॒ वि॒देय॑ । परा॑च्येतु॒ निर्ऋ॑तिः परा॒चा ।
गोभि॑र् नक्ष॒त्रं प॑शुभि॒-स्स॒म॒क्तं । अ॒हर् भू॒याद् यज॑मानाय॒ मह्यं॑ ।
अ॒हर्नो॑ अ॒द्य सु॒विते॑ दधातु । मूलं॑ नक्ष॒त्रमि॒ति यद् व॑दन्ति ।
परा॑चीं वा॒चा निर्ऋ॑तिं नुदामि । शि॒वं प्र॒जायै॑ शि॒वम॑स्तु॒ मह्यं॑ ॥ 18

19. नक्षत्रं – पूर्वाषाढा

देवता – आपः

या दि॒व्या आ॒पः प॒यसा॑ सं॒बभू॑वुः । या अ॒न्तरि॑क्ष उ॒त पा॒र्त्थि॒वीर्याः॑ ।
यासा॑म॒षाढा॑ अ॒नुय॑न्ति का॒मं । ता न॒ आपः॑ श॒ऽस्यो॒ना भ॑वन्तु ।
याश्च॑ कू॒प्या याश्च॑ ना॒द्या-स्स॒मु॒द्रि॒याः । याश्च॑ वै॒शन्ती॒रुत॑ प्रा॒स॒चीर्याः॑ ।
यासा॑म॒षाढा॑ मधु॒ भक्ष॑यन्ति । ता न॒ आपः॑ श॒ऽस्यो॒ना भ॑वन्तु ॥ 19

20. नक्षत्रं – उत्तराषाढा

देवता – विश्वेदेवाः

तन्नो॑ वि॒श्वे उ॒प श्रृ॑ण्वन्तु दे॒वाः । तद॑षाढा अ॒भिसं॑यन्तु॒ यज्ञं॑ ।
तन्न॑क्ष॒त्रं प्र॑थतां॒ पशु॑भ्यः । कृ॒षिर्-वृ॒ष्टिर् यज॑मानाय॒ कल्प॑तां ।

शु॒भ्राः क॒न्या यु॒वतय॑-स्सु॒पेश॑सः । क॒र्मकृ॑त-स्सु॒कृतो॑ वी॒र्या॑वतीः ।
वि॒श्वान् दे॒वान् ह॒विषा॑ वर्द्धय॑न्तीः । अ॒षाढाः॑ का॒म मु॑पयान्तु य॒ज्ञं ॥ 20

21. नक्षत्रं – अभिजिद्

देवता – ब्रह्मा

यस्मिन् ब्रह्माभ्यजयथ् सर्वमेतत् । अमुञ्च लोक मिदमूच सर्वं ।
तन्नो नक्षत्र-मभिजिद् विजित्य । श्रियं दधात्व-हणीयमानं ।
उभौ लोकौ ब्रह्मणा सज्जितेमौ । तन्नो नक्षत्र-मभिजिद् विचष्टां ।
तस्मिन् वयं पृतना स्संजयेम । तन्नो देवासो अनुजानन्तु कामं ॥ 21

22. नक्षत्रं – श्रवणं

देवता – विष्णुः

शृण्वन्ति श्रोणा-ममृतस्य गोपां । पुण्यामस्या उपशृणोमि वाचं ।
महीं देवीं विष्णुपत्नी मजूर्या । प्रतीची मेना हविषा यजामः ।
त्रेधा विष्णु-रुरुगायो विचक्रमे । महीं दिवं पृथिवी-मन्तरिक्षं ।
तच्छ्रोणैति श्रव-इच्छमाना । पुण्यं श्लोकं यजमानाय कृण्वती ॥ 22

23. नक्षत्रं – श्रविष्ठा

देवता – वसवः

अष्टौ देवा वसवस्सोम्यासः । चतस्रो देवी रजराः श्रविष्ठाः ।
ते यज्ञं पान्तु रजसः परस्तात् । सँवथ्सरीण-ममृतं स्वस्ति ।

य॒ज्ञं नः॑ पा॒न्तु व॑सवः॒ पु॒रस्ता॑त् । द॒क्षि॒णतो॑-ऽभि॒यन्तु॑ श्र॒वि॒ष्ठाः ।
पु॒ण्य॒न्नक्ष॑त्रम॒भि सँ॑वि॒शाम॑ । मा नो॑ अ॒राति॑-र॒घश॑ꣳ सा॒गन् ॥ 23

24. नक्षत्रं – शतभिषक् **देवता – वरुणः**

क्ष॒त्रस्य॑ रा॒जा व॑रु॒णोऽधि॑राजः । नक्ष॑त्राणाꣳ श॒तभि॑षग् व॒सिष्ठः॑ ।
तौ दे॒वेभ्यः॑ कृ॒णुतो॑ दी॒र्घमा॑युः । श॒तꣳ स॒हस्रा॑ भेष॒जानि॑ ध॒त्तः ।
य॒ज्ञन्नो॑ रा॒जा व॑रु॒ण उ॒पया॑तु । तन्नो॑ वि॒श्वे अ॒भिसँ॑य्यन्तु दे॒वाः ।
तन्नो॑ नक्ष॑त्रꣳ श॒तभि॑षग् जुषा॒णं । दी॒र्घमा॑युः प्र॒तिर॑द् भेष॒जानि॑ ॥ 24

25. नक्षत्रं – पूर्वप्रोष्ठपदा **देवता – अजयेकपादः**

अ॒ज ए॒कपा॑- दु॒दगा॑त् पु॒रस्ता॑त् । वि॒श्वा भू॑तानि प्र॒ति मो॑द॒मानः॑ ।
तस्य॑ दे॒वाः प्र॒सवं॑ य॒न्ति स॑र्वे । प्रो॒ष्ठप॑दासो अ॒मृत॑स्य गो॒पाः ।
वि॒भ्राज॑मान-स्स॒मिधा॑न उ॒ग्रः । आ॒न्तरि॑क्ष-म॒रुह॑द-ग॒न्धां ।
तꣳ सू॒र्यं दे॒व-म॒जमे॑कपादं । प्रो॒ष्ठप॑दासो अ॒नुय॑न्ति स॑र्वे ॥ 25

26. नक्षत्रं – उत्तरप्रोष्ठपदा**देवता – अहिर्बुद्धिधनयः**

अहिर् बुद्धिधनयः प्रथमान एति । श्रेष्ठो देवानामुत मानुषाणां ।
 तं ब्राह्मणा-स्सोमपा-स्सोम्यासः । प्रोष्ठपदासो अभिरक्षन्ति सर्वे ॥
 चत्वार एकमभि कर्म देवाः । प्रोष्ठपदास इति यान् वदन्ति ।
 ते बुद्धिनियं परिषद्यं स्तुवन्तः । अहिं रक्षन्ति नमसोप सद्य ॥ 26

27. नक्षत्रं – रेवती**देवता – पूषा**

पूषा रेवत्यन्वेति पन्थां । पुष्टिपती पशुपा वाजबस्त्यौ ।
 इमानि हव्या प्रयता जुषाणा । सुगैर्नो यानैरुपयातां यज्ञं ।
 क्षुद्रान् पशून् रक्षतु रेवती नः । गावो नो अश्वां अन्वेतु पूषा ।
 अन्नं रक्षन्तौ बहुधा विरूपं । वाजं सनुतां यजमानाय यज्ञं ॥ 27

28 नक्षत्रं – अश्विनी**देवता – अश्विनी देवौ**

तदश्विना-वश्वयुजो-पयातां । शुभङ्गमिष्ठौ सुयमेभिरश्वैः ।
 स्वन्नक्षत्रं हविषा यजन्तौ । मध्वा-संपृक्तौ यजुषा समक्तौ ।
 यौ देवानां भिषजौ हव्यवाहौ । विश्वस्य दूता-वमृतस्य गोपौ ।
 तौ नक्षत्रं-जुजुषाणो-पयातां । नमोऽश्विभ्यां कृणुमो-ऽश्वग्युभ्यां ॥ 28

29.नक्षत्रं – अपभरणी**देवता – यमः**

अप॑ पा॒प्मानं॑ भ॒रणी॑र् भ॒रन्तु॑ । तद् य॒मो रा॒जा भ॒गवान्॑ वि॒च॒ष्टां ।
 लो॒कस्य॑ रा॒जा म॒हतो॑ म॒हान् हि॑ । सु॒गन्तः॑ प॒न्थाम॑भयं कृ॒णोतु॑ ।
 यस्मिन्॑ नक्ष॒त्रे य॒म ए॒ति रा॒जा ॥ यस्मिन्ने॒न-म॑भ्य॒षिञ्च॑न्त दे॒वाः ।
 तद॑स्य चि॒त्रं ह॒विषा॑ य॒जाम॑ । अप॑ पा॒प्मानं॑ भ॒रणी॑र् भ॒रन्तु॑ ॥ 29

30.अमावासि

नि॒वेश॑नी स॒ङ्गम॑नी व॒सूनां॑ वि॒श्वा रू॒पाणि॑ व॒सू॒न्या-वे॑शय॒न्ती ।
 स॒हस्र॑-पोष॒ सु॒भगा॑ र॒राणा॑ सा न आ॒गन् वर्च॑सा संवि॒द॒ना ।
 य॒त्ते दे॒वा अ॒दधु॑र् भा॒गधे॒य-म॑मा॒वास्ये॑ सं॒वँस॑न्तो म॒हित्वा ।
 सा नो॑ य॒ज्ञं पि॒पृहि॑ वि॒श्ववा॑रे र॒यिन्नो॑ धे॒हि सु॒भगे॑ सु॒वीरं॑ ॥ 30

Optional Additional Chanting (31 to 40)**31. चन्द्रमा**

न॒वो न॒वो भ॑वति जा॒यमा॑नोऽ॒ह्नां के॒तु-रू॒षसा॑ मे॒त्यग्रै॑ ।
 भा॒गं दे॒वेभ्यो॑ वि॒दधा॑त्यायन् प्र॒चन्द्र॑मास्तिरि॒ति दी॒र्घमा॑युः ॥
 य॒मादि॑त्या अ॒शुमा॑प्याय॒यन्ति॑ य॒मक्षि॑त-म॒क्षित॑यः पि॒बन्ति॑ ।

तेन॑ नो॒ राजा॑ वरु॒णो बृ॒हस्प॑ति रा॒प्याय॑यन्तु भुव॑नस्य गो॒पाः ॥ 31

32. अहो रात्री

ये वि॒रूपे॑ सम॑नसा सँव्य॑यन्ती । सम॑नं तन्तुं॑ परि॒ता-तना॑ते ।
वि॒भू प्र॒भू अनु॑भू वि॒श्वतो॑ हुवे । ते नो॒ नक्ष॑त्रे हव॒माग॑-मेतं ।

वयं॑ दे॒वी ब्र॑ह्मणा संवि॑दनाः । सुर॑त्नासो दे॒ववी॑तिं द॒धानाः॑ ।
अ॒होरा॑त्रे ह॒विषा॑ वर्द्ध॑यन्तः । अति॑ पा॒प्मान॑-मति॑मुक्त्या गमेम ॥ 32

33. उषा

प्र॒त्युव॑ दृ॒श्याय॑ती । व्यु॒च्छन्ती॑ दु॒हिता॑ दि॒वः ।
अ॒पो म॒ही वृ॑णुते चक्षु॑षा । तमो॒ ज्योति॑ष्कृ॒णोति॑ सून॒री ।
उ॒दु स्त्रि॑या॒स्सच॑ते सूर्यः॑ । स चा॒ उ॒द्यन्न॑क्षत्र मर्चि॑मत् ।
त वे॒दुषो॑ व्यु॒षि सूर्य॑स्य च । संभ॑क्तेन गमेमहि ॥ 33

34. नक्षत्रः

तन्नो॑ नक्षत्र मर्चि॑मत् । भानु॑मत्तेज उ॒च्छर॑त् ।
उप॑यज्ञ-मिहा॑गमत् । प्र॒नक्ष॑त्राय दे॒वाय॑ । इन्द्रा॑येन्दु॒ः हवा॑महे ।

स न स्सविता सुवथ् सनिं । पुष्टिदां वीरवत्तमं ॥ 34

35. सूर्यः

उदुत्यं जातवेदसं देवं वहन्ति केतवः । दृशे विश्वाय सूर्यं ।
चित्रं देवाना मुदगादनीकं चक्षुर् मित्रस्य वरुणस्याग्नेः ।
आऽप्रा द्यावापृथिवी अन्तरिक्षं सूर्य आत्मा जगतस्तस्थुषश्च ॥ 35

36. अदितिः

अदितिर्न उरुष्य-त्वदितिः शर्म यच्छतु । अदितिः पात्व हसः ।
महीमूषु मातरं सुव्रताना-मृतस्य पत्नी मवसे हुवेम ।
तुविक्षत्रा-मजरन्ती मुरुचीं सुशर्माण-मदितिं सुप्रणीतिं ॥ 36

37. विष्णुः

इदं विष्णुर् विचक्रमे त्रेधा निदधे पदं । समूढमस्य पां सुरे ।
प्रतद्विष्णु स्तवते वीर्याय । मृगो न भीमः कुचरो गिरिष्ठाः ।
यस्योरुषु त्रिषु विक्रमणेषु । अधिक्षियन्ति भुवनानि विश्वा ॥ 37

38. अग्निः

अ॒ग्नि॒र् मूर्धा॑ दि॒वः क॒कु॒त्प॒तिः पृ॒थि॒व्या अ॒यं ।
 अ॒पाꣳ रे॒ताꣳ सि॑ जि॒न्वति॑ ।
 भु॒वो य॒ज्ञस्य॑ र॒जसश्च॑ ने॒ता यत्रा॑ नि॒यु॒द्धिः स॒च॒से शि॒वाभिः॑ ।
 दि॒वि मूर्धा॑नं दधि॒षे सु॒वर्षां॑ जि॒ह्वा॒मग्ने॑ च॒कृषे॑ ह॒व्यवा॑हं ॥ 38

39. अनुमती

अ॒नु॒नोऽद्या॑नु॒मति॑र् य॒ज्ञं दे॒वेषु॑ म॒न्यतां॑ ।
 अ॒ग्निश्च॑ ह॒व्यवा॑ह॒नो भ॒वतां॑ दा॒शुषे॑ म॒यः ।
 अ॒न्वि॒दनु॑म॒ते त्वं म॒न्यासै॑ शं॒च नः॑ कृ॒धि ।
 क्र॒त्वे द॒क्षाय॑ नो हि॒नु प्र॒ण आ॒यूꣳषि॑ ता॒रिषः॑ ॥ 39

40. हव्यवाहः (अग्निः)

ह॒व्यवा॑ह॒मभि॑-मा॒तिषा॑हं । र॒क्षो॒हणं॑ पृ॒तना॑सु जि॒ष्णुं ।
 ज्यो॑ति॒ष्मन्तं॑ दी॒द्यतं॑ पु॒रन्धिं॑ । अ॒ग्निꣳ स्वि॑ष्ट कृ॒तमा॑हु॒वेम॑ ।
 स्वि॑ष्ट म॒ग्ने अ॒भित॑त् पृ॒णाहि॑ । वि॒श्वा दे॒व पृ॒तना॑ अ॒भिष्य॑ ।
 उ॒रु॒न्नः प॒न्थां प्र॑दि॒शन् वि॒भाहि॑ । ज्यो॑ति॒ष्मद्धे॒ह्य ज॒रन्न॑ आ॒युः ॥ 40

20 शान्ति पञ्चकं

TA 5.1.1

ओं शन्नो॑ मि॒त्रः शं॑ वरु॒णः । शन्नो॑ भव॒त्व॒र्य॒मा । शन्न॑ इन्द्रो॒ बृह॒स्पतिः॑ ।
 शन्नो॑ विष्णु॒रुरु॒क्रमः॑ । नमो॑ ब्रह्म॒णे । नम॑स्ते वा॒यो ।
 त्वमे॒व प्र॒त्यक्षं॑ ब्रह्मा॒सि । त्वमे॒व प्र॒त्यक्षं॑ ब्रह्म॒ वदि॑ष्यामि ।
 ऋ॒तं वदि॑ष्यामि । स॒त्यं वदि॑ष्यामि ।
 तन्मा॑मवतु । तद्व॒क्तार॑मवतु । अव॒तु मां॑ । अव॒तु व॒क्तारं॑ ॥ 1

ओं शान्तिः॑ शान्तिः॑ शान्तिः॑ ॥

TA 5.12.1

ओं शन्नो॑ मि॒त्रः शं॑ वरु॒णः । शन्नो॑ भव॒त्व॒र्य॒मा । शन्न॑ इन्द्रो॒ बृह॒स्पतिः॑ ।
 शन्नो॑ विष्णु॒रुरु॒क्रमः॑ । नमो॑ ब्रह्म॒णे । नम॑स्ते वा॒यो ।
 त्वमे॒व प्र॒त्यक्षं॑ ब्रह्मा॒सि । त्वामे॒व प्र॒त्यक्षं॑ ब्रह्मा॒वादि॑षं । ऋ॒तम॑वादिषं ।
 स॒त्यम॑वादिषं । तन्मा॑मावीत् । तद्व॒क्तार॑मावीत् ।
 आवी॒न्मां॑ । आवी॒द्व॒क्तारं॑ ॥ 2

ओं शान्तिः॑ शान्तिः॑ शान्तिः॑ ॥

TA 5.13.1

ओं सह नाववतु । सह नौ भुनक्तु । सह वीर्यं करवावहै ।
 तेजस्विना-वधीतमस्तु मा विद्विषावहै ॥ 3

ओं शान्तिः शान्तिः शान्तिः ॥

TA 7.1.1

नमो वाचे या चोदिता या चानुदिता तस्यै वाचे नमो
 नमो वाचे नमो वाचस्पतये नम ऋषिभ्यो मन्त्रकृद्भ्यो मन्त्रपतिभ्यो
 मा मामृषयो मन्त्रकृतो मन्त्रपतयः परादुर्मा-ऽहमृषीन् मन्त्रकृतो मन्त्रपतीन्
 परादां वैश्वदेवीं वाचमुद्यासञ् शिवा मदस्ताञ्जुष्टां देवेभ्यः
 शर्म मे द्यौः शर्म पृथिवी शर्म विश्वमिदं जगत् ।
 शर्म चन्द्रश्च सूर्यश्च शर्म ब्रह्म प्रजापती ।
 भूतं वदिष्ये भुवनं वदिष्ये तेजो वदिष्ये यशो वदिष्ये तपो वदिष्ये
 ब्रह्म वदिष्ये सत्यं वदिष्ये तस्मा अहमिद-मुपस्तरण-मुपस्तृण
 उपस्तरणं मे प्रजायै पशूनां भूयादुपस्तरणमहं प्रजायै पशूनां
 भूयासं प्राणापानौ मृत्योर्मापातं प्राणापानौ मा मा हासिष्टं मधु

म॒नि॒ष्ये॑ म॒धु॑ ज॒नि॒ष्ये॑ म॒धु॑ व॒क्ष्या॑मि म॒धु॑ व॒दि॒ष्या॑मि म॒धु॑म॒तीं॑ दे॒वे॒भ्यो॑
 वा॒च॒मु॒द्या॑सꣳ शु॒श्रू॒षे॒ण्यां॑ म॒नु॒ष्ये॑भ्य॒स्तं॑ मा॒ दे॒वा॑ अ॒व॒न्तु॑
 शो॒भा॒यै॑ पि॒तरो॑ ऽनु॒म॒द॒न्तु॑ ॥ 4

ओं शान्तिः॑ शान्तिः॑ शान्तिः॑ ॥

T.B.3.5.11.1

ओं तच्छं॑ यो॒रावृ॑णीमहे । गा॒तुं य॑ज्ञाय । गा॒तुं य॑ज्ञ॒प॒तये॑ ।
 दै॒वी॑ स्व॒स्तिर॑स्तु नः । स्व॒स्तिर्-मा॑नु॒षे॒भ्यः॑ । ऊ॒र्ध्वं जि॑गातु भे॒ष॒जं॑ ।
 श॒न्नो अ॑स्तु द्वि॒पदे॑ । शं च॑तु॒ष्पदे॑ ॥ 5

ओं शान्तिः॑ शान्तिः॑ शान्तिः॑ ॥

21 रुद्र नमकं

TS 2.3.14.3

ओं । ग॒णा॒ना॒न्त्वा॑ ग॒ण॒प॒तिꣳ ह॒वा॒म॒हे॑ क॒विं क॑वी॒ना-मु॒प॒म॒श्र-व॑स्त॒मं॑ ।
 ज्ये॒ष्ठ॒रा॒जं ब्र॑ह्म॒णां ब्र॑ह्म॒ण॒स्प॒त आ॑न॒श्शृ॒ण्व॒न्नू॒ति॒भिः॑ सी॒द सा॑द॒नं॑ ॥
 श्री महागणपतये नमः ॥

TS 4.7.3.1

शं॑ च॒ मे॒ , म॒यश्च॑ मे॒, प्रि॒यं च॑ मे॒, ऽनु॒कामश्च॑ मे॒,
 काम॑श्च मे॒ , सौ॒मन॑सश्च मे॒, भ॒द्रं च॑ मे॒, श्रे॒यश्च॑ मे॒,
 व॒स्यश्च॑ मे॒, य॒शश्च॑ मे॒, भ॒गश्च॑ मे॒, द्र॒विणं॑ च॒ मे॒,
 य॒न्ता च॑ मे॒, ध॒र्ता च॑ मे॒, क्षे॒मश्च॑ मे॒, धृ॒तिश्च॑ मे॒,
 वि॒श्वं च॑ मे॒, म॒हश्च॑ मे॒, सँ॒विच्च॑ मे॒, ज्ञा॒त्रञ्च॑ मे॒,
 सू॒श्च मे॒, प्र॒सूश्च॑ मे॒, सी॒रं च॑ मे॒, ल॒यश्च॑ मे॒,
 ऋ॒तं च॑ मे॒, ऽमृ॒तं च॑ मे॒, ऽय॒क्ष्मं च॑ मे॒ , ऽना॒मय॑च्च मे॒,
 जी॒वातु॑श्च मे॒, दी॒र्घायु॑त्वं च॒ मे॒, ऽन॒मित्रं॑ च॒ मे॒, ऽभ॒यं च॑ मे॒,
 सु॒गं च॑ मे॒, श॒यनं॑ च॒ मे॒, सू॒षा च॑ मे॒, सु॒दिनं॑ च॒ मे॒ ॥

ओं शान्तिः॑ शान्तिः॑ शान्तिः॑ ॥

(TS 4.5.1 - 4.5.11)**प्रथमोऽनुवाकः**

ओं॑ नमो॑ भगवते॑ रु॒द्राय॑ ॥
 ओं॑ नम॑स्ते रु॒द्र म॒न्यव॑ उ॒तोत॑ इ॒षवे॑ नमः॑ ।
 नम॑स्ते अस्तु॑ ध॒न्वने॑ बा॒हुभ्या॑मु॒त ते॑ नमः॑ ।

1.1

या त इषुः शिवतमा शिवं बभूव ते धनुः ।

शिवा शरव्या या तव तया नो रुद्र मृडय । 1.2

या ते रुद्र शिवा तनूरघोरा ऽपापकाशिनी ।

तया नस्तनुवा शन्तमया गिरिशन्ता-भिचाकशीहि । 1.3

यामिषुं गिरिशन्त हस्ते बिभर्ष्यस्तवे ।

शिवाङ्गिरित्र ताङ्कुरु मा हिंसीः पुरुषं जगत् । 1.4

शिवेन वचसा त्वा गिरिशाच्छा वदामसि ।

यथा नस्सर्वमि-ज्जगद यक्ष्मं सुमना असत् । 1.5

अद्ध्यवोचदधि-वक्ता प्रथमो दैव्यो भिषक् ।

अहींश्च सर्वान् जंभयन् त्सर्वांश्च यातु धान्यः । 1.6

असौ यस्ताम्रो अरुण उत बभ्रुस्सुमङ्गलः ।

ये चेमां रुद्रा अभितो दिक्षु श्रिताः सहस्रशो ऽवैषां हेड ईमहे । 1.7

असौ यो ऽवसर्पति नीलग्रीवो विलोहितः ।

उतैनं गोपा अदृशन्-नदृशन्-नुदहार्यः ।

उतैनं-विश्वा भूतानि स दृष्टो मृडयाति नः ।

1.8

नमो अस्तु नीलग्रीवाय सहस्राक्षाय मीढुषे ।

अथो ये अस्य सत्वानोऽहं तेभ्यो ऽकरन्नमः ।

1.9

प्रमुञ्च धन्वन-स्त्वमुभयो-रार्णियोज्या ।

याश्च ते हस्त इषवः परा ता भगवो वप ।

1.10

अवतत्य धनुस्त्वञ् सहस्राक्ष शतेषुधे ।

निशीर्य शल्यानां मुखा शिवो नः सुमना भव ।

1.11

विज्यं धनुः कपर्दिनो विशल्यो बाणवाञ् उत ।

अनेशन्नस्येषव आभुरस्य निषङ्गथिः ।

1.12

या ते हेतिर्-मीढुष्टम हस्ते बभूव ते धनुः ।

तयाऽस्मान् विश्वत स्त्वमयक्ष्मया परिब्भुज ।

1.13

नमस्ते॑ अ॒स्त्वायु॑धाया-ना॒तताय॑ धृ॒ष्णवे॑ ।

उ॒भाभ्या॑मु॒त ते नमो॑ बा॒हुभ्यां॑ तव॒ धन्व॑ने ।

1.14

परि॑ ते धन्व॒नो हे॒तिर॒स्मान् वृ॑णक्तु॒ विश्व॑तः ।

अथो॒ य इ॒षुधि॑स्त॒वारे अ॒स्मन्नि॑धेहि॒ तं ॥ 1

1.15

नमस्ते॑ अस्तु॒ भगव॑न् विश्वेश्व॒राय॑ महादे॒वाय॑ त्र्यं॒बकाय॑ त्रिपु॒रान्त॑काय॒
त्रिका॑ग्नि-काला॒य काला॑ग्नि-रु॒द्राय॑ नीलक॒ण्ठाय॑ मृ॒त्युञ्ज॑याय॒
सर्वेश्व॑राय॒ सदा॑शि॒वाय॑ शङ्क॒राय॑ श्रीमन्-महादे॒वाय॑ नमः॑ ॥

द्वितीयोऽनुवाकः

नमो॑ हि॒रण्य॑ बा॒हवे॑ से॒नान्ये॑ दि॒शांच॑ प॒तये॑ नमो॒

2.1

नमो॑ वृ॒क्षेभ्यो॑ हरि॒केशे॑भ्यः प॒शूनां॑ प॒तये॑ नमो॒

2.2

नम॑स्स॒स्पिञ्ज॑राय॒ त्विषी॑मते प॒थीनां॑ प॒तये॑ नमो॒

2.3

नमो॑ ब॒भ्रुशा॑य वि॒व्याधि॑ने-ऽन्ना॒नां प॒तये॑ नमो॒

2.4

नमो॑ हरि॒केशा॑-योप॒वीति॑ने पु॒ष्टानां॑ प॒तये॑ नमो॒

2.5

नमो॑ भ॒वस्य॑ हे॒त्यै ज॑गतां प॒तये॑ नमो॒

2.6

नमो॑ रु॒द्राया॑-त॒तावि॑ने॒ क्षेत्रा॑णां॒ पत॑ये॒ नमो॑	2.7
नमः॑ सू॒ताया॑-ह॒न्त्याय॑ व॒नानां॑ पत॑ये॒ नमो॑	2.8
नमो॑ रोहि॒ताय॑ स्थ॒पत॑ये॒ वृक्षा॑णां॒ पत॑ये॒ नमो॑	2.9
नमो॑ मन्त्रि॒णे वा॑णिजा॒य कक्षा॑णां॒ पत॑ये॒ नमो॑	2.10
नमो॑ भुव॒न्तये॑ वा॒रिव॑स्कृ॒ता-यौष॑धीनां॒ पत॑ये॒ नमो॑	2.11
नम॑ उच्चैर्-घो॒षाया॑ क्र॒न्दय॑ते॒ पत्ती॑नां॒ पत॑ये॒ नमो॑	2.12
नमः॑ कृ॒थस्न॑वी॒ताय॑ धा॒वते॑ स॒त्त्वनां॑ पत॑ये॒ नमः॑ ॥ 2	2.13

तृतीयोऽनुवाकः

नम॑ स्सह॒मानाय॑ नि॒व्याधि॑न॒ आव्या॑धिनीनां॒ पत॑ये॒ नमो॑	3.1
नमः॑ ककु॒भाय॑ निष॒ङ्गिणो॑ स्ते॒नानां॑ पत॑ये॒ नमो॑	3.2
नमो॑ निष॒ङ्गिण॑ इषु॒धिम॑ते॒ तस्करा॑णां॒ पत॑ये॒ नमो॑	3.3
नमो॑ वज्र॑च॒ते परि॑वज्र॑च॒ते स्तायू॑नां॒ पत॑ये॒ नमो॑	3.4
नमो॑ निचे॒रवे॑ परि॒चरा॑यार॒ण्यानां॑ पत॑ये॒ नमो॑	3.5
नमः॑ सृ॒कावि॑भ्यो॒ जिघा॑स्सद्भ्यो॒ मुष्णा॑तां॒ पत॑ये॒ नमो॑	3.6
नमो॑ ऽसि॒मद्भ्यो॑ न॒क्तं च॑रद्भ्यः॒ प्रकृ॑न्तानां॒ पत॑ये॒ नमो॑	3.7

नम॑ उ॒ष्णी॒षिणो॑ गि॒रिच॑राय॒ कु॒लुञ्च॑ानां॒ पत॑ये॒ नमो॑	3.8
नम॑ इ॒षुम॑द्भ्यो॒ धन्वा॑वि॒भ्यश्च॑ वो॒ नमो॑	3.9
नम॑ आ॒तन्वा॑ने॒भ्यः॑ प्र॒तिद॑धाने॒भ्यश्च॑ वो॒ नमो॑	3.10
नम॑ आ॒यच्छ॑द्भ्यो॒ विसृ॑जद्भ्यश्च॑ वो॒ नमो॑	3.11
नमो॑ऽस्य॑द्भ्यो॒ विध्य॑द्भ्यश्च॑ वो॒ नमो॑	3.12
नम॑ आ॒सीने॑भ्यः॒ श्या॑ने॒भ्यश्च॑ वो॒ नमो॑	3.13
नम॑स्स्व॒पद्भ्यो॑ जा॒ग्रद्भ्य॑श्च॑ वो॒ नमो॑	3.14
नम॑स्ति॒ष्ठद्भ्यो॑ धा॒वद्भ्य॑श्च॑ वो॒ नमो॑	3.15
नम॑स्स॒भाभ्य॑ स्स॒भाप॑ति॒भ्यश्च॑ वो॒ नमो॑	3.16
नमो॑ अ॒श्वेभ्यो॑ ऽश्व॒पति॑भ्यश्च॑ वो॒ नमः॑ ॥ 3 ॥	3.17

चतुर्थोऽनुवाकः

नम॑ आ॒व्याधि॑नी॒भ्यो॑ वि॒विद्ध्य॑न्ती॒भ्यश्च॑ वो॒ नमो॑	4.1
नम॑ उ॒गणा॑भ्य॒ स्तृ॒हती॑भ्यश्च॑ वो॒ नमो॑	4.2
नमो॑ गृ॒थ्से॑भ्यो॒ गृ॒थ्स॑पति॒भ्यश्च॑ वो॒ नमो॑	4.3

नमो॑ व्रा॒तै॑भ्यो॑ व्रा॒तप॑तिभ्यश्च॑ वो॒ नमो॑	4.4
नमो॑ ग॒णै॑भ्यो॑ ग॒णप॑तिभ्यश्च॑ वो॒ नमो॑	4.5
नमो॑ वि॒रू॒पे॑भ्यो॑ वि॒श्वरू॑पेभ्यश्च॑ वो॒ नमो॑	4.6
नमो॑ म॒हद्भ्यः॑ क्षु॒ल्लके॑भ्यश्च॑ वो॒ नमो॑	4.7
नमो॑ र॒थि॑भ्यो॑ ऽर॒थे॑भ्यश्च॑ वो॒ नमो॑	4.8
नमो॑ र॒थै॑भ्यो॑ र॒थप॑तिभ्यश्च॑ वो॒ नमो॑	4.9
नमः॑ से॒ना॒भ्य॑ स्से॒नानि॑भ्यश्च॑ वो॒ नमो॑	4.10
नमः॑ क्ष॒त्तृ॒भ्य॑ स्सं॒ग्रही॑तृभ्यश्च॑ वो॒ नमो॑	4.11
नम॑स्तक्ष॒भ्यो॑ र॒थका॑रेभ्यश्च॑ वो॒ नमो॑	4.12
नमः॑ कु॒ला॒ले॑भ्यः॑ क॒मरि॑भ्यश्च॑ वो॒ नमो॑	4.13
नमः॑ पु॒ज्जि॑ष्ठेभ्यो॑ नि॒षादे॑भ्यश्च॑ वो॒ नमो॑	4.14
नम॑ इ॒षुकृ॑द्भ्यो॑ ध॒न्वकृ॑द्भ्यश्च॑ वो॒ नमो॑	4.15
नमो॑ मृ॒गयु॑भ्य॑ इ॒श्वनि॑भ्यश्च॑ वो॒ नमो॑	4.16
नमः॑ श्व॒भ्य॑ इ॒श्वप॑तिभ्यश्च॑ वो॒ नमः॑ ॥ 4	4.17

पञ्चमोऽनुवाकः

नमो॑ भ॒वाय॑ च रु॒द्राय॑ च नमः॑ श॒र्वाय॑ च प॒शुप॑तये च
 नमो॑ नी॒लग्री॑वाय च शि॒तिक॑ण्ठाय च नमः॑ क॒पर्दि॑ने च व्यु॒प्तके॑शाय च
 नमः॑ स्सह॒स्राक्ष॑ाय च श॒तध॑न्वने च नमो॑ गि॒रिश॑ाय च शि॒पिवि॑ष्टाय च
 नमो॑ मी॒ढुष्ट॑माय चेषु॒मते॑ च नमो॑ ह॒स्वाय॑ च वा॒मना॑य च
 नमो॑ बृ॒हते॑ च वर्॒षिय॑से च नमो॑ वृ॒द्धाय॑ च स॒म्वृ॑ध्वने च
 नमो॑ अ॒ग्रिया॑य च प्र॒थमा॑य च नमः॑ आ॒शवे॑ चाजि॒राय॑ च
 नमः॑ शी॒घ्रिया॑य च शी॒भ्याय॑ च नमः॑ ऊ॒र्म्याय॑ चाव॒स्वन्या॑य च
 नमः॑ स्रो॒तस्या॑य च द्वी॒प्याय॑ च ॥ 5

षष्ठोऽनुवाकः

नमो॑ ज्ये॒ष्ठाय॑ च क॒निष्ठा॑य च नमः॑ पूर्॒वजा॑य चा॒परजा॑य च
 नमो॑ म॒ध्यमा॑य चा॒पग॑ल्भाय च नमो॑ जघ॒न्याय॑ च बु॒ध्नि॑याय च
 नमः॑ सो॒भ्याय॑ च प्र॒तिस॑र्याय च नमो॑ या॒म्याय॑ च क्षे॒म्याय॑ च
 नमः॑ उ॒र्वर्या॑य च ख॒ल्याय॑ च नमः॑ श्लो॒क्याय॑ चाव॒सान्या॑य च
 नमो॑ व॒न्याय॑ च क॒क्ष्याय॑ च नमः॑ श्र॒वाय॑ च प्र॒तिश्र॑वाय च

नम॑ आ॒शु॒षे॒णाय॑ चा॒शु॒र॒थाय॑ च॒ नमः॑ शू॒राय॑ चाव॒भि॒न्द॒ते च॒
 नमो॑ वर्मि॒णे च॑ वरू॒थि॒ने च॑ नमो॑ बि॒ल्मि॒ने च॑ क॒व॒चि॒ने च॒
 नमः॑ श्रु॒ताय॑ च श्रु॒त॒से॒नाय॑ च ॥ 6

सप्तमोऽनुवाकः

नमो॑ दु॒न्दु॒भ्याय॑ चा॒ह॒न॒न्याय॑ च॒ नमो॑ धृ॒ष्ण॒वे च॑ प्र॒मृ॒शाय॑ च॒
 नमो॑ दू॒ताय॑ च प्र॒हि॒ताय॑ च॒ नमो॑ नि॒ष॒ङ्गि॒णे चेषु॑धि॒म॒ते च॒
 नम॑ स्ती॒क्ष्णेष॑वे चा॒यु॒धि॒ने च॑ नमः॑ स्वा॒यु॒धाय॑ च सु॒ध॒न्व॒ने च॒
 नम॑स्सु॒त्याय॑ च प॒थ्याय॑ च॒ नमः॑ का॒व्याय॑ च नी॒प्याय॑ च॒
 नमः॑ सू॒द्याय॑ च सर॒स्याय॑ च॒ नमो॑ ना॒द्याय॑ च वै॒श॒न्ताय॑ च॒
 नमः॑ कू॒प्याय॑ चाव॒द्याय॑ च॒ नमो॑ वर्ष्पा॒य चाव॑र्ष्पा॒य च॒
 नमो॑ मे॒घ्याय॑ च वि॒ध्यु॒त्याय॑ च॒ नम॑ ई॒ध्रि॒याय॑ चा॒त॒प्याय॑ च॒
 नमो॑ वा॒त्याय॑ च रे॒ष्मि॒याय॑ च॒ नमो॑ वा॒स्त॒व्याय॑ च वा॒स्तु॒पाय॑ च ॥ 7

अष्टमोऽनुवाकः

नमः॑ सो॒माय॑ च रु॒द्राय॑ च॒ नम॑स्ता॒म्राय॑ चा॒रु॒णाय॑ च॒
 नम॑श्श॒ङ्गाय॑ च प॒शु॒प॒तये॑ च॒ नम॑ उ॒ग्राय॑ च भी॒माय॑ च॒

नमो॑ अ॒ग्रे॒व॒धा॒य॒ च॒ दू॒रे॒व॒धा॒य॒ च॒ नमो॑ ह॒न्त्रे॒ च॒ ह॒नी॒य॒से॒ च॒
 नमो॑ वृ॒क्षे॒भ्यो॒ ह॒रि॒केशे॒भ्यो॒
 नम॑स्ताराय
 नम॑श्शं॒भवे॒ च॒ म॒यो॒भवे॒ च॒
 नम॑श्शङ्क॒राय॒ च॒ म॒य॒स्क॒राय॒ च॒ नम॑श्शि॒वाय॒ च॒ शि॒व॒त॒राय॒ च॒
 नम॑स्ती॒र्थ्याय॒ च॒ कू॒ल्याय॒ च॒ नमः॑ पा॒र्याय॒ चावा॒र्याय॒ च॒
 नमः॑ प्र॒त॒र॒णाय॒ चो॒त्त॒र॒णाय॒ च॒ नम॑ आ॒ता॒र्याय॒ चाला॑द्याय॒ च॒
 नम॑श्श॒ष्याय॒ च॒ फे॒न्याय॒ च॒ नमः॑ सि॒क्त्याय॒ च॒ प्र॒वा॒ह्याय॒ च॒ ॥ 8

नवमोऽनुवाकः

नम॑ इ॒रि॒ण्याय॒ च॒ प्र॒प॒थ्याय॒ च॒ नमः॑ कि॒ञ्चि॒लाय॒ च॒ क्षय॑णाय॒ च॒
 नमः॑ क॒प॒र्दि॒ने॒ च॒ पु॒ल॒स्त॒र्ये॒ च॒ नमो॑ गो॒ष्ठ्याय॒ च॒ गृ॒ह्याय॒ च॒
 नम॑ स्त॒ल्प्याय॒ च॒ गे॒ह्याय॒ च॒ नमः॑ का॒ट्याय॒ च॒ ग॒ह्व॒रे॒ष्ठाय॒ च॒
 नमो॑ हृ॒द॒य्याय॒ च॒ नि॒वे॒ष्याय॒ च॒ नमः॑ पा॒ञ्च॒स॒व्याय॒ च॒ र॒ज॒स्याय॒ च॒
 नमः॑ शु॒ष्क्याय॒ च॒ ह॒रि॒त्याय॒ च॒ नमो॑ लो॒प्याय॒ चो॒ल॒प्याय॒ च॒

नम॑ ऊ॒र्व्या॑य च॒ सू॒र्म्या॑य च॒ नमः॑ प॒र्ण्या॑य च॒ प॒र्ण॑श॒द्याय॑ च॒
 नमो॑ऽप॒गु॒रमा॑णाय॒ चाभि॑घ्नते च॒ नम॑ आ॒क्खि॑दते च॒ प्र॒क्खि॑दते च॒
 नमो॑ वः॒ किरि॑केभ्यो॒ दे॒वाना॑ꣳ हृ॒दये॑भ्यो॒ नमो॑ वि॒क्षी॑णकेभ्यो॒
 नमो॑ वि॒चिन्व॑त्केभ्यो॒ नम॑ आ॒निर्ह॑तेभ्यो॒ नम॑ आ॒मीव॑त्केभ्यः ॥ 9

दशमोऽनुवाकः

द्रा॒पे अ॒न्धस॑स्पते॒ दरि॑द्र॒न्नील॑लोहित ।

ए॒षां पु॒रुषा॑णामे॒षां प॒शूनां॑ मा भे॒ र्माऽरो॑ मो॒ ए॒षां किञ्च॑नाम॒मत् । 10.1

या ते॑ रु॒द्र शि॒वा त॒नूश्शि॒वा वि॒श्वाह॑भेषजी ।

शि॒वा रु॒द्रस्य॑ भेषजी॒ तया॑ नो मृ॒ड जी॒वसे॑ ॥ 10.2

इ॒माꣳ रु॒द्राय॑ तवसे॒ कप॑र्दिने॒ क्षय॑द्वी॒राय॑ प्र॒भ॒राम॑हे मतिं ।

यथा॑ नः॒ शम॑सद्-द्वि॒पदे॑ चतु॒ष्पदे॑ वि॒श्वं पु॒ष्टं ग्रा॑मे अ॒स्मि-न्न॑नातुरं । 10.3

मृ॒डा नो॑ रु॒द्रो त॒नो म॑यस्कृ॒धि क्षय॑द्वी॒राय॑ नम॒सा वि॑धेम ते ।

यच्छ॑ञ्च योश्च॒ म॒नुरा॑यजे॒ पिता॑ तद॒श्याम॑ तव॒ रु॒द्र प्र॑णीतौ । 10.4

मा नो॑ महा॑न्तमु॒त मा नो॑ अ॒र्भकं॑ मा न उ॒क्षन्त॑मु॒त मा न उ॒क्षितं॑ ।
मा नो॑ व॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॑रिषः । 10.5

मा न॑स्तो॒के त॑नये मा न आयु॑षि मा नो गो॑षु मा नो अ॒श्वेषु॑ रीरिषः ।
वी॒रान्मा॑नो रु॒द्र भा॑मि॒तोव॑धीर् ह॒विष्म॑न्तो नम॒सा वि॑धेम ते । 10.6

आ॒रा॒त्ते गो॑घ्न उ॒त पू॑रुष॒घ्ने क्ष॑य॒द्वीरा॑य सु॒म्न-म॑स्मे ते अस्तु ।
र॒क्षा च नो॑ अ॒धि च दे॑व ब्रू॒ह्यधा॑ च नः शर्म॑ यच्छ॒द्विब॑र्हाः । 10.7

स्तु॒हि श्रु॑तं ग॒र्त्तस॑दं यु॒वानं॑ मृ॒गन्न॑ भी॒म-मु॑प॒ह॒न्तु-मु॒ग्रं ।
मृ॒डा ज॑रि॒त्रे रु॒द्र स्त॑वानो अ॒न्यन्ते॑ अ॒स्मन्नि॑व॒पन्तु॑ से॒नाः । 10.8

प॒रि॒णो रु॒द्रस्य॑ हे॒तिर् वृ॑णक्तु प॒रित्वे॑षस्य दु॒र्मति॑र॒घायोः॑ ।
अ॒व स्थि॑रा म॒घव॑द्भ्य-स्त॒नुष्व मी॑द्वस्तो॒काय॑ त॒नया॑य मृ॒डय॑ । 10.9

मी॒ढुष्ट॑म शि॒वत॑म शि॒वो न॑स्सु॒मना॑ भव ।
प॒रमे॑ वृ॒क्ष आ॑यु॒धन्नि॑धाय कृ॒त्तिं व॑सान् आ॒चर॑ पि॒नाकं॑ बिभ्र॒दाग॑हि । 10.10

विकि॑रिद॒ विलो॑हित॒ नम॑स्ते अस्तु॒ भगवः॑ ।

यास्ते॑ सह॒स्रं हे॒तयो॒ऽन्य-म॒स्मन्नि॑वपन्तु॒ ताः । 10.11

सह॒स्राणि॑ सह॒स्रधा॑ बा॒हुवो॑स्तव॒ हेतयः॑ ।

तासा॑मी॒शानो॑ भगवः॒ परा॑चीना॒ मुखा॑ कृ॒धि ॥ 10 ॥ 10.12

एकादशोऽनुवाकः

सह॒स्राणि॑ सह॒स्रशो॑ ये रु॒द्रा अधि॑ भू॒म्यां ॥

तेषां॑ सह॒स्रयो॑जने॒ ऽवध॑न्वानि॒ तन्म॑सि । 11.1

अस्मिन्-म॒हत्य॑र्णवै-॒ऽन्तरि॑क्षे भवा॒ अधि॑ । 11.2

नील॑ग्रीवाः शि॒तिक॑ण्ठाः शर्वा॒ अधः॑ क्ष॒माच॑राः । 11.3

नील॑ग्रीवा-शि॒तिक॑ण्ठा दिव॑ रु॒द्रा उप॑श्रिताः । 11.4

ये वृ॒क्षेषु॑ स॒स्पिञ्ज॑रा नील॑ग्रीवा विलो॑हिताः । 11.5

ये भू॒ताना॑-म॒धिप॑तयो वि॒शिखा॑सः क॒पर्दि॑नः । 11.6

ये अ॒न्नेषु॑ वि॒विध्य॑न्ति पा॒त्रेषु॑ पि॒बतो॑ ज॒नान् । 11.7

ये प॒थां प॒थिर॑क्षय॒ ऐल॑बृ॒दा यव्यु॑धः । 11.8

ये ती॒र्थानि॑ प्र॒चर॑न्ति सृ॒काव॑न्तो निष॒ङ्गि॑णः । 11.9

य ए॒ताव॑न्तश्च भू॒याँ॑सश्च दि॒शो॑ रु॒द्रा वि॑तस्थिरे ।
तेषाँ॑ सह॒स्रयो॑जने ऽव॒धन्वा॑नि तन्मसि । 11.10

नमो॑ रु॒द्रेभ्यो॑ ये पृ॒थिव्यां॑ यै॒ऽन्तरि॑क्षे ये दि॒वि येषा॑मन्नं वा॒तो
वर्ष॑मिषवस्-तेभ्यो॑ द॒श प्रा॑ची द॒शदक्षि॑णा द॒शप्र॑तीचीर्
द॒शोदी॑चीर् द॒शोर्ध्वा॑-स्तेभ्यो॑ नमस्ते नो मृ॒डय॑न्तु ते यं द्वि॒ष्मो
यश्च॑ नो द्वेष्टि तं वाँ॑ जंभे दधामि ॥ 11 11.11

त्र्यंबकादि महामन्त्रः

TS 1.8.6.2 for 1 / TS 5.5.9.3 for 2 / RV.5.42.11 for 3 / RV 10.60.12 for 4 /
TB 3.10.8.2 for 5 / T.A.6.58.1 for 6/ T.A.6.75.1 & T.A.6.74.1 for 7)

त्र्यं॑बकं यँ॑जामहे सु॒गन्धिं॑ पु॒ष्टिव॑र्धनं ।

उ॒र्वारु॑कमि॒व ब॑न्ध॒नान् मृ॒त्योर् मु॑क्षी॒य मा॑ऽमृ॒तात् ॥ 1

यो रु॒द्रो अ॒ग्नौ यो अ॒प्सु य ओष॑धीषु यो रु॒द्रो वि॒श्वा
भु॒वना॑ ऽऽवि॒वेश॑ तस्मै॒ रु॒द्राय॑ नमो अस्तु ॥ 2

तमु॑ष्टु॒हि यः॑ स्वि॒षुः सु॒धन्वा॑ यो वि॒श्वस्य॑ क्षय॑ति भेष॒जस्य॑ ।

यक्ष्वा॑महे सौ॒मन॑साय रु॒द्रं नमो॑भिर्-दे॒वम॑सुरं दु॒वस्य॑ ॥ 3

अयं॑ मे ह॒स्तो भ॑गवानयं॑ मे भ॒गव॑त्तरः ।

अयं॑ मे वि॒श्व-भै॑षजो॒यञ् शि॒वाभि॑मर्शनः ॥ 4

ये ते॑ स॒हस्र॑मयु॒तं पा॑शा मृ॒त्यो म॑र्त्याय ह॒न्त॑वे ।

तान् य॒ज्ञस्य॑ मा॒यया॑ सर्वा॒नव॑ य॒जाम॑हे ॥ 5

मृ॒त्यवे॑ स्वाहा॑ मृ॒त्यवे॑ स्वाहा॑ ॥ 6

ओं नमो॑ भ॒गव॑ते रु॒द्राय॑ वि॒ष्णवे॑ मृ॒त्युर्मे॑ पा॒हि ॥

प्रा॒णानां॑ ग्रन्थि॒रसि॑ रु॒द्रो मा॑ वि॒शान्त॑कः । तेना॒न्नेना॑प्यायस्व ॥ 7

नमो॑ रु॒द्राय॑ वि॒ष्णवे॑ मृ॒त्युर्मे॑ पा॒हि ॥

ओं शान्तिः॑ शान्तिः॑ शान्तिः॑ ॥

22 चमकं

(TS 4.7.1 - 4.7.11)

प्रथमोऽनुवाकः

ओं अ॒ग्नावि॑ष्णू स॒जोष॑से॒मा व॑र्द्धन्तु वाङ्गि॑रः । ध्यु॑नैर्-वाजे॑-भि॒राग॑तं ॥
 वाज॑श्च मे, प्र॒सव॑श्च मे, प्र॒यति॑श्च मे, प्र॒सिति॑श्च मे,
 धी॒तिश्च॑ मे, क्र॒तुश्च॑ मे, स्वर॑श्च मे, इ॒लोक॑श्च मे,
 श्राव॑श्च मे, श्रु॒तिश्च॑ मे, ज्यो॒तिश्च॑ मे, सु॒वश्च॑ मे,
 प्रा॒णश्च॑ मे, ऽपान॑श्च मे, व्या॒नश्च॑ मे, ऽसु॑श्च मे,
 चि॒त्तं च॑ म, आ॒धी॒तं च॑ मे, वाक्च॑ मे, म॒नश्च॑ मे,
 चक्षु॑श्च मे, श्रो॒त्रं च॑ मे, दक्ष॑श्च मे, ब॒लं च॑ म,
 ओज॑श्च मे, स॒हश्च॑ म, आ॒युश्च॑ मे, ज॒रा च॑ म,
 आ॒त्मा च॑ मे, त॒नूश्च॑ मे, श॒र्म च॑ मे, वर्म॑ च मे,
 ऽङ्गानि॑ च मे, ऽस्थानि॑ च मे, प॒रू॒षि च॑ मे, शरी॑राणि च मे ॥ 1 (36)

द्वितीयोऽनुवाकः

ज्यै॑ठ्यं च॒ मे, आ॑धिप॒त्यं च॒ मे, म॒न्युश्च॑ मे, भाम॑श्च मे,
 ऽम॑श्च मे, ऽम्भ॑श्च मे, जे॒मा च॑ मे, म॒हिमा च॑ मे,
 वरि॑मा च॒ मे, प्र॑थि॒मा च॑ मे, वर्ष्मा॑ च॒ मे, द्राघु॑या च॒ मे,
 वृ॒द्धं च॑ मे, वृ॒द्धिश्च॑ मे, स॒त्यं च॑ मे, श्र॒द्धा च॑ मे,
 जग॑च्च मे, धनं॑ च॒ मे, व॒शश्च॑ मे, त्वि॒षिश्च॑ मे,
 क्री॒डा च॑ मे, मोद॑श्च मे, जा॒तं च॑ मे, जनि॑ष्यमाणं च॒ मे,
 सू॒क्तं च॑ मे, सु॒कृतं॑ च॒ मे, वि॒त्तं च॑ मे, वे॒द्यं च॑ मे,
 भू॒तं च॑ मे, भवि॑ष्यच्च मे, सु॒गं च॑ मे, सु॒पथं॑ च॒ मे,
 ऋ॒द्धं च॑ मे, ऋ॒द्धिश्च॑ मे, क्लृ॑प्तं च॒ मे, क्लृ॑प्तिश्च मे,
 म॒तिश्च॑ मे, सु॒मतिश्च॑ मे ॥ 2 (38)

तृतीयोऽनुवाकः

शं च॑ मे, मय॑श्च मे, प्रि॒यं च॑ मे, ऽनु॒काम॑श्च मे,
 काम॑श्च मे, सौम॑नसश्च मे, भ॒द्रं च॑ मे, श्रेय॑श्च मे,

व॒स्यश्च॑ मे॒, य॒शश्च॑ मे॒, भ॒गश्च॑ मे॒, द्र॒विणं॑ च॒ मे,
 य॒न्ता च॑ मे॒, ध॒र्ता च॑ मे॒, क्षे॒मश्च॑ मे॒, धृ॒तिश्च॑ मे॒,
 वि॒श्वं च॑ मे॒, म॒हश्च॑ मे॒, सँ॒विच्च॑ मे॒, ज्ञा॒त्रं च॑ मे॒,
 सू॒श्च मे॒, प्र॒सूश्च॑ मे॒, सी॒रं च॑ मे॒, ल॒यश्च॑ म॒,
 ऋ॒तं च॑ मे॒, ऽमृ॒तं च॑, मे॒ऽय॒क्ष्मं च॑ मे॒, ऽना॒मय॑च्च॒ मे,
 जी॒वातु॑श्च॒ मे, दी॒र्घायु॑त्वं च॒ मे, ऽन॒मित्रं॑ च॒ मे, ऽभ॒यं च॑ मे॒,
 सु॒गं च॑ मे॒, श॒यनं॑ च॒ मे, सू॒षा च॑ मे॒, सु॒दिनं॑ च॒ मे ॥ 3 (36)

चतुर्थोऽनुवाकः

ऊ॒र्क्च॑ मे॒, सू॒नृता॑ च॒ मे, प॒यश्च॑ मे॒, र॒सश्च॑ मे॒,
 घृ॒तं च॑ मे॒, म॒धु च॑ मे॒, स॒ग्धिश्च॑ मे॒, स॒पीति॑श्च॒ मे,
 कृ॒षिश्च॑ मे॒, वृ॒ष्टिश्च॑ मे॒, जै॒त्रं च॑ म॒, औ॒द्भि॒ध्यं च॑ मे॒,
 र॒यिश्च॑ मे॒, रा॒यश्च॑ मे॒, पु॒ष्टं च॑ मे॒, पु॒ष्टिश्च॑ मे॒,
 वि॒भु च॑ मे॒, प्र॒भु च॑ मे॒, ब॒हु च॑ मे॒, भू॒यश्च॑ मे॒,

पूर्णं च मे, पूर्णतरं च मे ऽक्षितिश्च मे, कूयवाश्च मे,
 ऽन्नं च मे, ऽक्षुच्च मे, व्रीहयश्च मे, यवाश्च मे,
 माषाश्च मे, तिलाश्च मे, मुद्गाश्च मे, खल्वाश्च मे,
 गोधूमाश्च मे, मसुराश्च मे, प्रियंगवश्च मे ऽणवश्च मे,
 श्यामाकाश्च मे, नीवाराश्च मे ॥ 4 (38)

पञ्चमोऽनुवाकः

अश्मा च मे, मृत्तिका च मे, गिरयश्च मे, पर्वताश्च मे,
 सिकताश्च मे, वनस्पतयश्च मे, हिरण्यं च मे, ऽयश्च मे,
 सीसं च मे, त्रपुश्च मे, श्यामं च मे, लोहं च मे,
 ऽग्निश्च म, आपश्च मे, वीरुधश्च म, ओषधयश्च मे,
 कृष्टपच्यं च मे, ऽकृष्टपच्यं च मे,
 ग्रांयाश्च मे, पशव आरण्याश्च यज्ञेन कल्पन्तां,
 वित्तं च मे, वित्तिश्च मे, भूतं च मे, भूतिश्च मे,

वसु॑ च मे, वस॑तिश्च मे, कर्म॑ च मे, शक्ति॑श्च मे,
 र्थश्च॑ म, ए॒मश्च॑ म, इति॑श्च मे, गति॑श्च मे ॥ 5 (32)

षष्ठोऽनुवाकः

अ॒ग्निश्च॑ म इन्द्र॑श्च मे,	सोम॑श्च म इन्द्र॑श्च मे,
स॒विता च॑ म इन्द्र॑श्च मे,	स॒रस्वती च॑ म इन्द्र॑श्च मे,
पू॒षा च॑ म इन्द्र॑श्च मे,	बृ॒हस्पति॑श्च म इन्द्र॑श्च मे,
मि॒त्रश्च॑ म इन्द्र॑श्च मे,	व॒रुणश्च॑ म इन्द्र॑श्च मे,
त्व॒ष्टा च॑ म इन्द्र॑श्च मे,	धा॒ता च॑ म इन्द्र॑श्च मे,
वि॒ष्णुश्च॑ म इन्द्र॑श्च मे ,	ऽश्वि॑नौ च म इन्द्र॑श्च मे,

म॒रुतश्च॑ म इन्द्र॑श्च मे,	वि॒श्वे च॑ मे, दे॒वा इन्द्र॑श्च मे,
पृ॒थि॒वी च॑ म इन्द्र॑श्च मे,	उ॒त्तरि॑क्षं च म इन्द्र॑श्च मे,

द्यौश्च॑ म॒ इन्द्रश्च॑ मे,
मूर्द्धा॑ च॒ म॒ इन्द्रश्च॑ मे,
सप्तमोऽनुवाकः

दिशश्च॑ म॒ इन्द्रश्च॑ मे,
प्रजापतिश्च॑ म॒ इन्द्रश्च॑ मे ॥ 6 (21)

अ॒ञ्शुश्च॑ मे, रश्मिश्च॑ मे,
उपा॒ञ्शुश्च॑ मे, उत्तर्यामश्च॑ म,

॥ उ॒दा॒भ्यश्च॑ मे, उ॒धिपतिश्च॑ म,
ऐन्द्रवायवश्च॑ मे, मैत्रावरुणश्च॑ म,

आश्विनश्च॑ मे, प्रतिप्रस्थानश्च॑ मे,
आग्रयणश्च॑ मे, वैश्वदेवश्च॑ मे,

शुक्रश्च॑ मे, मन्थी च॑ म,
ध्रुवश्च॑ मे, वैश्वानरश्च॑ म,

ऋतुग्रहाश्च॑ मे, उ॒ति॒ग्राह्याश्च॑ म, ऐन्द्रा॒ग्नश्च॑ मे, वैश्वदेवश्च॑ मे,
मरुत्वतीयाश्च॑ मे, माहेन्द्रश्च॑ म, आ॒दि॒त्यश्च॑ मे, सा॒वि॒त्रश्च॑ मे,

सारस्वतश्च॑ मे, पौष्णश्च॑ मे, पालीवतश्च॑ मे, हारियोजनश्च॑ मे ॥ 7 (28)

अष्टमोऽनुवाकः

इ॒ध्मश्च॑ मे, ब॒र्हिश्च॑ मे,
सु॒चश्च॑ मे, च॒म॒साश्च॑ मे,

वे॒दिश्च॑ मे, धि॒ष्णि॒याश्च॑ मे,
ग्रा॒वा॒णश्च॑ मे, स्वर॑वश्च॑ म,

उ॒पर॒वा॒श्च॑ मे, ऽधि॒ष॒व॒णे॑ च॒ मे, द्रो॒ण॒क॒ल॒श॒श्च॑ मे, वा॒य॒व्या॒नि॑ च॒ मे,
 पू॒त॒भृ॒च्च॑ म, आ॒ध॒व॒नी॒य॒श्च॑ म, आ॒ग्नी॒ध्रं॑ च॒ मे, ह॒वि॒र्धा॒नं॑ च॒ मे,
 गृ॒हा॒श्च॑ मे, स॒द॒श्च॑ मे, पु॒रो॒डा॒शा॒श्च॑ मे, प॒च॒ता॒श्च॑ मे,
 ऽव॒भृ॒थ॒श्च॑ मे, स्व॒गा॒का॒र॒श्च॑ मे ॥ 8 (22)

नवमोऽनुवाकः

अ॒ग्नि॒श्च॑ मे, घ॒र्म॒श्च॑ मे, ऽर्क॒श्च॑ मे, सूर्य॑श्च॒ मे,
 प्रा॒ण॒श्च॑ मे, ऽश्व॑मे॒ध॒श्च॑ मे, पृ॒थि॒वी॒ च॒ मे, ऽदि॒ति॒श्च॑ मे,
 दि॒ति॒श्च॑ मे, द्यौ॒श्च॑ मे, श॒क्व॒री॒र॒ङ्गु॒ल॒यो॒-दि॒श॒श्च॑ मे,
 य॒ज्ञे॒न॑ क॒ल्प॒न्ता॒-मृ॒क्च॑ मे, सा॒म॒ च॒ मे, स्तो॒म॒श्च॑ मे, य॒जु॒श्च॑ मे,
 दी॒क्षा॒ च॒ मे, त॒प॒श्च॑ म, ऋ॒तु॒श्च॑ मे, व्र॒तं॒ च॒ मे
 ऽहो॒रा॒त्रयो॑र् वृ॒ष्ट्या, बृ॒ह॒द्र॒थ॒न्त॒रे॒ च॒ मे य॒ज्ञे॒न॑ क॒ल्पे॑तां ॥ 9 (21)

दशमोऽनुवाकः

ग॒र्भा॑श्च॒ मे, व॒त्सा॑श्च॒ मे, त्र्य॒वि॒श्च॑ मे, त्र्य॒वी॒च॑ मे,
 दि॒त्य॒वा॒ट् च॒ मे, दि॒त्यौ॒ही॒ च॒ मे, प॒ञ्चा॒वि॒श्च॑ मे, प॒ञ्चा॒वी॒ च॒ मे,

त्रि॒व॒त्सश्च॑ मे, त्रि॒व॒त्सा च॑ मे,
प॒ष्ठ॒वाट् च॑ मे, प॒ष्ठौ॒ही च॑ म,

ऋ॒ष॒भश्च॑ मे, वे॒ह॒च्च॑ मे,
आ॒यु॒र्-य॒ज्ञेन॑ क॒ल्पतां॑,
म॒पा॒नो य॒ज्ञेन॑ क॒ल्पतां॑ ,
च॒क्षु॒र्-य॒ज्ञेन॑ क॒ल्पता॑७,
म॒नो य॒ज्ञेन॑ क॒ल्पतां॑ ,
मा॒त्मा य॒ज्ञेन॑ क॒ल्पतां॑ ,

तु॒र्य॒वाट् च॑ मे, तु॒र्यौ॒ही च॑ मे,
उ॒क्षा च॑ मे, व॒शा च॑ म

ऽन॒ड्वा॒न् च॑ मे, धे॒नुश्च॑ म
प्रा॒णो य॒ज्ञेन॑ क॒ल्पता॑-
व्या॒नो य॒ज्ञेन॑ क॒ल्पतां॑
श्रो॒त्रं य॒ज्ञेन॑ क॒ल्पतां॑
वा॒ग्य॒ज्ञेन॑ क॒ल्पता॑-
य॒ज्ञो य॒ज्ञेन॑ क॒ल्पतां॑ ॥ 10 (29)

एकादशोऽनुवाकः

एका॑ च मे, ति॒स्रश्च॑ मे, प॒ञ्च च॑ मे, स॒प्त च॑ मे,
न॒व च॑ म, ए॒का॒द॒श च॑ मे, त्रयो॑द॒श च॑ मे, प॒ञ्च॒द॒श च॑ मे,
स॒प्त॒द॒श च॑ मे, न॒व॒द॒श च॑ म, ए॒क॒वि॒ंश॒तिश्च॑ मे,
त्रयो॑वि॒ंश॒तिश्च॑ मे, प॒ञ्च॒वि॒ंश॒तिश्च॑ मे, स॒प्त वि॒ंश॒तिश्च॑ मे,
न॒व॒वि॒ंश॒तिश्च॑ म, ए॒क॒त्रि॒ंश॒च्च॑ मे,

त्रयस्त्रिंशच्च॑ मे॒, चत॑स्रश्च॒ मे॒, ऽष्टौ॑ च॒ मे॒, द्वाद॑श च॒ मे॒,
 षोड॑श च॒ मे॒, वि॒ंशति॑श्च॒ मे॒, चतु॑र्विंशतिश्च॒ मे॒, ऽष्टा॑विंशतिश्च॒ मे॒,
 द्वात्रि॑ंशच्च॒ मे॒, षट्त्रि॑ंशच्च॒ मे॒, चत्वारि॑ंशच्च॒ मे॒,
 चतु॑श्चत्वारिंशच्च॒ मे॒, ऽष्टा॑चत्वारिंशच्च॒ मे॒
 वाज॑श्च, प्रस॑वश्चा-पिज॑श्च क्रतु॑श्च सुव॑श्च मूर्धा॑ च॒ व्यश्नि॑जय
 -श्चान्त्या॑यनश्चान्त्यश्च॒ भौव॑नश्च॒ भुव॑नश्चा-धिप॑तिश्च ॥ 11 (41)

(TS 3.3.2.1)

इडा॑ दे॒वहूर्-म॒नुर्-य॒ज्ञनी॑र् बृह॒स्पति॑-रुक्थाम॒दानि॑ श॒सिष॑द्-
 विश्वे॑-दे॒वाः सू॒क्तवा॑चः पृथि॑विमा॒तर्मा॑ मा हि॒ंसी॑र्-मधु॑
 म॒निष्ये॑ मधु॑ ज॒निष्ये॑ मधु॑ वक्ष्या॑मि मधु॑ वदिष्या॑मि मधु॑मतीं
 दे॒वेभ्यो॑ वाच॑मुद्यास॒-शुश्रू॑षेण्यां॒ म॒नुष्ये॑भ्यस्तं॒ मा दे॒वा अ॑वन्तु
 शो॒भायै॑ पि॒तरो॑ ऽनु॑मदन्तु ॥

ओं शान्तिः॑ शान्तिः॑ शान्तिः॑ ॥

23 पुरुष सूक्तं

(TA 3.12.1)

ओं । सहस्रशीर्षा पुरुषः । सहस्राक्षः सहस्रपात् ।
 स भूमिं विश्वतो वृत्वा । अत्यतिष्ठ-दशङ्गुलं । पुरुष एवेदं सर्वं ।
 यद् भूतं यच्च भव्यं । उतामृतत्व-स्येशानः । यदन्नेनाति-रोहति ।
 एतावानस्य महिमा । अतो ज्यायाञ्च पूरुषः ॥ 1

पादोऽस्य विश्वा भूतानि । त्रिपादस्या-मृतन्दिवि । त्रिपादूर्ध्व
 उदैत् पुरुषः । पादोस्येहा ऽऽभवात्पुनः । ततो विष्वङ् व्यक्रामत् ।
 साशनानशने अभि । तस्माद् विराड् जायत । विराजो अधि पूरुषः ।
 स जातो अत्यरिच्यत । पश्चाद् भूमिमथो पुरः ॥ 2

यत् पुरुषेण हविषा । देवा यज्ञमतन्वत । वसन्तो अस्या-सीदाज्यं ।
 ग्रीष्म इद्ध्म-श्शरद्धविः । सप्तास्यासन् परिधयः ।
 त्रिस्सप्त समिधः कृताः । देवा यद् यज्ञं-तन्वानाः ।
 अबद्धन् पुरुषं पशुं । तं यज्ञं बर्हिषि प्रौक्षन् । पुरुषं जातमग्रतः ॥ 3

तेन॑ दे॒वा अ॒यज॑न्त । सा॒द्ध्या ऋ॒षयश्च॑ ये । तस्मा॑द्य॒ज्ञात् सर्व॑हुतः ।
 संभृ॑तं पृ॒षदा॒ज्यं । प॒शूँस्ताँश्च॑क्रे वा॒यव्यान् । आ॒रण्यान्-ग्रा॒म्याश्च॑ ये ।
 तस्मा॑द्य॒ज्ञात् सर्व॑हुतः । ऋ॒चः सा॒मानि ज॒ज्ञिरे । छन्दा॑ँसि ज॒ज्ञिरे तस्मा॑त् ।
 यजु॑स्तस्मा॒ दजा॑यत ॥ 4

तस्मा॑दश्वा॒ अजा॑यन्त । ये के॒ चो॒भया॑दतः । गा॒वो ह ज॒ज्ञिरे तस्मा॑त् ।
 तस्मा॑ज्जा॒ता अ॒जाव॑यः । यत्पु॑रुषं व्य॒दधुः । क॒तिधा व्य॑कल्पयन् ।
 मुखं॑ कि॒मस्य॑ कौ बा॒हू । का॒वूरू पा॑दावुच्येते ।
 ब्रा॒ह्मणो॑स्य मुख॑मासीत् । बा॒हू रा॒जन्यः कृ॑तः ॥ 5

ऊ॒रू तद॑स्य यद्वै॒श्यः । प॒द्भ्याँ शू॒द्रो अ॒जाय॑तः ।
 च॒न्द्रमा॑ मन॒सो जा॑तः । च॒क्षो-स्सू॑र्यो अ॒जाय॑त । मु॒खादिन्द्र॑-श्चा॒ग्निश्च॑ ।
 प्रा॒णाद् वा॒यु-रजा॑यत । ना॒भ्या आ॑सीदन्तरि॒क्षं । शी॒र्ष्णो द्यौः स॑मवर्तत ।
 प॒द्भ्यां भू॒मि दि॒शः श्रो॑त्रात् । तथा॑ लो॒काँ अ॑कल्पयन् ॥ 6

वे॒दाह॑मेतं पु॒रुषं॑ म॒हान्तं॑ । आ॒दित्य॑वर्णं तम॒सस्तु॑ पा॒रे ।
 सर्वा॑णि रू॒पाणि॑ वि॒चित्य॑ धी॒रः । ना॒मानि॑ कृ॒त्वाभि॑वदन् यदास्ते॑ ।

धा॒ता पु॒रस्ता॒द्यमु॒दा ज॒हार । श॒क्रः प्र॒विद्वान् प्र॒दिश॑श्च॒तस्रः॑ ।
 तमे॒वं वि॒द्वान॒मृत॑ इ॒ह भ॑वति । नान्यः पन्था अय॒नाय॑ विद्यते ।
 य॒ज्ञेन॑ य॒ज्ञ-म॑यजन्त दे॒वाः । तानि॑ ध॒र्माणि॑ प्रथ॒मान्या॑सन् ।
 ते ह॒ नाकं॑ म॒हिमा॑नस्सचन्ते । यत्र॑ पूर्वे सा॒ध्या-स्सन्ति॑ दे॒वाः ॥ 7
 (ओं शान्तिः॒ शान्तिः॒ शान्तिः॑ ॥)

“ ओं नमो नारायणाय ”

(It is customary to chant this during continuous chanting of Uttara Narayanam)

24 उत्तर नारायणं

(TA 3.13.1)

अ॒द्भ्यस्सं॑भूतः पृ॒थिव्यै॑ रसा॒च्च । वि॒श्वक॑र्मणः सम॑वर्तताधि ।

तस्य॑ त्वष्टा॑ वि॒दध॑द्रूपमेति । तत्पु॑रुषस्य॒ विश्व॑ मा॒जान॑मग्रे ॥ 1

वेदा॑हमेतं॒ पुरु॑षं म॒हान्तं॑ ॥ आ॒दित्य॑ वर्णं॒ तम॑सः पर॑स्तात् ।

तमे॒वं वि॑द्वानमृत॒ इह॑ भवति । नान्यः॑ पन्था॒ विद्य॑तेऽय॒नाय॑ ॥ 2

प्रजा॑पतिश्चरति॒ गर्भे॑ अ॒न्तः । अजा॑यमानो बहु॒धा विजा॑यते ।

तस्य॑ धीराः परि॑जानन्ति॒ योनिं॑ ॥ मरी॑चीनां पद॑मिच्छन्ति वे॒धसः॑ ॥ 3

यो दे॒वेभ्य॑ आ॒तप॑ति । यो दे॒वानां॑ पु॒रोहि॑तः ।

पूर्वो॑ यो दे॒वेभ्यो॑ जा॒तः । नमो॑ रु॒चाय॑ ब्रा॒ह्मये॑ ॥ 4

रुचं॑ ब्रा॒ह्मज्जन॑यन्तः । दे॒वा अग्रे॑ तदब्रुवन् ।

यस्त्वै॒वं ब्रा॒ह्मणो॑ वि॒द्यात् । तस्य॑ दे॒वा अस॑न्वशौ ॥ 5

ह्रीश्च॑ ते लक्ष्मीश्च॒ पत्न्यौ॑ ॥ अ॒होरा॑त्रे पा॒र्श्वे ।

नक्ष॑त्राणि रू॒पं । अ॒श्विनौ॑ व्या॒त्तं ॥

इष्टं॑ म॒निषा॑ण । अ॒मुं॑ म॒निषा॑ण । स॒र्वं॑ म॒निषा॑ण ॥

6

25 महा नारायणं

(TA 6.11.1)

स॒हस्र॑शीर्षं॑ दे॒वं॑ वि॒श्वाक्षं॑ वि॒श्वशं॑ भु॒वं ।

वि॒श्वं॑ ना॒राय॑णं दे॒वम॑क्षरं॑ प॒रमं॑ प॒दं ॥

1

वि॒श्वतः॑ प॒रमा॑न्नित्यं॑ वि॒श्वं॑ ना॒राय॑णञ् ह॒रिं ।

वि॒श्वमे॑वेदं॑ पु॒रुष॑ स्तद्वि॒श्व-मु॑पजीवति ॥

2

प॒तिं॑ वि॒श्वस्या॑त्मेश्व॒रञ् श॑श्व॒तञ् शि॒वम॑च्युतं ।

ना॒राय॑णं म॒हाज्ञे॑यं॑ वि॒श्वात्मा॑नं॑ प॒राय॑णं ॥

3

ना॒राय॑ण प॒रो ज्यो॑ति॒रात्मा॑ ना॒राय॑णः प॒रः ॥

4

ना॒राय॑ण प॒रं ब्र॑ह्म तत्त्वं॑ ना॒राय॑णः प॒रः । ना॒राय॑ण प॒रो ध्या॑ता ध्या॒नं

ना॒राय॑णः प॒रः । यच्च॑ किञ्चि॒ज्-जग॑त्सर्वं॑ दृश्यते॑ श्रूय॒तेऽपि॑ वा ।

अ॒न्तर् ब॒हिश्च॑ तथ् स॒र्वं व्या॑प्य ना॒राय॑णः स्थि॒तः ॥

5

अ॒नन्त॑ म॒व्ययं॑ क॒विः॑ स॒मुद्रे॑ज्जन्तं वि॒श्वशं॑भुवम् ।

प॒द्म॒को॒श-प्र॑तीका॒शः॑ हृ॒दयं॑ चाप्य॒धोमु॑खम् ॥ 6

अ॒धो नि॑ष्ठ्या वि॒तस्त्या॑न्ते ना॒भ्यामु॑परि तिष्ठति ।

ज्वा॒लमा॒लाकु॑लं भा॒ती वि॒श्वस्या॑यतनं महत् । ॥ 7

सन्त॑तः शि॒लाभि॑स्तु ल॒ंबत्या॑ को॒शस॑न्निभम् ।

तस्या॑न्ते सु॒षिरः॑ सू॒क्ष्मं तस्मि॑न्त् सर्वं प्रतिष्ठितम् ॥ 8

तस्य॑ म॒ध्ये म॒हान॑ग्निर् वि॒श्वार्चि॑र् वि॒श्वतो॑ मुखः ।

सोऽग्र॑भुग् वि॒भजन्॑ तिष्ठन्नाहार-म॒जरः॑ क॒विः ॥ 9

तिर्य॑गू॒र्ध्वं म॒धश्शायी॑ रश्मयस्तस्य सन्त॑ता । सन्तापयति स्वं

दे॒हमा॑पादतल मस्त॑कः । तस्य॑ म॒ध्ये वह्नि॑ शि॒खा अ॒णीयो॑र्ध्वा

व्यव॑स्थितः ॥ 10

नी॒लतो॑ यद म॒ध्यस्था॑द् विद्यु॒ल्लेखे॑व भास्व॑रा ।

नी॒वार॑ शू॒कव॑त्तन्वी पी॒ता भा॑स्वत्य॒णूप॑मा ॥ 11

तस्याः॑ शि॒खाया॑ म॒ध्ये पर॑मा॒त्मा व्य॑वस्थि॒तः ।

स ब्र॒ह्म स शि॒वः स हरिः॑ सेन्द्रः॑ सोऽक्षरः॑ पर॒मः स्व॒राट् ॥ 12

ऋ॒तꣳ स॒त्यं परं॑ ब्र॒ह्म पु॒रुषं॑ कृ॒ष्ण पि॒ङ्गलं॑ ।

ऊ॒र्ध्वरे॑तं वि॒रूपाक्षं॑ वि॒श्वरू॑पाय॒ वै नमो॑ नमः॑ ॥

ना॒राय॑णाय॒ विद्महे॑ वा॒सुदे॑वाय॒ धीमहि॑ । तन्नो॑ वि॒ष्णुः प्र॒चोद॑यात् ॥

वि॒ष्णोर्नु॑कं वी॒र्या॑णि प्र॒वोचं॑ यः पा॒र्त्थिवा॑नि वि॒ममे रा॒जाꣳसि॑ यो

अ॒स्कभा॑य-दु॒त्तरꣳ स॒धस्थं॑ वि॒चक्र॑माण-स्त्रे॒धोरु॑गायो

वि॒ष्णो-र॒राट॑मसि॒ विष्णोः॑ पृ॒ष्ठम॑सि॒ विष्णो-श्न॑ज्त्रे॒स्थो वि॒ष्णो-स्स्यूर॑सि

वि॒ष्णोर् ध्रु॑वमसि॒ वैष्ण॑वमसि॒ विष्ण॑वे त्वा ॥

*वि॒ष्णवे॑ ना॒राय॑णाय॒ नमः॑ ॥ (ओं शान्तिः॑ शान्तिः॑ शान्तिः॑ ॥)

26 घोष शान्ति

(TA 7.41.1)

श॒न्नो वा॒तः प॒वतां॑ मा॒तरि॒श्वा श॒न्न स्त॒पतु॑ सू॒र्यः ।

अ॒हानि॑ शं भ॒वन्तु॑ न॒ शश॑ र॒त्रिः प्र॒ति॒धी॒यतां॑ ॥

श॒मुषा॑ नो॒ व्यु॑च्छ॒तु श॒मादि॒त्य उ॒देतु॑ नः ।

शि॒वा न॒ श॒शन्त॑मा॒भव सु॒मृ॒डीका॑ सर॒स्वति॑ । मा॒ते व्यो॑म स॒न्दृशि॑ ॥ 1

इ॒डा॒यै वा॒स्त्व॒सि वा॒स्तुम॑द्वा॒स्तुम॑न्तो॒ भूया॑स्म मा वा॒स्तो॒श्छि॑त्स्

म॒ह्यवा॒स्तु स्स॑ भू॒यात् यो॑ऽस्मा॒न् द्वेष्टि॑ यं च॒ वयं॑ द्वि॒ष्मः ॥

प्र॒ति॒ष्ठा॒सि प्र॒ति॒ष्ठा॒वन्तो॑ भू॒यास्म॑ मा प्र॒ति॒ष्ठाया॑छि॒त्स् म॒ह्य प्र॒ति॒ष्ठ॒स्स

भू॒यात् यो॑ऽस्मा॒न् द्वेष्टि॑ यं च॒ वयं॑ द्वि॒ष्मः ॥ 2

आ॒वा॒त वा॒हि भे॒षजं॑ वि॒वा॒त-वा॒हि य॒द्रपः॑ ।

त्व॒हि वि॒श्वभे॑ष॒जो दे॒वानां॑ दू॒त ई॒यसे॑ ॥

द्वा॒वि॒मौ वा॒तौ वा॒त आ॒सि॒न्धो॒रा प॒रा॒वतः॑ ।

द॒क्षं॑ मे॒ अ॒न्य आ॒वा॒तु॒ परा॑ऽन्यो वा॒तु॒ यद्र॑पः ॥

यद॒दो वा॑त ते॒ गृ॒हेऽमृत॑स्य नि॒धिर्हि॒तः ।

ततो॑ नो दे॒हि जी॒वसे॒ ततो॑ नो धे॒हि भे॒षजं॑ ।

ततो॑ नो॒ मह॑ आ॒वह॑ वा॒त आ॒वा॒तु॒ भे॒षजं॑ ॥

शं॒भूर्-म॒योभूर्-नो॑ ह॒दे प्र॒ण आ॒यु॒षि ता॑रिषत् ।

इन्द्र॑स्य गृ॒होऽसि॑ तं त्वा प्र॒पद्ये॑ स॒गुस्सा॑श्वः ।

सह॑ यन्मे॒ अस्ति॑ तेन ॥ ३

भूः प्र॒पद्ये॑ भुवः प्र॒पद्ये॑ सुवः प्र॒पद्ये॑ भूर्भुव॑स्सुवः प्र॒पद्ये॑ वा॒युं

प्र॒पद्ये॑ऽनार्ता॑ दे॒वतां॑ प्र॒पद्ये॑-ऽश्मा॑नमा॒खणं॑ प्र॒पद्ये॑ प्र॒जाप॑तेर्

ब्र॒ह्मको॑शं ब्र॒ह्म प्र॒पद्ये॑ ओं प्र॒पद्ये॑ ॥

अ॒न्तरि॑क्षं म॒ उर्व॑न्तरं बृ॒हद॑ग्नयः पर्व॑ताश्च यया वा॒तः स्व॑स्त्या

स्व॑स्तिमान्तया॑ स्व॒स्त्या स्व॑स्ति मान॑सानि ॥

प्रा॒णापा॑नौ मृ॒त्योर् मा पा॑तं प्रा॒णापा॑नौ मा मा हा॒सिष्टं॑

मयि॑ मे॒धां मयि॑ प्र॒जां मय्य॑ग्नि स्तेजो॑ दधातु
मयि॑ मे॒धां मयि॑ प्र॒जां मयीन्द्र॑ इन्द्रि॒यं दधातु॑
मयि॑ मे॒धां मयि॑ प्र॒जां मयि॑ सूर्यो॑ भ्राजो॑ दधातु ॥ 4

द्यु॒भिर॑क्तुभिः॒ परि॑पात-मस्मा-नरि॑ष्टेभिरश्विना सौ॒भगे॑भिः ।
तन्नो॑ मि॒त्रो वरु॑णो मा॒मह॑न्ता-मदि॒तिः-सिन्धुः॑ पृथि॒वी उ॒तद्यौः॑ ॥
कया॑नश्चि॒त्र आ॑भुव दू॒ती स॒दावृ॑ध स्सखा॑ । कया॑श्चि॒ष्ठया वृ॒ता ॥
कस्त्वा॑ स॒त्यो म॒दानां॑ म॒हिष्ठो॑ मथ्सद॒न्धसः॑ । दृ॒ढा-चि॒दा-रु॒जे-वसु॑ ॥
अ॒भीषु॑ण स्सखा॑ना-मवि॒ता-ज॒रित्-ऋ॒णां । श॒तं भ॒वास्यू॒तिभिः॑ ॥
वय॑स्सुप॒र्णा उ॒पसे॑दुरिन्द्रं प्रि॒यमे॑धा ऋषयो॑ नाध॒मानाः॑ ।
अप॑द्ध्वान्तमूर्णु॒हि पू॒र्व्विच॑क्षुर् मुमु॒ग्ध्यस्मा-न्नि॒धये॑व ब॒द्धान् ॥
शन्नो॑ दे॒वीर॑भिष्टय आपो॑ भवन्तु पी॒तये॑ । श॒म्यो-र॑भि॒स्रव॑न्तुनः ॥
ईशा॑ना वा॒र्याणां॑ क्षय॒न्ती श्व॑र्षणी॒नां । अ॒पो या॑चामि भेष॒जं ॥
सु॒मित्रा॑न आप॑ ओष॒धय॑ स्सन्तु दु॒र्मित्रा॑स्तस्मै॑ भूया-सु॒र्योऽस्मान्

द्वेष्टि॑ यं च॑ वयं॑ द्विष्मः॑ ॥ 5

आपो॑हिष्ठा॑ मयो॑भुव-स्तान॑ ऊ॒र्जे द॑धातन । महे॑ रणा॑य चक्ष॑से ।

यो वः॑ शिव॑तमो॒ रस॑स्तस्य॑ भाज॑यतेह॒ नः । उ॒शती॑रिव॒ मातरः॑ ।

तस्मा॑ अरं॑ गमा॑मवो॒ यस्य॑ क्षया॑य जिन्व॑थ । आपो॑ जन॑यथा चनः॑ ॥

पृथि॑वी शान्ता॑ साऽग्नि॑ना शान्ता॑ सा मे॑ शान्ता॑ शुच॑श् शम॑यतु ।

अन्तरि॑क्षश् शान्तं॑ तद् वा॒युना॑ शान्तं॑ तन्मे॑ शान्त॑श् शुच॑श् शम॑यतु ।

द्यौः॑ शान्ता॑ साऽऽदि॑त्येन॒ शान्ता॑ सा मे॑ शान्ता॑ शुच॑श् शम॑यतु ॥ 6

पृथि॑वी शान्ति॑रन्तरि॑क्षश् शान्ति॑र् द्यौ इ॒शान्ति॑र् दि॒शः शान्ति॑-रवान्तरदि॑

शः-शान्ति॑-रग्नि॒इशान्ति॑र्-वा॒युइ॒शान्ति॑-रा॒दित्य॑ इ॒शान्ति॑-

श्चन्द्र॑मा इ॒शान्ति॑र्-नक्ष॑त्राणि॒ शान्ति॑-रा॒पइ॒शान्ति॑-रोष॑धय इ॒शान्ति॑र्-

वन॑स्पतय इ॒शान्ति॑र्-गौ इ॒शान्ति॑-रजा॑ शान्ति॑-रश्च॑ इ॒शान्तिः॑

पुरु॑ष इ॒शान्ति॑र् ब्र॒ह्म शान्ति॑र् ब्रा॒ह्मण॑ इ॒शान्ति॑-इ॒शान्ति॑-

रेव॑ शान्ति॑ इ॒शान्ति॑र् मे अस्तु॑ शान्तिः॑ ॥

तया॒ऽह॒ं शान्त्या॑ सर्व॑ शान्त्या॑ मह्यं॑ द्विपदे॑ चतु॑ष्पदे॑ च
शान्तिं॑ करोमि॑ शान्ति॑र् मे अस्तु॑ शान्तिः॑ ॥ 7

ए॒ह श्री॑श्च ह्री॑श्च धृति॑श्च तपो॑ मे॒धा प्र॑तिष्ठा श्रद्धा॑ सत्यं॑ धर्म॑श्चै॒तानि॑
मो॒त्ति॑ष्ठन्त-मनू॑त्तिष्ठन्तु॒ मामा॑ श्री॑श्च ह्री॑श्च धृति॑श्च तपो॑ मे॒धा प्र॑तिष्ठा
श्रद्धा॑ सत्यं॑ धर्म॑श्चै॒तानि॑ मा॒ मा हा॑सिषुः ॥

उ॒दायु॑षा स्वा॒युषो॑-दोष॑धीना॒ं र॒सेनो॑त् पर्जन्य॑स्य शु॒ष्मे॒णोद॑स्था-
ममृ॑ता॒ं अनु॑ ॥ तच्चक्षु॑र् दे॒वहि॑तं पु॒रस्ता॑-च्छु॒क्रमु॑च्चरत् ॥ 8

पश्ये॑म शर॑दश्शतं जी॒वेम॑ शर॑दश्शतं नन्दा॑म शर॑दश्शतं मो॒दाम॑
शर॑दश्शतं भ॒वाम॑ शर॑दश्शत॒ं शृ॑ण्वाम शर॑दश्शतं प्र॒ब्रवाम॑
शर॑दश्शत-मजी॑तास्याम शर॑दश्शतं जोक्च॑ सूर्यं॑ दृ॒शे ॥

य उ॒द॒गान् मह॑तोऽर्ण॒वान् वि॒ब्राज॑मान-स्सरि॑रस्य म॒द्ध्याथ्स॑ मा
वृष॑भो लो॒हिता॑क्ष स्सूर्यो॑ वि॒पश्चिन् मन॑सा पु॒नातु॑ ॥ 9

ब्र॒ह्म॒णश्चो॒त॒न्य॒सि॒ ब्र॒ह्म॒ण आ॒णी॒स्थो॒ ब्र॒ह्म॒ण आ॒व॒प॒न॒म॒सि॒ धा॒रि॒ते॒यं
 पृ॒थि॒वी ब्र॒ह्म॒णा म॒ही धा॒रि॒त-मे॒नेन॒ मह॒द॒न्त॒रि॒क्षं दि॒वं दा॒धार
 पृ॒थि॒वीꣳ स॒दे॒वां-य॒द॒हं-वे॒द त॒द॒हं धा॒र॒या॒णि मा॒म॒द्वे॒दोऽधि॒ वि॒स्र॒सत् ।
 मे॒धा॒म॒नी॒षे मा॒वि॒श॒ताꣳ स॒मी॒ची भू॒त॒स्य॒ भ॒व्य॒स्या॒व॒रु॒द्ध्यै
 स॒र्व॒मा॒यु॒र॒या॒णि स॒र्व॒मा॒यु॒र॒या॒णि ॥ 10

आ॒भिर् गी॒र्भिर् य॒द॒तो॒न ऊ॒न॒मा॒प्या॒य॒य ह॒रि॒वो व॒र्द्ध॒मा॒नः ।
 य॒दा स्तो॒तृ॒भ्यो म॒हि गो॒त्रा रु॒जा॒सि भू॒यिष्ठ॒भा॒जो अ॒ध॒ते श्या॒म ।
 ब्र॒ह्म प्रा॒वा॒दि॒ष्म त॒न्नो मा॒हा॒सीत् ॥

ओं शान्तिः॑ शान्तिः॑ शान्तिः॑ ॥

(Shanti Japam ends)

27 हिरण्यगर्भ सूक्तं

(TS 4.1.8.3)

1. हिरण्यगर्भ स्समवर्त्तताग्रे भूतस्य जातः पतिरेक आसीत् ।
स दाधार पृथिवीं ध्यामुतेमां कस्मै देवाय हविषा विधेम ॥
2. यः प्राणतो निमिषतो महित्वैक इद्राजा जगतो बभूव ।
य ईशे अस्य द्विपदश्चतुष्पदः कस्मै देवाय हविषा विधेम ॥
3. य आत्मदा बलदा यस्य विश्व उपासते प्रशिषं यस्य देवाः ।
यस्य छायाऽमृतं यस्य मृत्युः कस्मै देवाय हविषा विधेम ॥
4. यस्येमे हिमवन्तो महित्वा यस्य समुद्रं रसया सहाऽऽहुः ।
यस्येमाः प्रदिशो यस्य बाहू कस्मै देवाय हविषा विधेम ॥
5. यं क्रन्दसी अवसा तस्तभाने अभ्यैक्षेतां मनसा रेजमाने ।
यत्राधिसूर उदितौ व्येति कस्मै देवाय हविषा विधेम ॥

6. येन द्यौरु॒ग्रा पृ॑थि॒वी च दृ॒ढे येन॑ सु॒वः स्त॑भितं येन॑ ना॒कः ।
यो अ॒न्तरि॑क्षे रज॒सो वि॒मानः॑ कस्मै॑ दे॒वाय॑ ह॒विषा॑ वि॒धेम ॥
7. आपो॑ ह यन्म॒हती॑र् वि॒श्वमा॑यन् दक्ष॒न्दधा॑ना ज॒नय॑न्तीर॒ग्निं ।
ततो॑ दे॒वाना॑-न्नि॒रव॑र्त्तता-सु॒रेकः॑ कस्मै॑ दे॒वाय॑ ह॒विषा॑ वि॒धेम ॥
8. यश्चि॑दापो॒ महि॑ना प॒र्यप॑श्य दक्ष॒न्दधा॑ना ज॒नय॑न्तीर॒ग्निं ।
यो दे॒वेष्व॑धि दे॒व येक॑ आसीत् कस्मै॑ दे॒वाय॑ ह॒विषा॑ वि॒धेम ॥
ओं शान्तिः॑ शान्तिः॑ शान्तिः॑ ॥

28 वेद काण्ड तैत्तिरीय संहिता

28.1 प्रथमकाण्डे प्रथमप्रश्नः प्रथमपञ्चातिः

(TS 1.1.1.1)

इ॒षे॒त्वो॒र्जे॒त्वा वा॒यव॑स्थो पा॒यवः॑ स्थ दे॒वोवः॑ स॒विता प्रा॑र्पयतु श्रेष्ठ
तमा॒य क॑र्मण आ॒प्याय॑द्ध्व -म॒घ्निया दे॒वभा॒ग मूर्ज॑स्वतीः प॒यस्व॑तीः
प्र॒जाव॑ती-र॒नमी॑वा अ॒यक्ष्मा मा॒वः स्ते॒न ई॒शत॑मा-ऽघ॒श॒ सो रु॒द्रस्य॑
हे॒तिः परि॑वो वृ॒णक्तु॑ ध्रु॒वा अ॒स्मिन् गो॑पतौ स्या॒त ब॒ह्वीर्-य॑ज॒मान॑स्य
प॒शून् पा॑हि ॥

28.2 द्वितीयकाण्डे प्रथमप्रश्नः प्रथमपञ्चातिः

(TS 2.1.1.1)

वा॒यव्य॑श्चे॒तमा ल॑भेत भू॒ति का॑मो वा॒युर्वै-क्षे॑पिष्ठा दे॒वता॑
वा॒युमे॒वस्वे॒न भा॒गधे॒येनो॑प धा॒वति॑ स ए॒वैनं॑ भू॒तिं ग॑मयति
भ॒वत्ये॒वाति॑ क्षि॒प्रा दे॒वते॒त्या हु॒स्सैन॑ मी॒श्वरा॑ प्र॒दह॑ इत्ये॒तमे॒व स॑न्तं
वा॒यवे॑ नि॒युत्व॑त आ॒लभे॑त नि॒युद्धा॑ अ॒स्य धृ॒तिर्धृ॒त ए॒व भू॒ति मु॒पैत्य॑
प्र॒दाहा॑य भ॒वत्ये॒व ॥

28.3 तृतीयकाण्डे प्रथमप्रश्नः प्रथम पञ्चातिः

(TS 3.1.1.1)

प्रजापति-रकामयत प्रजा-स्सृजेयेति सतपो ऽतप्यत स सर्पा न सृजत
 सोऽकामयत, प्रजा-स्सृजेयेति स द्वितीय म तप्यत सवयाऽस्य सृजत
 सोऽकामयत प्रजा-स्सृजेयेति, स तृतीयमतप्यत स एतं दीक्षित वादम
 पश्यत्तमवदत्ततो वै स प्रजा असृजत, यत्तपस्तप्त्वा दीक्षित वादं
 वदति प्रजा एव तद्यजमानः ॥

28.4 चतुर्थकाण्डे प्रथमप्रश्नः प्रथमपञ्चातिः

(TS 4.1.1.1)

युञ्जानः प्रथमं मनस्तत्वाय सविता धियः । अग्निं ज्योति-
 निचाय्य पृथिव्या अद्ध्याऽभरत् । युक्त्वाय मनसा देवान्-
 थ्सुवर्यतो धिया दिवं । बृहज्ज्योतिः करिष्यत स्सविता प्रसुवाति तान् ।
 युक्तेन मनसा वयं देवस्य सवितुस्सवे । सुवर्गेयाय शक्त्यै ।
 युञ्जते मन उत युञ्जते धियो विप्रा विप्रस्य बृहतो विपश्चितः ।
 विहोत्रादधे वयुना विदेक इत् ॥

28.5 पञ्चमकाण्डे प्रथमप्रश्नः प्रथमपञ्चातिः

(TS 5.1.1.1)

सा॒वि॒त्राणि॑ जु॒होति॑ प्र॒सू॒त्यै चतुर्गृ॑ही॒तेन॑ जु॒होति॑, चतु॑ष्पादः प॒शवः॑
 प॒शूने॒वा वरु॑न्धे च॒तस्रो॑ दि॒शो दि॒क्ष्वेव॑ प्र॒तिति॑ष्ठति, छन्दा॑ँसि
 दे॒वेभ्यो॑ ऽपा॒क्रा म॒न्नवो॑ ऽभा॒गानि॑ ह॒व्यं, वँक्ष्या॑म इति॒ तेभ्य॑ ए॒तच्च॑तुर्
 गृही॑त-म॒धारय॑न्, पु॒रोऽनु॑ वा॒क्यायै॑ या॒ज्यायै॑ दे॒वतायै॑ वषट्काराय॒ यच्च॑तुर्
 गृही॑तं जु॒होति॑ छन्दा॑ँस्ये॒व तत् प्री॑णाति॒ तान्य॑स्य प्री॒तानि॑ दे॒वेभ्यो॑
 ह॒व्यं वँह॑न्ति॒ यं का॒मये॑त ॥

28.6 षष्ठकाण्डे प्रथमप्रश्नः प्रथमपञ्चातिः

(TS 6.1.1.1)

प्रा॒चिन॑वँ शङ्क॑रोति, दे॒वम॑नु॒ष्या दि॒शो-व्य॑भजन्त, प्रा॒चीन्दे॒वा दक्षि॑णा
 पि॒तरः॑ प्र॒तीचीं॑ म॒नुष्या॑, उ॒दीची॑ँ रु॒द्राय॑त् प्रा॒चीन॑वँ शङ्क॑रोति,
 दे॒वलोक॑मे॒व तद्य॑ज॒मान॑ उ॒पाव॑र्तते॒ परि॑श्रयत्यन्तर् हि॒तोहि॑, दे॒वलोक॑ो
 म॒नुष्य॑ लो॒कान्ना॑स्मा ल्लो॒कात्, स्वे॒तव्य॑ मि॒वे त्याहुः॑ को॒हित॑ द्वेद
 य॒ध्य मु॒ष्मिन् लो॒केऽस्ति॑-वा॒नवे॑ति॒ दिक्ष्व॑ती का॒शान् करो॑ति ।

28.7 सप्तमकाण्डे प्रथमप्रश्नः प्रथमपञ्चातिः

(TS 7.1.1.1)

प्र॒जन॑न॒न् ज्यो॑ति॒-र॒ग्नि॒-दे॒वता॑ना॒म् ज्यो॑ति॒र् वि॒राट् , छ॒न्द॑साम्
ज्यो॑ति॒र्-वि॒राट्-वा॒चो॑ऽग्नौ स॒न्तिष्ठ॑ते वि॒राज॑म॒भि संप॑द्यते ,
तस्मा॑त्त-ज्ज्यो॑ति॒ रुच्य॑ते, द्वौ स्तो॑मौ प्रा॒तस्स॑वनं , 'व॑हतो यथा प्रा॒णश्चा॑
पा॒नश्च॑, द्वौ मा॒द्ध्य॑न्दि॒न् स॑वनं-यथा चक्षु॑श्च श्रो॒त्रञ्च॑, द्वौ तृ॑तीय
स॑वनं यँथा वाक्च॑ प्रति॒ष्ठा च॑, पु॒रुष॑ स॒म्मितो॑ वा ए॒ष य॒ज्ञोऽस्थू॑रिः ॥

28.8 सप्तमकाण्डे पञ्चमप्रश्नः अन्त्यपञ्चातिः

TS 7.5.25.2

स॒मु॒द्र उ॒दर॑म॒न्तरि॑क्षं पा॒युर् द्वा॒वापृ॑थि॒वी आ॒ण्डौ ग्रा॒वा शे॒पस्सो॑मो रे॒तो
य॒ज्जं ज॒भ्यते॑ तद्वि॒द्योत॑ते यद्वि॒धूनु॑ते तथ्स्त॒नय॑ति यन्मे॒हति॑ तद्वर्ष॑ति
वा॒गेवा॑स्य वा ग॒हर्वा अ॑श्च॒स्य जा॑य॒मान॑स्य म॒हिमा पु॒रस्ता॑ज्जाय॒ते रा॒त्रिरे॑नं
म॒हिमा प॑श्चा॒दनु॑जाय॒त ए॒तौ वै म॑हि॒माना॑ व॒श्च-म॑भित॒-
स्संब॑भूवतु॒र्हयो॑ दे॒वान॑व॒हर्वा-ऽसु॑रान् वा॒जी ग॑न्ध॒र्वान॑श्चो
मनु॑ष्यान्त्स॒मु॒द्रोवा॑ अ॒श्चस्य॑ यो॒नि स्स॒मु॒द्रो ब॑न्धुः ॥

28.9 तैत्तिरीय यजुब्राह्मणम् –प्रथमाष्टके प्रथमप्रश्नः

प्रथमपञ्चातिः

TB 1.1.1.1

ब्र॒ह्म स॒न्ध॒त्तं त॒न्मे जि॒न्वतं॑ । क्ष॒त्र॒ꣳ स॒न्ध॒त्तं त॒न्मे जि॒न्वतं॑ ।
 इ॒ष॒ꣳ स॒न्ध॒त्तं ता॒म्मे जि॒न्वतं॑ । ऊ॒र्ज॒ꣳ स॒न्ध॒त्तं ता॒म्मे जि॒न्वतं॑ ।
 र॒यि॒ꣳ स॒न्ध॒त्तं ता॒म्मे जि॒न्वतं॑ । पु॒ष्टि॒ꣳ स॒न्ध॒त्तं ता॒म्मे जि॒न्वतं॑ ।
 प्र॒जा॒ꣳ स॒न्ध॒त्तं ता॒म्मे जि॒न्वतं॑ । प॒शून्ध॒स॒न्ध॒त्तं ता॒न्मे जि॒न्वतं॑ । स्तु॒तोऽसि॑
 ज॒न॒धाः । दे॒वास्त्वा शु॒क्र॒पाः प्र॒णय॑न्तु ॥

सु॒वीराः॑ प्र॒जाः प्र॒ज॒नय॑न् परी॒हि ।

28.10 द्वितीयाष्टके प्रथमप्रश्नः प्रथमपञ्चातिः

TB 2.1.1.1

अ॒ङ्गि॒र॒सो वै स॒त्रमा॑सत । तेषां पृ॒श्नि॒र्-घ॒र्म॒धु-गा॑सीत् ।
 स॒र्जी॒षेणा॑ जी॒वत् । तेऽब्रु॑वन् । क॒स्मै॒नु-स॒त्रमा॑स्महे ।
 येऽस्या॑ ओ॒ष॒धी॒र्न ज॒नया॑म इति । ते दि॒वो वृ॒ष्टि॒मसृ॑जन्त ।
 या॒वन्त॑ स्स्तो॒का अ॒वा प॑द्यन्त । ता॒वती॑रो-ष॒धयो॑ऽजायन्त ।
 ता जा॒ताः पि॒तरो॑ वि॒षेणा॑ लि॒पन् ॥ [] ता॒सां ज॒ग्ध्वा-रु॒प्यं॒त्यैत् ।

28.11 तृतीयाष्टके प्रथमप्रश्नः प्रथमपञ्चातिः

TB 3.1.1.1

अ॒ग्नि॒र्नः॑ पा॒तु कृ॑त्ति॒काः । नक्ष॑त्रं दे॒वमि॑न्द्रि॒यम् ।
 इ॒दमा॑सां-वि॒चक्ष॑णम् । ह॒विरा॑सन् जु॒होत॑न ।
 यस्य॑ भा॒न्ति रश्म॑यो यस्य॑ के॒तवः॑ ।
 यस्ये॒मा वि॒श्वा भु॑वनानि सर्वा । स कृ॑त्ति॒का-भि॑रभि सँव॑सानः ।
 अ॒ग्नि॒र्नो दे॒वस्सु॑वि॒ते द॑धातु । प्र॒जाप॑ते रोहि॒णीवे॑तु पत्नी ।
 वि॒श्वरू॑पा बृ॒हती चि॒त्रभा॑नुः ॥ [] सा नो य॒ज्ञस्य॑ सु॒वि॒ते द॑धातु ।

28.12 तृतीयाष्टके नवमप्रश्नः प्रथमपञ्चातिः

TB 3.9.1.1

प्र॒जाप॑ति-रश्म॑मे॒ध म॑सृजत । सौ॒ऽस्मात्सृ॑ष्टो-ऽपा॑क्रामत् ।
 तम॑ष्टा द॒शिभि॑रनु प्रायु॑ङ्क्त । तमा॑प्नोत् । तमा॑प्त्वाऽष्टा द॒शिभि॑र वा॒रुन्ध॑ ।
 यद॑ष्टा द॒शिन॑ आल॒भ्यन्ते॑ । य॒ज्ञमे॒वतै॑-रा॒प्त्वा य॑ज॒मानो॑ ऽव॒रुन्धे॑ ।
 सँव॑त्सरस्य वा ए॒षा प्र॑तिमा । यद॑ष्टा द॒शिनः॑ ।
 द्वा॒दश॑ मा॒साः पञ्च॑र्तवः । सँव॑त्सरो॒ ऽष्टा द॑शः ॥

28.13 तृतीयाष्टके नवमप्रश्नः अन्त्यपञ्चातिः

TB 3.9.23.2

यद्द॑र्श॒णपूर्॑ण मा॒सौ यज॑ते । अ॒श्वस्यै॑व मे॒द्ध्यस्य॑ प॒दे प॒दे जु॑होति ।
 ए॒त द॑नु॒कृति॑ ह॒स्मवै॑ पु॒रा । अ॒श्वस्य॑ मे॒द्ध्यस्य॑ प॒दे प॒दे जु॑ह्वति ।
 यो॒वा अ॒श्वस्य॑ मे॒द्ध्यस्य॑ वि॒वर्त्त॑नं वे॒द ।
 अ॒श्वस्यै॑व मे॒द्ध्यस्य॑ वि॒वर्त्त॑ने वि॒वर्त्त॑ने जु॑होति ।
 अ॒सौवा॑ आ॒दित्यो॑ ऽश्वः । स आ॒हव॑नीय मा॒गच्छ॑ति ।
 तद्वि॒वर्त्त॑ते । यद॒ग्नि॑हो॒त्रं जु॑होति ।
 अ॒श्वस्यै॑व मे॒द्ध्यस्य॑ वि॒वर्त्त॑ने वि॒वर्त्त॑ने जु॑होति ।
 ए॒त द॑नु॒कृति॑ ह॒स्मवै॑ पु॒रा ।
 अ॒श्वस्य॑ मे॒द्ध्यस्य॑ वि॒वर्त्त॑ने वि॒वर्त्त॑ने जु॑ह्वति ॥

28.14 काटके प्रथमप्रश्नः प्रथमपञ्चातिः

TB 3.10.1.1

सं॒ज्ञानं॑ वि॒ज्ञानं॑ प्र॒ज्ञानं॑ जा॒नद॑भि जा॒नत् । सं॒कल्प॑मानं प्र॒कल्प॑मान
 -मु॒पक॑ल्पमान-मु॒पक्लृ॑प्तं क्लृ॒प्तं । श्रे॒यो व॑सी॒य आ॒यथ्स॑संभू॒तं भू॒तं ।

चि॒त्रः के॒तुः प्र॒भा॒ना॒भा॒न्-थ्सं॒भा॒न् ।
 ज्यो॒ति॒ष्मा॒ स्तेज॑स्वाना तप॒ स्तप॑न्न भि॒तप॑न् ।
 रोच॑नो रोच॑मान-॒श्शो॑भन-॒श्शो॑भमानः क॒ल्याणः॑ ।
 दर्॒शा दृ॒ष्टा दर्॒शता॑ वि॒श्वरू॑पा सुदर्॒शना॑ ।
 आप्या॑यमा-नाप्या॑यमा-नाप्या॑या सू॒नृते॑रा ।
 आपूर्य॑माणा पू॒र्यमा॑णा पू॒रय॑न्ती पू॒र्णा पौ॑र्णमा॒सी ।
 दा॒ता प्र॑दा॒ता ऽऽन॑न्दो मोदः प्र॒मोदः॑ ॥ []
 आवे॑शय-न्नि॒वे॒शय॑न्-थ्सँ॒वेश॑न-स्स॒ शान्त॑ श॒शान्तः॑ ।

28.15 काटके तृतीयप्रश्नः अन्त्यपञ्चातिः

TB 3.12.9.8

तस्यै॑ वा॒त्मा प॑द वि॒त्तं वि॑दित्वा । न क॒र्मणा॑ लि॒प्यते॑ पा॒पके॑न ।
 पञ्च॑पञ्चा॒शत॑ स्त्रि॒वृत्त॑ स्सँ॒वथ्स॑राः । पञ्च॑पञ्चा॒शतः॑ पञ्च॒दशाः॑ ।
 पञ्च॑पञ्चा॒शत॑ स्सप्त॒दशाः॑ । पञ्च॑ पञ्चा॒शत॑ एक॒विं॒शाः ।
 विश्व॑ सृ॒जाँ सह॑स्र सँ॒वथ्स॑रं ।
 ए॒ते न॒वै विश्व॑ सृ॒ज इ॒दं वि॑श्वमसृ॒जन्त॑ । यद्वि॑श्व मसृ॒जन्त॑ ।

तस्मा॑द्वि॒श्व सृ॑जः । वि॒श्वमे॑ना ननु प्रजा॑यते ।

ब्र॒ह्मण॑-स्सायु॑ज्यं स॒लो॒कतां॑ य॒न्ति ।

ए॒ता सा॑मे॒व दे॒वता॑नां सायु॑ज्यं । सा॒र्षितां॑ स॒मान लो॒कतां॑ य॒न्ति ।

य ए॒त दु॒पय॑न्ति । ये चै॒नत् प्रा॒हुः । येभ्य॑श्चै॒नत् प्रा॒हुः । ॐ ॥

28.16 आरण्यके प्रथमप्रश्नः प्रथमपञ्चातिः

TA 1.1.1

भ॒द्रं कर्णे॑भिः शृ॒णु॒याम॑ दे॒वाः । भ॒द्रं प॑श्ये॒माक्ष॑भिर् यज॑त्राः ।

स्थि॒रैरङ्गै॑स्तुष्टु॒वाग्ँ स॑स्त॒नूभिः॑ । व्य॒शेम॑ दे॒वहि॑तं य॒दायुः॑ ।

स्व॒स्ति न॒ इन्द्रो॑ वृ॒द्धश्र॑वाः । स्व॒स्ति नः॑ पू॒षा वि॒श्ववे॑दाः ।

स्व॒स्ति न॒स्ताक्ष॑र्यो अरि॑ष्टनेमिः । स्व॒स्ति नो॒ बृह॑स्पति॑र् दधातु ।

आप॑मापा-मप॒स्सर्वाः॑ । अ॒स्मा-द॒स्मा-दि॒तोस्मु॑तः ॥ []

अ॒ग्निर्-वा॒युश्च॑ सू॒र्यश्च॑ ।

28.17 आरण्यके दशमप्रश्नः अन्त्यपञ्चातिः

TA 6.80.1

तस्यै॒वं वि॒दु॒षो य॒ज्ञस्या॒त्मा य॒ज॒मा॒न-॒श्श्र॒द्धा प॒त्नी शरी॑र-
 मि॒ध्म॒मु॒रो॒वे॒दि॒र्-लो॒मा॒नि ब॒र्हि॒र् वे॒द-॒शि॒खा हृ॒दयं॑ यूपः॒ काम
 आ॒ज्यं म॒न्युः प॒शुस्त॒पो ऽग्नि॑र्-द॒म-॒श्शम॑यिता दक्षि॒णा-वा॒ग्घो॒ता॥
 प्रा॒ण उ॒द्गा॒ता ,

चक्षु॑रध्व॒र्युर्-म॒नो ब्र॒ह्मा श्रो॒त्रम॒ग्नी-॒ध्याव॑द्भियते सा दी॒क्षा यद॑श्नाति
 तद्ध॒विर्-य॒त्पि॒बति॑ तदस्य सोम॒पानं॑ यँद्र॒मते॑ तदु॒पस॒दो य॒त्संच॑-रत्यु॒प
 वि॒श-त्यु॒त्तिष्ठ॑ते च स॒प्रव॑र्यो यन्मु॒खं तदा॑हवनीयो या व्या॒हति॑-राहु॒तिर्-
 यद॑स्य ,

वि॒ज्ञानं॑ तज्जु॒होति॑ य॒त्सायं॑ प्रा॒तर॑त्ति त॒त्समि॑धं यँत्प्रा॒तर् म॒ध्यन्दि॑नं
 सा॒यञ्च॑ ता॒नि स॒वनानि॑ ये अ॒होरा॑त्रे ते द॒र्शपूर्ण॑मा॒सौ येऽर्ध॑मा॒साश्च॑
 मा॒साश्च॑ ते चा॒तुर्मा॒स्यानि॑ य ऋ॒तव॑स्ते प॒शुब॑न्धा ये सं॒वँत्सरा॑श्च
 परि॒वत्स॑राश्च ते ऽह॒र्गणा॑-स्सर्व वे॒दसं॑ वा,

ए॒त॒त्स॒त्रं॑ य॒न्म॒रणं॑ तद॒वभृ॑त् ए॒तद्वै॑ ज॒राम॑र्य-म॒ग्नि॒हो॒त्रञ् स॒त्रं
 य॒ ए॒वं वि॒द्वा-नु॒द॒ग॒य॒ने प्र॒मी॒य॒ते दे॒वाना॑मे॒व म॒हि॒मा॒नं ग॒त्वा
 ऽऽदि॒त्यस्य॑ सा॒यु॒ज्यं,
 ग॒च्छ॒त्यथ॑ यो द॒क्षि॒णे प्र॒मी॒य॒ते पि॒तृ॒णा-मे॒व म॒हि॒मा॒नं ग॒त्वा च॒न्द्र॒म॒स
 स्सा॒यु॒ज्यञ् स॒लो॒क॒ता-मा॒प्नो॒त्ये॒तौ वै सूर्या॑च॒न्द्र॒म॒सौर्-म॒हि॒मा॒नौ ब्रा॒ह्म॒णो
 वि॒द्वान॑भि॒ ज॒य॒ति तस्मा॑द्ब्र॒ह्म॒णो म॒हि॒मा॒न मा॒प्नो॒ति तस्मा॑द्ब्र॒ह्म॒णो
 म॒हि॒मा॒न-मि॒त्यु॒प॒नि॒षत् ॥

ॐ शान्तिः॑ शान्तिः॑ शान्तिः॑ ॥

29 ऋचां प्राची

(TB 3.12.9.1)

ऋ॒चां प्रा॒ची म॒हती॑ दि॒गु॒च्य॒ते । द॒क्षि॒णा-मा॒हुर्-य॒जु॒षा-म॒पा॒रां ।
 अ॒थर्व॑णा-म॒ण्डि॒र॒सां प्र॒ती॒ची । सा॒म्ना-मु॒दी॒ची म॒हती॑ दि॒गु॒च्य॒ते ।
 ऋ॒ग्भिः पूर्वा॑ह्ने दि॒वि दे॒व ई॒य॒ते । य॒जुर्वे॑दे ति॒ष्ठति॑ म॒ध्ये अ॒हः ।
 सा॒मवे॑दे-ना॒स्त॒म॒ये म॒ही॒य॒ते । वे॒दै-र॒शू॒न्य-स्त्रि॒भिरे॑ति सूर्यः॑ ।
 ऋ॒ग्भ्यो जा॒ताञ् स॒र्व॒शो मूर्ति॑-मा॒हुः । सर्वा॑ ग॒तिर्-या॒जु॒षी है॒व श॑श्चत् ॥

सर्वं तेजं स्सामरूप्यं ह शश्वत् । सर्वं हेदं ब्रह्मणा हैव सृष्टं ॥ 1

ऋग्भ्यो जातं वैश्यं वर्ण-माहुः । यजुर्वेदं क्षत्रियस्या-हुर्योनिं ।

सामवेदो ब्राह्मणानां प्रसूतिः । पूर्वे पूर्वेभ्यो वच एत-दूचुः ।

आदर्श-मग्निं चिन्वानाः । पूर्वे विश्व सृजोऽमृताः ।

शतं वर्ष सहस्राणि । दीक्षिता स्सत्र-मासत ॥

तप आसीद् गृहपतिः । ब्रह्म ब्रह्मा भवथ स्वयं ।

सत्यं हो तैषा-मासीत् । यद् विश्वसृज आसत ॥ 2

अमृत-मेभ्य उदगायत् । सहस्रं परिवत्स्रान् ।

भूतं प्रस्तो-तैषा-मासीत् । भविष्यत् प्रति चाहरत् ।

प्राणो अद्ध्वर्यु-रभवत् । इदं सर्वं सिषासतां ॥ 3

अपानो विद्वा-नावृतः । प्रति प्रातिष्ठ-दद्ध्वरे । आर्त्तवा उपगातारः ।

सदस्या ऋतवो-ऽभवन् । अर्द्धमासाश्च मासाश्च । चमसा-द्ध्वर्यवो

ऽभवन् । अशं सदं ब्रह्मण-स्तेजः । अच्छा वाकोऽभवद्-यशः ।

ऋत-मेषां प्रशास्ता-ऽसीत् । यद् विश्व सृज आसत ॥ 4

ऊ॒र्ग-रा॒जान॑-मु॒दव॑हत् । ध्रु॒व गो॒प स्स॑हो-ऽभ॒वत् ।
 ओ॒जोऽभ्य॑ष्टौ॒द् ग्रा॒व्.ण्णः॑ । यद् वि॒श्व सृ॒ज आ॑सत् ।
 अ॒पचि॑तिः पो॒त्रीया॑-म॒यज॑त् । ने॒ष्ट्रीया॑-म॒यज॑त् त्वि॒षिः ।
 आ॒ग्नी॑द्धा॒द् वि॒दुषी॑ स॒त्यं । श्र॒द्धा है॒वा य॑जथ् स्व॒यं ।
 इ॒रा प॒त्नी वि॒श्व सृ॒जां । आ॒कू॒ति-र॒पि॒नडू॒विः ॥
 इ॒ध्मꣳ ह॒ क्षुच् चै॑-भ्य उ॒ग्रे । तृ॒ष्णा चा॑ व॒हता॑मु॒भे ।
 वा॒गेषाꣳ सु॒ब्र॒ह्म॒ण्या-ऽऽ*सी॑त् । छ॒न्दो यो॒गान् वि॒जान॑ती ।
 क॒ल्प॒तन्त्रा॑णि त॒न्वा॒ना ऽहः॑ । सꣳ स्था॑श्च॒ सर्व॑शः ॥ 5

अ॒हो॒रा॒त्रे प॑शु॒ पाल्यौ॑ । मु॒हूर्त्ताः प्रे॒ष्या अ॑भवन् ।
 मृ॒त्युस्त॑द-भ॒व-द्भा॒ता । श॒मितो॑-ग्रो वि॒शां प॑तिः ॥
 वि॒श्वसृ॑जः प्र॒थमा॑ स्स॒त्र-मा॑सत् । स॒हस्र॑ स॒मं प्र॑सु॒तेन॑ य॒न्तः ।
 ततो॑ ह ज॒ज्ञे भु॑वनस्य गो॒पाः । हि॒र॒ण्म॒य इ॒शकु॑निर् ब्र॒ह्म ना॑म ।
 येन॑ सूर्य-स्त॒पति॑ तेज॒से॒द्धः । पि॒ता पु॒त्रेण॑ पि॒तृमा॑न् यो॒नियो॑नौ ।
 ना॒वे॒दवि॑न् म॒नुते॑ तं बृ॒हन्तं॑ । स॒र्वानु॑भु-मा॒त्मानꣳ संप॑रा॒ये ॥ 6

ए॒ष नित्यो॑ म॒हिमा ब्रा॒ह्मण॑स्य । न क॒र्मणा॑ वर्द्धते नो क॒नीयान् ॥
 तस्यै॒वा-त्मा॑ प॒दवित्तं॑ वि॒दित्वा॑ । न क॒र्मणा॑ लिप्यते पा॒पके॑न ।
 पञ्च॑ पश्चा॒शत-स्त्रि॑वृ॒त स्सँव॑त्स॒राः । पञ्च॑ पञ्चा॒शतः पञ्च॑द॒शाः ।
 पञ्च॑ पञ्चा॒शत स्सप्त॑द॒शाः । पञ्च॑ पञ्चा॒शत एक॑विं॒शाः ।
 विश्व॑सृ॒जाँ सह॑स्र सँव॑त्स॒रं । ए॒तेन॑ वै विश्व॑सृ॒ज इ॒दं विश्व॑-मसृ॒जन्त ।
 यद् विश्व॑-मसृ॒जन्त । तस्मा॑द् विश्व॑सृ॒जः ॥ 7

विश्व॑-मे॒ना-ननु॑ प्रजा॒यते॑ । ब्र॒ह्मण॑ स्सायु॒ज्यँ स॒लो॒कतां॑ य॒न्ति ।
 ए॒तासा॑मे॒व दे॒वता॑नाँ सायु॒ज्यं । सा॒ष्टि॒ताँ स॒मान॑ लो॒कतां॑ य॒न्ति ।
 य ए॒त-दु॒पय॑न्ति । ये चै॒नत् प्रा॑हुः । येभ्य॑-श्चै॒नत् प्रा॑हुः ॥ ओं ॥ 8

(ओं शान्तिः॑ शान्तिः॑ शान्तिः॑ ॥)

30 प्रदक्षिण मन्त्राः

(Order of chanting various mantras may vary)

Ref: TA 2.15.1 for 1 / RV 1.27.13 for 2 / TA.6.1.4 for 3 / TS
1.2.1.26 for 4 / TB 2.4.2.9 for 5 / RV 10.173.5 for 6 /
TB 2.4.6.10 for 7 / RV.5.25.6 for 8 / TS 4.5.3.2 for 9

ये अ॒र्वाङु॒तवा॑ पु॒रा॒णे वे॒दं वि॒द्वाꣳ स॒म॒भि॒तो वद॑न्त्यादि॒त्य मे॒व॒ते
 परि॑वदन्ति॒ सर्वे॑ अ॒ग्निं द्वि॒तीयं॑ तृ॒तीयं॑ च हꣳ स॒मि॒ति याव॑तीर्वे
 दे॒व॒ता॒स्ता स्स॒र्वा वे॒द वि॒दि ब्रा॒ह्म॒णे व॑सन्ति॒ तस्मा॑त् ब्रा॒ह्म॒णेभ्यो॑
 वे॒दवि॒द्भ्यो दि॒वे दि॒वे नम॑स्कु॒र्यान्ना इ॒लील॑ङ्की॒र्तये॑ दे॒ता ए॒व दे॒वताः॑
 प्री॒णाति॑ ॥ 1

नमो॑ म॒हद्भ्यो॑ नमो॑ अ॒र्भके॑भ्यो नमो॑ यु॒वद्भ्यो॑ नम॑ आ॒शिने॑भ्यः ।
 य॒जाम॑ दे॒वान् यदी॑श॒क्नवा॑ म॒मा ज्या॑यसः॒ शं स॒मावृ॑क्षि दे॒वाः ॥ 2

स॒द॒स॒स्पति॑ म॒द्भु॒तं प्रि॒य-मि॒न्द्रस्य॑ का॒म्यं । स॒निं मे॒धाम॑या॒सिषं॑ ॥ 3

स॒प्र॒थ स॒भां मे॑ गो॒पाय॑ । ये च स॒भ्या स्स॒भास॑दः ।

ता॒निन्द्रि॑या॒वतः॑ कुरु । स॒र्वमा॒यु-रु॒पास॑ताम् ।

अ॒हे॒ बु॒ध्निय॑ म॒न्त्रं॑ मे गोपाय । य॒मृष॑य-स्त्रै-वि॒दा वि॒दुः ।

ऋ॒च॒ स्सामा॑नि यजू॑षि । सा हि श्रीर॒मृता॑ स॒ताम् ॥ 4

पर्व॑त इ॒वा वि॒शाच॑लिः । इन्द्र॑ इ॒वेह॑ ध्रु॒वस्तिष्ठ॑ । इ॒ह रा॒ष्ट्र मु॑धारय ।

अ॒भिति॑ष्ठन् प॒तन्य॑तः । अ॒धरे॑सन्तु श॒त्रवः॑ । इन्द्र॑ इ॒व वृ॒त्रहा॑तिष्ठ ॥ 5

((सु॒मुहूर्तो॑ऽस्तु । सु॒प्रति॑ष्ठितमस्तु ॥))

ध्रु॒वं ते॒ राजा॑ वरु॒णो ध्रु॒वं दे॒वो बृ॒हस्प॑तिः ।

ध्रु॒वं त इन्द्र॑-श्चा॒ग्निश्च॑ रा॒ष्ट्रं धा॑रयतां ध्रु॒वं ॥ 6

दे॒वीं वा॑चम॒ जन॑यन्त दे॒वाः । तां विश्व॑रूपाः प॒शवो॑ वदन्ति ।

सानो॑ म॒न्त्रेष॑ मूर्जं॒ दुहा॑ना । धे॒नुर्वा॑गस्मा-नु॒पसु॑ष्टुतैतु ॥ 7

Vachanam - सु॒मुहूर्तो॑ ऽस्त्वित्यनु॒ गृह्ण॑न्तु ।

Prati-Vachanam - सु॒मुहूर्तो॑ऽस्तु । सु॒प्रति॑ष्ठितमस्तु ॥

*(Rig Vedic Convention of chanting)

*अ॒ग्निस्तु॑ विश्र॒वस्त॑मं तु॒वि ब्र॑ह्माणमु॒त्तमं॑ ।

अ॒तूर्तं॑ श्रा॒वय॑त् प॒तिं पु॒त्रं द॑दाति दा॒शुषे॑ ॥

*अ॒ग्निर्-द॑दाति स॒त्पतिं॑ सा सा ह॒यो यु॒धा नृ॒भीः ।

अ॒ग्नि॒रत्यं॑ रघु॒ष्यदं॑ जे॒तार॑-म॒परा॑जितं ॥ 8

नमः॑ स॒भाभ्य॑ स॒भाप॑तिभ्यश्च वो नमः॑ ॥ 9

31 प्रोक्षण मन्त्राः

TB 2.6.5.2 for 1 to 3 / TS 1.7.10.3 for 4, 5 / TB 3.5.10.4 for 6 & 7 /
T.B.2.4.4.10 for 8 / RV 10.137.6 for 9 / TA 1.26.5 for 10

दे॒वस्य॑त्वा स॒वितुः॑ प्र॒सवे॑ । अ॒श्विनो॑र्-बा॒हुभ्यां॑ । पू॒ष्णो ह॑स्ता॒भ्यां ।

अ॒श्विनो॑र्-भै॒षज्ये॑न । ते॒जसे॑ ब्र॒ह्मव॑र्चसा॒या भि॑षिञ्चामि ॥ 1

दे॒वस्य॑त्वा स॒वितुः॑ प्र॒सवे॑ । अ॒श्विनो॑र् बा॒हुभ्यां॑ । पू॒ष्णो ह॑स्ता॒भ्यां ।

स॒रस्व॑त्यै भै॒षज्ये॑न । वी॒र्या॑या-न्ना॒द्याया॑ भि॑षिञ्चामि ॥ 2

दे॒वस्य॑त्वा स॒वितुः॑ प्र॒सवे॑ । अ॒श्विनो॑र् बा॒हुभ्यां॑ । पू॒ष्णो ह॑स्ता॒भ्यां ।

इ॒न्द्रस्ये॑-न्द्रि॒येण॑ । श्रि॒यै यश॑से ब॒लाया॑ भि॑षिञ्चामि । 3

सोम॑ꣳ राजा॑नं वरु॑ण-मग्नि॑ मन्वार॑भामहे ।
 आदि॒त्यान् विष्णु॑ꣳ सूर्य॑ ब्रह्मा॑णञ्च बृह॑स्पतिं ॥ 4

देव॑स्यत्वा सवि॒तुः प्र॑सवे॑ ऽश्विनो॑र् बाहु॑भ्यां पू॒ष्णो हस्ता॑भ्याꣳ
 सर॑स्वत्यै वाचो यन्तु॑र्-यन्त्रे॑णा-ग्ने॒स्त्वा साम्रा॑ज्येना भिषि॑चा-
 मीन्द्र॑स्यत्वा साम्रा॑ज्येना भिषि॑चामि बृह॑स्पते॒स्त्वा साम्रा॑ज्येना
 भिषि॑ञ्चामि ॥ 5

आयु॑रा-शा॒स्ते । सुप्र॑जास्त्वमा-शा॒स्ते । सजा॑तवनस्यामा-शा॒स्ते ।
 उत्तरा॑न्देव-यज्यामा-शा॒स्ते । भूयो॑ हविष्क॑रणमा-शा॒स्ते ।
 दिव्य॑न्धामा-शा॒स्ते । विश्वं॑ प्रि॒यमा-शा॒स्ते । यदने॑न हविषा-शा॒स्ते ॥ 6

तद॑श्या-तद्दृ॑ध्यात् । तद॑स्मै दे॒वारा॑सन्तां ॥
 तद॑ग्निर्-दे॒वो दे॒वेभ्यो॑ वन॑ते । वयम॑ग्नरे॒मानु॑षाः ।
 इष्टं॑ च वी॒तं च । उभे॑चनो द्या॒वा पृथि॑वी अꣳ हस॑स्पातां ।
 इह॑ गति॑र्-वा॒मस्ये॒दं च । नमो॑ दे॒वेभ्यः॑ ॥ 7

दृ॒पदा॒दिवे॑न् मु॒मु॒चा॒नः । स्वि॒न्न-स्स॒ना॒त्वी म॒ला॒दि॒व ।
 पू॒तं प॒वि॒त्रे॒णे वा॒ज्यं । आ॒पः शु॒न्ध॒न्तु॒ मै॒न॒सः ॥
 भूर्भु॒व॒स्सु॒वो भूर्भु॒व॒स्सु॒वो भूर्भु॒व॒स्सु॒वः ॥ 8

प्राशन मन्त्रः

आ॒प इ॒द्वा उ॒भे॒ष॒जीः । आ॒पो अ॒मी॒व चा॒त॒नीः ।
 आ॒प॒स्सर्व॑स्य भे॒ष॒जी । ता॒स्ते कृ॒ण्व॒न्तु॒ भे॒ष॒जं ॥ 9

[अकाल मृत्यु हरणम् सर्व व्याधि निवारणं ।

सर्व(समस्त) पापक्षयहरं (देवता नाम*) वरुण* पाथोदकं शुभं ।]

स्त्रीणां प्राशनेः

आ॒म॒या॒वी चि॒न्वी॑त । आ॒पो वै भे॒ष॒जं । भे॒ष॒ज॒मे॒वा॒स्मै क॒रो॒ति ।
 स॒र्व॒मा॒यु॒रे॒ति ॥ 10

32 ओषधि सूक्तं

(TS 4.2.6.1)

या॒ जा॒ता ओ॒ष॒ध॒यो दे॒वेभ्य॑ स्त्रि॒यु॒गं पु॒रा ।
 म॒न्दा॒मि ब॒भ्रू॒णा म॒ह॒ꣳ श॒तं धा॒मा॒नि स॒प्त च॑ ।
 श॒तं वाँ॑ अ॒ंब धा॒मा॒नि स॒हस्र॑मु॒त॒वो रु॒हः ।
 अ॒था श॒त॒क्र॒त्वो यू॒य॒मि॒मं मे॑ अ॒गदं॑ कृ॒त ।
 पु॒ष्पा॒व॒तीः प्र॒सू॒व॒तीः फ॒लि॒नी॒र॒फ॒ला उ॒त ।
 अ॒श्वा इ॒व स॒जि॒त्व॒रीर्-वी॒रु॒धः पा॒र॒यि॒ष्णा॒वः ।
 ओ॒ष॒धी॒रि॒ति मा॒तर॑-स्त॒द्धो दे॒वी-रु॒प॒ब्रु॒वे ।
 र॒पाꣳसि॑ वि॒घ्न-ती॒रि॒तर॑ प॒श्चा॒त॒य॒मा॒नाः ॥ 1

अ॒श्व॒त्थे॒वो नि॒ष॒द॒नं प॒र्णे॒वो व॒स॒तिः कृ॒ता ।
 गो॒भा॒ज इ॒त्कि॒ला स॒थ॒य॒थ् स॒न॒व॒थ पू॒रु॒षं ।
 य॒द॒हं वाँ॑ ज॒य-न्नि॒मा ओ॒ष॒धीर्-ह॒स्त आ॒द॒धे ।
 आ॒त्मा य॒क्ष्म॒स्य न॒श्य॒ति पु॒रा जी॒व गृ॒भो य॒था ।
 य॒दो॒ष॒ध॒य स्सं॑ग॒च्छ॒न्ते रा॒जा॒न-स्स॒मि॒ता वि॒व ।

विप्र॒स्स-उ॒च्यते॑ भिष॒ग्रक्षो॑-हा॒ऽमीव॑ चा॒तनः॑ ।
 निष्कृ॒तिर् नाम॑वो मा॒ताऽथा॑ यूय॒ऽस्थ संकृ॑तीः ।
 स॒राः प॒त॒त्रिणी॑ स्स्थन॒यदा॑ मयति॒ निष्कृ॑त ॥ 2

अ॒न्यावो॑ अ॒न्याम॑व-त्व॒न्याऽन्य॑स्या उपा॒वत ।
 तास्स॒र्वा ओष॑धय-स्सँवि॒दाना॑ इ॒दं मे॑ प्रा॒वता॑ वचः ।
 उच्छु॒ष्मा ओष॑धीनां गा॒वो गो॑ष्ठा दि॒वेर॑ते ।
 धन॑ऽसनिष्यन्ती॑ ना॒मात्मा॑-न॒न्दव॑ पू॒रुष ।
 अति॑ वि॒श्वाः परि॑ष्ठास्ते न इ॒व ब्र॑जम॒क्रमुः॑ ।
 ओष॑धयः प्राचु॒च्यवुर् य॑त्किञ्च त॒नुवा॑ऽरपः ।
 यास्त॑ आ॒तस्थु॑-रा॒त्मानं॑ या॒ आवि॑ वि॒शुः परुः॑ परुः ।
 तास्ते॑ यक्ष्मं वि॒बाध॑न्ता मु॒ग्रो म॑द्ध्य म॒शीरि॑व ॥ 3

साकं॑ यक्ष्म प्र॒पत॑श्येनेन कि॒ कि दी॑विना ॥
 साकं॑ वा॒तस्य॑द्धा॒ज्या सा॒कन्न॑श्य निहा॒कया॑ ।
 अ॒श्वाव॑तीऽसो॒मव॑ती मूर्ज॒यन्ती॑ मु॒दो॒जसं॑ ।

आ॒वि॒त्सि॒ सर्वा॒ ओष॑धी॒रस्मा॒ अ॒रि॒ष्ट ता॑तये ।
 याः फ॒लिनी॑र् या अ॒फला॑ अ॒पुष्पा॑याश्च पु॒ष्पिणीः॑ ।
 बृ॒हस्प॑ति प्र॒सूता॒ स्तानो॑ मुञ्चन्त्व॑ ह॒सः ।
 या ओष॑धय॒ स्सोम॑राज्ञीः प्रवि॒ष्टाः पृ॑थि॒वी म॑नु ॥ 4

तासां॑ त्वम॑स्यु॒त्तमा॑ प्र॒णो जी॑वा॒तवे॑सुव ।
 अ॒वप॑तन्ती-र॒वद॑न्दि॒व ओष॑दयः परि ।
 यं जी॒व म॑ञ्ज॒वा महै॑ न स॒रिष्या॑ति पू॒रुषः॑ ।
 याश्चे॒द मु॑प-शृ॒ण्वन्ति॑ याश्च दू॒रं प॑रा॒गताः॑ ।
 इ॒ह सं॑ग॒त्यता॒ स्सर्वा॑ अ॒स्मै स॑न्दत्त भेष॒जं ।
 मा॒वो रि॑षत् ख॒निता॒ यस्मै॑ चा॒हं ख॑ना॒मिवः॑ ।
 द्वि॒प-च॑त्तु॒ष्पद॑-स्मा॒कं सर्व॑-म॒स्त्व ना॑तु॒रं ।
 ओष॑धय॒ स्सँव॑दन्ते सो॒मेन॑ सह रा॒ज्ञा ।
 यस्मै॑ क॒रोति॑ ब्रा॒ह्मण॑स्त॒ं रा॒जन् पा॑रयाम॒सि ॥ 5

ओं शान्तिः॑ शान्तिः॑ शान्तिः॑ ॥

33 मन्त्र पुष्पं

(TA 1.22.1)

ॐ । योऽपां पुष्पं वेद । पुष्पवान् प्रजावान् पशुमान् भवति ।
चन्द्रमा वा अपां पुष्पम् । पुष्पवान् प्रजावान् पशुमान् भवति ।
य एवं वेद ॥ 1

योऽपामायतनं वेद । आयतनवान् भवति । अग्निर्वा अपामायतनं ।
आयतनवान् भवति । योऽग्नेरायतनं वेद । आयतनवान् भवति ।
आपो वा अग्नेरायतनं । आयतनवान् भवति । य एवं वेद ॥ 2

योऽपामायतनं वेद । आयतनवान् भवति । वायुर्वा अपामायतनं ।
आयतनवान् भवति । यो वायोरायतनं वेद । आयतनवान् भवति ।
आपो वै वायोरायतनं । आयतनवान् भवति । य एवं वेद ॥ 3

योऽपामायतनं वेद । आयतनवान् भवति । असौ वै तपन्नपा-मायतनं ।
आयतनवान् भवति । योऽमुष्य-तपत आयतनं वेद ।
आयतनवान् भवति । आपोवा अमुष्य-तपत आयतनं ।

आ॒य॒त॒न॒वा॒न् भ॒व॒ति । य ए॒वं वे॒द ॥ 4

योऽपा॒मा॒य॒त॒नं वे॒द । आ॒य॒त॒न॒वा॒न् भ॒व॒ति । च॒न्द्र॒मा वा अ॒पा॒मा॒य॒त॒नं ।
आ॒य॒त॒न॒वा॒न् भ॒व॒ति । यश्च॒न्द्र॒म॒स आ॒य॒त॒नं वे॒द । आ॒य॒त॒न॒वा॒न् भ॒व॒ति ।
आ॒पो वै च॒न्द्र॒म॒स आ॒य॒त॒नं । आ॒य॒त॒न॒वा॒न् भ॒व॒ति । य ए॒वं वे॒द ॥ 5

योऽपा॒मा॒य॒त॒नं वे॒द । आ॒य॒त॒न॒वा॒न् भ॒व॒ति । नक्ष॒त्रा॒णि वा अ॒पा॒मा॒य॒त॒नं ।
आ॒य॒त॒न॒वा॒न् भ॒व॒ति । यो नक्ष॒त्रा॒णा-मा॒य॒त॒नं वे॒द । आ॒य॒त॒न॒वा॒न् भ॒व॒ति ।
आ॒पो वै नक्ष॒त्रा॒णा-मा॒य॒त॒नं । आ॒य॒त॒न॒वा॒न् भ॒व॒ति । य ए॒वं वे॒द ॥ 6

योऽपा॒मा॒य॒त॒नं वे॒द । आ॒य॒त॒न॒वा॒न् भ॒व॒ति । पर्ज॒न्यो वा अ॒पा॒मा॒य॒त॒नं ।
आ॒य॒त॒न॒वा॒न् भ॒व॒ति । यः पर्ज॒न्य-स्या॒य॒त॒नं वे॒द । आ॒य॒त॒न॒वा॒न् भ॒व॒ति ।
आ॒पो वै पर्ज॒न्य-स्या॒य॒त॒नं । आ॒य॒त॒न॒वा॒न् भ॒व॒ति । य ए॒वं वे॒द ॥ 7

योऽपा॒मा॒य॒त॒नं वे॒द । आ॒य॒त॒न॒वा॒न् भ॒व॒ति । सँव॒त्स॒रो वा अ॒पा॒मा॒य॒त॒नं ।
आ॒य॒त॒न॒वा॒न् भ॒व॒ति । यस्सँव॒त्स॒र-स्या॒य॒त॒नं वे॒द । आ॒य॒त॒न॒वा॒न् भ॒व॒ति ।
आ॒पो वै सँव॒त्स॒र-स्या॒य॒त॒नं । आ॒य॒त॒न॒वा॒न् भ॒व॒ति । य ए॒वं वे॒द ॥ 8

योऽप्सु॑ ना॒वं॒ प्रति॑ष्ठि॒तां वे॑द । प्र॒त्ये॒वति॑ष्ठति ॥ 9

Other Mantras Chanted with "Mantra Pushpam".

रा॒जा॒धि॒रा॒जाय॑ प्र॒सह्य॑ सा॒हिने॑ । नमो॑ वयं॒ वैश्र॑व॒णाय॑ कु॒र्महे॑ ।

स मे॒ कामा॑न् काम॒कामा॑य॒ मह्यं॑ । कामे॑श्चरो॒ वैश्र॑व॒णो द॑दातु ।

कु॒बे॒राय॑ वैश्र॒वणाय॑ । म॒हा॒रा॒जाय॑ नमः॑ ॥ 1 (TA 1.31.6)

ओं॑ तद्ब्र॒ह्मा । ओं॑ तद्वा॒युः । ओं॑ तदा॒त्मा । ओं॑ तत्स॒त्यं ।

ओं॑ तत्सर्वं॑ । ओं॑ तत्पु॒रोर्नमः॑ । अ॒न्तश्च॑रति॒ भू॒तेषु॑ गु॒हायां॑ वि॒श्वमूर्ति॑षु ।

त्वम्-यँ॑ ज॒स्त्वं-वँ॑ षट्कार॒स्त्वं-मि॒न्द्रस्त्वँ॑-रु॒द्रस्त्वं-

विँ॑ ष्णु॒स्त्वं-ब्र॒ह्मत्वं॑ प्र॒जाप॑तिः ।

त्वन्त॑दाप॒ आपो॑ ज्योती॒रसोऽमृ॑तं ब्र॒ह्म भू॑र्भुव॒स्सुव॑रोम् ॥ 2 (TA .6.68.1)

न क॑र्मणा न प्र॒जया॑ धने॒न त्या॑गेनै॒के अ॑मृत॒त्व-मा॑नशुः ।

प॑रेण नाकं नि॒हितं॑ गु॒हायां॑ वि॒भ्राज॑देत-द्य॒तयो॑ वि॒शन्ति॑ ॥

वे॒दान्त॑वि॒ज्ञान॑ सु॒निश्चि॑तार्था-स्स॒न्यास॑ यो॒गाद्य॑त-यश्शु॒द्ध स॑त्वाः ।

ते ब्रह्मलोके तु परान्तकाले परामृतात् परिमुच्यन्ति सर्वे ॥

दहं विपापं परमैश्वरभूतं यत्पुण्डरीकं पुरमध्य सञ्स्थं ।

तत्रापि दहं गगनं विशोक-स्तस्मिन् यदन्तस्त-दुपासितव्यं ॥

यो वेदादौ स्वरः प्रोक्तो वेदान्ते च प्रतिष्ठितः ।

तस्य प्रकृति-लीनस्य यः परस्स महेश्वरः ॥ 3 (TA .6.12.3)

यो वै तां ब्रह्मणो वेद । अमृतेनावृतां पुरीम् (पुरीम्) ।

तस्मै ब्रह्म च ब्रह्मा च । आयुः कीर्तिं प्रजां ददुः ॥ 4 (TA 1.27.3)

34 अघमर्षण सूक्तं

(TA .6.1.12)

हिरण्यशृङ्गं वरुणं प्रपद्ये तीर्थं मे देहि याचितः ।

यन्मया भुक्त-मसाधूनां पापेभ्यश्च प्रतिग्रहः ।

यन्मे मनसा वाचा कर्मणा वा दुष्कृतं कृतं ।

तन्न इन्द्रो वरुणो बृहस्पति-स्सविता च पुनन्तु पुनः पुनः ।

नमो॑ऽनये॑ ऽप्सु॑मते॒ नम॑ इन्द्रा॑य नमो॑ वरु॑णाय नमो॑
 वारु॑ण्यै नमो॑ऽद्भ्यः॑ ॥ 1

यदपां॑ क्रू॒रं य॑दमे॒ध्यं य॑दशान्तं॑ तदप॑गच्छतात् ।
 अत्या॑शनादती॑-पाना॒द्यच्च॑ उ॒ग्रात् प्र॑तिग्रहात्॑ ॥
 तन्नो॑ वरु॑णो रा॒जा पा॒णिना॑-ह्यवम॑र्शतु ।
 सोऽह॑मपा॒पो वि॒रजो॑ निर्मु॒क्तो मु॒क्तकि॑ल्बिषः ।
 नाक॑स्य पृ॒ष्ठ मारु॑ह्य गच्छेद् ब्र॒ह्मस॑ लो॒कतां॑ ।
 यश्चाप्सु॑ वरु॑णस्स पु॒नात्व॑घम॑र्षणः ।
 इ॒मं मे॑ ग॒ङ्गे यमु॑ने सर॒स्वति॑ शु॒तुद्रि॑ स्तोम॑ः सच॒ता प॑रु॒ष्णि॒या ।
 अ॒सि॒क्नि॒या म॑रु॒द्वृधे॑ वि॒तस्त॑या ऽऽर्जी॑कीये शु॒णु॒ह्या सु॑षो॒मया॑ ।
 ऋ॒तं च॑ स॒त्यं चा॒भीद्द्वा॑-तप॒सो-ऽध्य॑जायत ।
 ततो॑ रा॒त्रि रजा॑यत॒ तत॑-स्समु॒द्रो अ॑र्णवः ॥ 2

समु॒द्रादर्ण॑वा-दधि॑ सम॑व॒त्सरो॑ अ॒जाय॑त ।
 अ॒होरा॑त्राणि वि॒दध॑-द्वि॒श्वस्य॑ मि॒षतो॑ व॒शी ।
 सू॒र्या च॒न्द्रम॑सौ धा॒ता य॑थापूर्व॑-म॒कल्प॑यत् ।
 दि॒वं च॑ पृ॒थि॒वीं चा॒न्तरि॑क्ष-म॒थो सु॑वः ।
 यत्पृ॒थि॒व्याꣳ र॑ज॒स्स्व मा॒न्तरि॑क्षे वि॒रोद॑सी ।
 इ॒माꣳ स्त॑दापो वरु॒णः पु॒नात्व॑घमर्ष॒णः ।
 पु॒नन्तु॑ वस॒वः पु॒नातु॑ वरु॒णः पु॒नात्व॑घमर्ष॒णः ।
 ए॒ष भू॒तस्य॑ म॒ध्ये भु॒वन॑स्य गो॒प्ता ।
 ए॒ष पु॒ण्यकृ॑तां लो॒का॒नेष॑ मृ॒त्योर्. हि॒र॒ण्म॒यम् ॥
 द्या॒वा पृ॒थि॒व्योर्. हि॒र॒ण्म॒यꣳ सꣳ श्रि॑तꣳ सु॑वः ॥ 3

स॒न-स्सु॒व-स्सꣳ शि॑शाधि । आ॒र्द्रं ज्व॑लति ज्योति॑-र॒ह॒म॒स्मि ।
 ज्योति॑ ज्व॒लति॑ ब्र॒ह्मा॒ह-म॒स्मि । योऽ॒ह-म॒स्मि ब्र॒ह्मा॒ह-म॒स्मि ।
 अ॒ह॒म॒स्मि ब्र॒ह्मा॒ह-म॒स्मि । अ॒ह॒मे॒वा॒हं मां जु॑होमि स्वाहा ॥

अ॒का॒र्य॒-का॒र्य॒व॒-की॒र्णी स्ते॒नो भ्रू॒णहा॒ गु॒रु॒तल्प॒गः ।

वरु॒णोऽपा॒-म॒घम॒र्ष॒ण-स्तस्मा॑त् पा॒पात्प्र॑मुच्यते ।

र॒जोभू॑मि॒-स्त्व॒माꣳ रो॒दय॑स्व प्र॒वद॑न्ति धी॒राः ।

आ॒क्रान्त्स॒मु॒द्रः प्र॒थमे॑ वि॒धर्म॑ञ्ज॒नय॑न् प्र॒जा भु॑वन॒स्य रा॒जा ।

वृ॒षा प॒वि॒त्रे अ॒धिसा॑नो अ॒व्ये बृ॒ह॒त्सो॑मो वा॒वृ॒धे सु॒वान॑ इ॒न्दुः ॥ 4

35 त्रिसुपर्ण मन्त्रः

(TA .6.38.1)

ब्र॒ह्म॑ मे॒तु मां॑ । म॒धु मे॒तु मां॑ । ब्र॒ह्म॑ मे॒व म॒धु मे॒तु मां॑ ।
 या॒स्ते सोम॑ प्र॒जाव॑त्सोऽभि॒सो अ॒हं । दु॒ष्व॒प्न॒ह॒न्दुरु॑ष्ष॒ह ।
 या॒स्ते सोम॑ प्रा॒णाञ् स्ताञ्जु॑होमि । त्रि॒सुपर्ण॑ मया॒चितं॑ ब्रा॒ह्म॒णाय॑ दद्यात् ।
 ब्र॒ह्म॒ह॒त्यां वा॑ ए॒ते घ्न॑न्ति । ये ब्रा॒ह्म॒णा-स्त्रि॑सुपर्णं प॒ठन्ति॑ ।
 ते सोमं॑ प्राप्नुवन्ति । आ॒स॒ह॒स्रात् प॒ङ्क्तिं पुन॑न्ति । ओं ॥ 1

ब्र॒ह्म॑ मे॒धया॑ । म॒धु मे॒धया॑ । ब्र॒ह्म॑मे॒व म॒धु मे॒धया॑ ।
 अ॒द्या नो॑ दे॒व स॒वितः॑ प्र॒जाव॑त्सा॒वी-स्सौ॑भ॒गं ।
 परा॑ दु॒ष्व॒प्निय॑ सु॒व । वि॒श्वानि॑ दे॒व स॒वितर्-दु॒रि॒तानि॑ परा॒सुव॑ ।
 य॒द्भ॒द्रं त॒न्म आ॑सुव । म॒धुवा॑ता ऋ॒ताय॑ते म॒धुक्ष॑रन्ति सि॒न्धवः॑ ।
 मा॒ध्वीर्-न॑स्सन्त्वोष॒धीः । म॒धुन॑क्तं मु॒तोष॑सि म॒धुम॑त्पार्थि॒वञ् रजः॑ ।
 म॒धुद्यौ॑रस्तु नः पि॒ता । म॒धुमा॑न्नो व॒नस्प॑तिर्-म॒धुमा॑ अस्तु सूर्यः॑ ।
 मा॒ध्वीर्गा॒वो भ॑वन्तु नः । य इ॒मं त्रि॑सुपर्णं-मया॒चितं॑ ब्रा॒ह्म॒णाय॑ दद्यात् ।
 भ्रू॒ण॒ह॒त्यां वा॑ ए॒ते घ्न॑न्ति । ये ब्रा॒ह्म॒णा-स्त्रि॑सुपर्णं प॒ठन्ति॑ ।

ते सोमं प्राप्नुवन्ति । आसहस्रात् पङ्क्तिं पुनन्ति । ओं ॥ 2

ब्रह्म मेधवा ॥ मधु मेधवा ॥ ब्रह्म मेव मधु मेधवा ॥

ब्रह्मा देवानां पदवीः कवीना-मृषिर्-विप्राणां महिषो मृगाणां ।

श्येनो गृध्राणां ७ स्वधितिर्-वनानां ७ सोमः पवित्र-मत्येति रेभन् ।

ह ७ स-श्शुचिष-द्वसुरन्तरिक्ष-सद्धोता- वेदिष-दतिथिर्-दुरोणसत् ।

नृषद्वर-सदृत-सद्व्योम-सदब्जा- गोजा ऋतजा

अद्रिजा ऋतं बृहत् । 3

ऋचेत्वा रुचेत्वा समि-थ्स्रवन्ति सरितो न धेनाः ।

अन्तर्. हृदा मनसा पूयमानाः । घृतस्य धारा अभिचाकशीमि ।

हिरण्ययो वेतसो मध्य आसाम् ।

तस्मिन्त्सुपर्णो मधुकृत् कुलायी भजन्नास्ते मधु देवताभ्यः ।

तस्यासते हरय-स्सप्ततीरै स्वधां दुहाना अमृतस्य धारां ।

य इ॒दं त्रि॑सु॒पर्ण॑-मया॑चितं ब्रा॒ह्म॒णाय॑ दद्यात् ।
वी॒र॒ह॒त्यां वा॑ ए॒ते घ्न॑न्ति । ये ब्रा॒ह्म॒णा-स्त्रि॑सु॒पर्णं॑ प॒ठन्ति॑ ।
ते सो॒मं प्राप्नु॑वन्ति । आ॒स॒ह॒स्रात् प॒ङ्क्तिं॑ पु॒नन्ति॑ । ओं ॥ 4

36 जयादि होमः

TS 3.4.4

(एतत् कर्म समृद्ध्यर्थं जयादि होमं करिष्ये)

चित्तञ्च स्वाहा – चित्ताय इदं न मम ॥	1
चित्तिश्च स्वाहा – चित्त्या इदं न मम ॥	2
आकूतञ्च स्वाहा – आकूताय इदं न मम ॥	3
आकूतिश्च स्वाहा – आकूत्या इदं न मम ॥	4
विज्ञातञ्च स्वाहा – विज्ञाताय इदं न मम ॥	5
विज्ञानश्च स्वाहा – विज्ञानाय इदं न मम ॥	6
मनश्च स्वाहा – मनस इदं न मम ॥	7
शक्वरीश्च स्वाहा – शक्वरीभ्य इदं न मम ॥	8
दर्शाश्च स्वाहा – दर्शाय इदं न मम ॥	9
पूर्णमासश्च स्वाहा – पूर्णमासाय इदं न मम ॥	10
बृहच्च स्वाहा – बृहत इदं न मम ॥	11
रथन्तरश्च स्वाहा – रथन्तराय इदं न मम ॥	12

प्र॒जा॒प॒ति॑-॒र्ज॒या॒नि॒न्द्रा॒य॒ वृ॒ष्णे॒ प्रा॒य॒च्छ-॒दु॒ग्रः॑ पृ॒त॒ना-॒ज्ये॒ष्ठ॒ तस्मै॑
वि॒श्व॒ स्स॒म॒न॒म॒न्त॒ सर्वा॒स्स॒ उ॒ग्र॒ स्स॒हि॒ ह॒व्यो॑ ब॒भू॒व॒ स्वाहा॑ ।

प्रजापतय इदं न मम ॥

13

TS 3.4.5

अ॒ग्नि॒ भू॒ता॒ना-॒म॒धि॒प॒ति॑ -॒स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-
मा॒शि॒ष्य॒स्यां॑ पु॒रो॒धा॒या-॒म॒स्मिन्॑ क॒र्म॒न्न॒स्यां॑ दे॒व॒हू॒त्या॑ स्वाहा॑ ।

अग्नय इदं न मम ॥

14

इ॒न्द्रो॑ ज्ये॒ष्ठाना॑-॒म॒धि॒प॒ति॑-॒स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-
मा॒शि॒ष्य॒स्यां॑ पु॒रो॒धा॒या-॒म॒स्मिन्॑ क॒र्म॒न्न॒स्यां॑ दे॒व॒हू॒त्या॑ स्वाहा॑ ।

इन्द्राय इदं न मम ॥

15

य॒मः॑ पृ॒थि॒व्यो॑ऽधि॒प॒ति॑ स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-
मा॒शि॒ष्य॒स्यां॑ पु॒रो॒धा॒या-॒म॒स्मिन्॑ क॒र्म॒न्न॒स्यां॑ दे॒व॒हू॒त्या॑ स्वाहा॑ ।

यमाय इदं न मम ॥

16

वा॒यु-॒र॒न्त॒रि॒क्ष॒स्या-॒धि॒प॒ति॑ स्स॒मा॒व॒त्त्व॒स्मिन्॑ ब्र॒ह्म॒न्न॒स्मिन्॑ क्ष॒त्रे॒ऽस्या-

मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ॥

वायव इदं न मम ॥

17

सू॒र्यो दि॒वोऽधि॑पति स्स॒माव॑त्वस्मिन् ब्र॒ह्म॒न्न॒स्मिन् क्ष॒त्रेऽस्या॑-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ॥

सूर्याय इदं न मम ॥

18

च॒न्द्र॒मा नक्ष॑त्राणा-म॒धि॒पति॑ स्स॒माव॑त्वस्मिन् ब्र॒ह्म॒न्न॒स्मिन् क्ष॒त्रेऽस्या॑-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ॥

चन्द्रमस इदं न मम ॥

19

बृ॒ह॒स्पति॑र्-ब्र॒ह्म॒णोऽधि॑पति स्स॒माव॑त्वस्मिन् ब्र॒ह्म॒न्न॒स्मिन् क्ष॒त्रेऽस्या॑-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ॥

बृहस्पतय इदं न मम ॥

20

मि॒त्र-स्स॒त्याना॑-म॒धि॒पति॑ स्स॒माव॑त्वस्मिन् ब्र॒ह्म॒न्न॒स्मिन् क्ष॒त्रेऽस्या॑-
मा॒शि॒ष्य॒स्यां पु॒रो॒धाया॑-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ॥

मित्राय इदं न मम ॥

21

वरु॑णोऽ॒पाम॑धि॒पति॑ स्स॒माव॑त्वस्मिन् ब्र॒ह्म॑न्नस्मिन् क्ष॒त्रेऽ॒स्या-
मा॒शिष्य॑स्यां पु॒रो॒धाया॑-मस्मिन् कर्म॑न्नस्यां दे॒वहू॑त्या॒ स्वाहा॑ ॥

वरुणाय इदं न मम ॥

22

समु॒द्रः स्रो॑त्याना-मधि॒पति॑ स्स॒माव॑त्वस्मिन् ब्र॒ह्म॑न्नस्मिन् क्ष॒त्रेऽ॒स्या-
मा॒शिष्य॑स्यां पु॒रो॒धाया॑-मस्मिन् कर्म॑न्नस्यां दे॒वहू॑त्या॒ स्वाहा॑ ॥

समुद्राय इदं न मम ॥

23

अन्न॑ साम्रा॒ज्याना॑-मधि॒पति॑-तन्मा॑वत्वस्मिन् ब्र॒ह्म॑न्नस्मिन् क्ष॒त्रेऽ॒स्या-
मा॒शिष्य॑स्यां पु॒रो॒धाया॑-मस्मिन् कर्म॑न्नस्यां दे॒वहू॑त्या॒ स्वाहा॑ ॥

अन्नाय इदं न मम ॥

24

सोम॑ ओष॒धीना॑-मधि॒पति॑ स्स॒माव॑त्वस्मिन् ब्र॒ह्म॑न्नस्मिन् क्ष॒त्रेऽ॒स्या-
मा॒शिष्य॑स्यां पु॒रो॒धाया॑-मस्मिन् कर्म॑न्नस्यां दे॒वहू॑त्या॒ स्वाहा॑ ॥

सोमाय इदं न मम ॥

25

स॒वि॒ता प्र॒स॒वा॒ना-म॒धि॒प॒ति स्स॒मा॒व॒त्त्व॒स्मिन् ब्र॒ह्म॒न्न॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धा॒या-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ।

सवि॒त्र इ॒दं न म॒म ॥

26

रु॒द्रः प॒शूना॑म॒धि॒प॒ति स्स॒मा॒व॒त्त्व॒स्मिन् ब्र॒ह्म॒न्न॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धा॒या-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ।

रु॒द्राय॑ इ॒दं न म॒म ॥

27

(अप उपस्पृश्य – This is not a Mantra, but an instruction to
cleanse your hand with water)

त्व॒ष्टा रू॒पा॒णा-म॒धि॒प॒ति स्स॒मा॒व॒त्त्व॒स्मिन् ब्र॒ह्म॒न्न॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धा॒या-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ।

त्वष्ट्र॑ इ॒दं न म॒म ॥

28

वि॒ष्णुः प॒र्व॒ता॒ना-म॒धि॒प॒ति स्स॒मा॒व॒त्त्व॒स्मिन् ब्र॒ह्म॒न्न॒स्मिन् क्ष॒त्रेऽ॒स्या-
मा॒शि॒ष्य॒स्यां पु॒रो॒धा॒या-म॒स्मिन् क॒र्म॒न्न॒स्यां दे॒व॒हू॒त्या॒ स्वाहा॑ ।

विष्णव इदं न मम ॥

29

मरुतो॑ गणाना॑-मधि॑पतयस्ते-मा॑ऽवन्त्वस्मिन् ब्रह्म॑न्नस्मिन् क्षत्रे॑ऽस्या-
मा॑शिष्यस्यां पु॒रो॒धाया॑-मस्मिन् कर्म॑न्नस्यां दे॒वहू॑त्या॒ स्वाहा॑ ॥

मरुद्भ्य इदं न मम ॥

30

पितरः॑ पितामहाः परे॑ऽवरे तता॑स्तता॒ महा॑ इ॒हमा॑ऽवतस्मिन् ब्रह्म॑न्नस्मिन्
क्षत्रे॑ऽस्या- मा॑शिष्यस्यां पु॒रो॒धाया॑-मस्मिन् कर्म॑न्नस्यां
दे॒वहू॑त्या॒ स्वाहा॑ ॥ पितृ॑भ्य इदं न मम ॥

31

मन्त्रोक्त देवताभ्य इदं न मम

(अप उपस्पृश्य -This is not a Mantra, but an instruction to
cleanse your hand with water)

TS 3.4.7 (upto Para 53)

ऋ॒ता॒षा॒ङ् ऋ॒त॒धा॒मा॑ऽग्निर्-गन्ध॑र्व-स्तस्यौष॑धयो-ऽप्सर॑स ऊ॒र्जो॑ नाम
स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्मक्ष॒त्रं पा॑न्तु तस्मै॑ स्वाहा॑ ॥

अग्नये गन्धर्वाय इदं न मम ॥

32

ता॒भ्यः॑ स्वाहा॑ ॥ ओष॑धीभ्यो-ऽप्सरो॑भ्य इदं न मम ॥

33

स॒ङ्॒हि॒तो॒ वि॒श्व॒सा॒मा॒ सूर्यो॑ गन्धर्वस्तस्य मरीचयो ऽप्सरस॑ आयुवो
नाम॒ स इ॒दं ब्र॒ह्म॒ क्ष॒त्रं पा॒तु ता इ॒दं ब्र॒ह्म॒ क्ष॒त्रं पा॒न्तु तस्मै॑ स्वाहा॑ ।
सूर्याय॑ गन्धर्वाय॑ इदं न मम ॥ 34

ताभ्यः॑ स्वाहा॑ । मरीचिभ्यो॑ ऽप्सरोभ्य॑ इदं न मम ॥ 35

सु॒षु॒म्न॒ स्सूर्य॑रश्मि-श्चन्द्र॑मा गन्धर्वस्तस्य नक्षत्राण्य॑-प्सरसो॑ बेकुरयो॑
नाम॒ स इ॒दं ब्र॒ह्म॒ क्ष॒त्रं पा॒तु ता इ॒दं ब्र॒ह्म॒ क्ष॒त्रं पा॒न्तु तस्मै॑ स्वाहा॑ ।
चन्द्रमसे॑ गन्धर्वाय॑ इदं न मम ॥ 36

ताभ्यः॑ स्वाहा॑ । नक्षत्रेभ्यो॑-ऽप्सरोभ्य॑ इदं न मम ॥ 37

भु॒ज्यु॒स्सु॒पर्णो॑ यज्ञो गन्धर्वस्तस्य दक्षिणा॑ अप्सरस॑-स्तवा
नाम॒ स इ॒दं ब्र॒ह्म॒ क्ष॒त्रं पा॒तु ता इ॒दं ब्र॒ह्म॒ क्ष॒त्रं पा॒न्तु तस्मै॑ स्वाहा॑ ।
यज्ञाय॑ गन्धर्वाय॑ इदं न मम ॥ 38

ताभ्यः॑ स्वाहा॑ । दक्षिणाभ्यो॑ ऽप्सरोभ्य॑ इदं न मम ॥ 39

प्र॒जा॒प॒तिर्-वि॒श्व॒कर्मा॑ मनो गन्धर्वस्तस्य- र॒ख् स॒र्मान्य॑-प्सरसो॑
व॒ह्नयो॑ नाम॒ स इ॒दं ब्र॒ह्म॒ क्ष॒त्रं पा॒तु ता इ॒दं ब्र॒ह्म॒ क्ष॒त्रं पा॒न्तु

तस्मै॑ स्वाहा॑ । मन॑से गन्ध॑र्वाय इदं न मम ॥ 40

ताभ्यः॑ स्वाहा॑ । ऋ॒ख् सामे॑भ्यो-ऽप्सरो॑भ्य इदं न मम ॥ 41

इ॒षिरो॑ वि॒श्वव्य॑चा वा॒तो गन्ध॑र्वस्तस्यापो॑-ऽप्सर॑सो मु॒दा नाम॑
स इदं॑ ब्र॒ह्म क्ष॒त्रं पा॒तु ता इदं॑ ब्र॒ह्म क्ष॒त्रं पा॒न्तु तस्मै॑ स्वाहा॑ ।

वा॒ताय॑ गन्ध॑र्वाय इदं न मम ॥ 42

ताभ्यः॑ स्वाहा॑ । अ॒द्भ्योऽप्सरो॑भ्य इदं न मम ॥ 43

भु॒वन॑स्य प॒ते यस्य॑त उ॒परि॑ गृ॒हा इ॒ह च॑ ।

स॒नो - रा॒स्वाज्या॑निꣳ रा॒यस्पोष॑ꣳ सु॒वीर्य॑ꣳ सं॒वँत्स॒रीणाꣳ

स्व॒स्तिꣳ स्वाहा॑ । भु॒वन॑स्य प॒त्ये इदं॑ न मम ॥ 44

प॒रमे॑ष्ठ्यधि॒पति॑र्-मृ॒त्युर्-गन्ध॑र्वस्तस्य वि॒श्वम॑प्सर॒सो भु॒वो नाम॑
स इदं॑ ब्र॒ह्म क्ष॒त्रं पा॒तु ता इदं॑ ब्र॒ह्म क्ष॒त्रं पा॒न्तु तस्मै॑ स्वाहा॑ ।

मृ॒त्यवे॑ गन्ध॑र्वाय इदं न मम ॥ 45

ताभ्यः॑ स्वाहा॑ । वि॒श्वस्मा॑ ऽप्सरो॑भ्य इदं न मम ॥ 46

सु॒क्षि॒ति-स्सु॑भू॒तिर्-भ॒द्रकृ॑त् सु॒वर्वा॑न् प॒र्जन्यो॑ गन्ध॑र्वस्तस्य वि॒द्युतो॑
ऽप्सर॑सो रु॒चो नाम॑ स इदं॑ ब्र॒ह्म क्ष॒त्रं पा॒तु ता इदं॑ ब्र॒ह्म क्ष॒त्रं

॥
पान्तु॒ तस्मै॒ स्वाहा॑ । पर्जन्याय॑ गन्धर्वाय॑ इदं न मम ॥ 47

॥
ताभ्यः॒ स्वाहा॑ । विद्युद्भ्यो-ऽप्सरोभ्य॑ इदं न मम ॥ 48

दूरे॑ हेतिरमृडयो॑ मृत्युर् गन्धर्वस्तस्य॑ प्रजा॑ अप्सरसो॑ भीरुवो॑
नाम॒ स इदं॒ ब्रह्म॑ क्षत्रं॒ पातु॑ ता इदं॒ ब्रह्म॑ क्षत्रं॒ पान्तु॑ तस्मै॒ स्वाहा॑ ।
मृत्यवे॑ गन्धर्वाय॑ इदं न मम ॥ 49

॥
ताभ्यः॒ स्वाहा॑ । प्रजाभ्यो-ऽप्सरोभ्य॑ इदं न मम ॥ 50

चारुः॑ कृपण॑ काशी॑ कामो॑ गन्धर्वस्त-स्याधयो॑-ऽप्सरस-
श्शोचयन्तीर् नाम॒ स इदं॒ ब्रह्म॑ क्षत्रं॒ पातु॑ ता इदं॒ ब्रह्म॑ क्षत्रं॒
॥ पान्तु॑ तस्मै॒ स्वाहा॑ । कामाय॑ गन्धर्वाय॑ इदं न मम ॥ 51

॥
ताभ्यः॒ स्वाहा॑ । आधिभ्यो-ऽप्सरोभ्य॑ इदं न मम ॥ 52

सनो॑ भुवनस्य॑ पते॑ यस्य॑त उपरि॑ गृहा॑ इह॑ च ।

उरु॑ ब्रह्मणे॒स्मै क्षत्राय॑ महि॑ शर्म॑ यच्छ॑ स्वाहा॑ ।

भुवनस्य॑पत्ये॑ ब्रह्मण॑ इदं न मम ॥ 53

(Recite in mind) (TS 1.8.14.2)

प्रजापते॑ नत्वदे॒ता-न्यन्यो॑ वि॒श्वा जा॒तानि॑ परि॒ता ब॑भूव ।

यत्का॑मास्ते जुहु॒मास्तन्नो॑ अस्तु वय॑ꣳ स्याम॑ पत॑यो रयी॒णाꣳ स्वाहा॑ ॥

प्रजापतय इदं न मम ॥ (mind recital ends) 54

॥
भू॒ स्स्वाहा॑ - अ॒ग्नय॑ इदं न मम ॥ 55

॥
भुव॒ स्स्वाहा॑ - वा॒यव॑ इदं न मम ॥ 56

॥
सुव॒ स्स्वाहा॑ - सू॒र्याय॑ इदं न मम ॥ 57

यदस्य॑ कर्म॒णो ऽत्य॑रीरिचं॒ यद्वा-न्यून॑- मिहा॒करं॑ ।

अ॒ग्निष्टत् स्वि॑ष्टकृतत् वि॒द्वान् स्सर्व॑ꣳ स्विष्ट॑ꣳ सुहु॑तं करोतु॒ स्वाहा॑ ॥

अ॒ग्नये॑ स्विष्टकृत इदं न मम ॥ 58

Instructions, not Mantra - (परिध्यञ्जनं न लेपकार्यं परिधि

प्रहरः इतरौ प्रहरन्-आधार समिधौ प्रहत्यसꣳ स्रावं जुहोति ।)

॥
स्वाहा॑ । वसु॑भ्यो रु॒द्रेभ्यः॑ आ॒दित्ये॑भ्यः सꣳ स्राव॑ भा॒गेभ्यः॑

इदं न मम ॥ 59

अस्मिन् होम कर्मणि मद्ध्ये संभावित मन्त्रलोभादि

सकल दोषस्य प्रायश्चित्तार्थं सर्वप्रायश्चित्तं होष्यामि ।

ओं भूर्भुवस्सुव स्स्वाहा ॥ – प्रजापतय इदं न मम ॥

60

ज्ञाता-ज्ञात दोष निर्हरणार्थं अनाज्ञात त्रय होमं करिष्ये ।

अनाज्ञातं यँदाज्ञातं । यज्ञस्य क्रियते मिथु ।

अग्ने तदस्य कल्पय । त्वँहि वेत्थे यथा तथञ् स्वाहा ॥

अग्नय इदं न मम ॥

1

पुरुष सम्मितो यज्ञः । यज्ञः पुरुषसम्मितः ।

अग्ने तदस्य कल्पय । त्वँहि वेत्थे यथा तथञ् स्वाहा ॥

अग्नय इदं न मम ॥

2

यत्पाकत्रा मनसा दीन दक्षान । यज्ञस्य मन्वते मर्त्तासः ।

अग्निष्टद्धोता क्रतु विद्विजानन् । यजिष्ठो देवाँ ऋतुशो यजाति स्वाहा ॥

अग्नय इदं न मम ॥

3

भू स्स्वाहा ॥ – अग्नय इदं न मम ॥

4

भुव॑ स्स्वाहा॑ – वायव॑ इदं॑ न मम॑ ॥	5
सुव॑ स्स्वाहा॑ – सूर्याय॑ इदं॑ न मम॑ ॥	6
ओं भूर्भुव॑स्सुव॑ स्स्वाहा॑ – प्रजापतय॑ इदं॑ न मम॑ ॥	7
श्री॑ विष्णवे॑ स्वाहा॑ – श्री॑ विष्णवे॑ परमात्मन॑ इदं॑ न मम॑ ॥	8
नमो॑ रुद्राय॑ पशुपतये॑ स्वाहा॑ – रुद्राय॑ पशुपतय॑ इदं॑ न मम॑ ॥	9

(अप उपस्पृश्य – This is not a Mantra, but an instruction to cleanse your hand with water)

36.1 वसोर्धारा मन्त्र पाठः

T.S. 5-4-8-1

वसो॑र्धारां॑ जुहोति॑ वसो॑र्मे॑ धारा॑ऽसदिति॑ वा एषा॑ हूयते॑ घृतस्य॑ वा ए॒नमेषा॑
 धारा॑ऽमुष्मिन्॑ लो॒के पि॒न्व॒मानो॑प॒ तिष्ठ॑त आ॒ज्येन॑ जुहोति॑ ते॒जो वा,
 आ॒ज्यं ते॒जो वसो॑र्धारा॑ ते॒जसै॒वास्मै॑ ते॒जोऽव॑ रु॒न्धेऽथो॑ का॒मा वै
 वसो॑र्धारा॑ का॒माने॒वाऽव॑ रु॒न्धे यं॑ का॒मये॑त प्रा॒णान॑स्यान्नाद्यं॑ वि॒,

T.S. 5-4-8-2

च्छि॑न्धामिति॑ वि॒ग्राहं॑ तस्य॑ जुहुयात्॑ प्रा॒णाने॒वास्या॑ऽन्नाद्यं॑ वि॒च्छि॑न॒ति
 यं का॒मये॑त प्रा॒णान॑स्याऽन्नाद्यं॑ स॒न्तनु॑यामिति॑ स॒न्ततां॑ तस्य॑ जुहुयात्॑

प्रा॒णाने॒वास्यान्नाद्य॑ स॒न्तनो॑ति द्वा॒दश॑ द्वा॒दशानि॑, जु॒होति॑ द्वा॒दश॑
मा॒सा॑ स्स॒म्वत्सर॑ स्स॒म्वत्सरेणै॑ वाऽस्मा॒ अन्न॑मव
रु॒न्धे, ऽन्नं॑ च मेऽक्षु॑च्च म॒ इत्या॑है तद् वा

T.S. 5-4-8-3

अ॒न्नस्य॑ रू॒पं रूपे॑णै॒वान्न॑ऽमव रु॒न्धे, ऽग्नि॑श्च म॒ आप॑श्च म॒ इत्या॑हैषा वा
अ॒न्नस्य॑ यो॒निस्स यो॒न्ये॒वान्न॑म॒ऽव रु॒न्धे, -धे॒न्द्राणि॑ जु॒होति॑ दे॒वता॑ ए॒वाऽव
रु॒न्धे यथ् सर्वे॑षा-म॒र्धमिन्द्रः॑ प्र॒ति तस्मा॑दिन्द्रो, दे॒वता॑नां भूयि॒ष्ठभा॑क्तम॒
इन्द्र॑मु॒त्तर॑माहे-न्द्रि॒यमे॒वाऽस्मि-न्नु॒परि॑ष्ठाद॒धाति॑, य॒ज्ञायु॑धानि जु॒होति॑ य॒ज्ञो

T.S. 5-4-8-4

वै य॒ज्ञायु॑धानि य॒ज्ञमे॒वाऽव रु॒न्धेऽथो॑ ए॒तद्वै य॒ज्ञस्य॑ रू॒पं रूपे॑णै॒व य
ज्ञ॑मव रु॒न्धे, ऽव॑भृथश्च मे॒ स्वगा॑कारश्च म॒ इत्या॑ह स्व॒गाकृ॑त्या, अ॒ग्निश्च॑ मे
घ॒र्मश्च॑ म॒ इत्या॑हैतद् वै ब्र॒ह्मव॑र्चसस्य रू॒पं रूपे॑णव ब्र॒ह्मव॑र्चसमव
रु॒न्ध, ऋ॑क्च मे॒ साम॑ च म॒ इत्या॑है

T.S. 5-4-8-5

तद्वै छन्दसा॑ ७ रूपं॑ रूपेणै॒व छन्दा॑ ७स्य॒व रुन्धे॑, गर्भा॑श्च मे॒ वत्सा॑श्च म
 इत्या॑हैतद् वै प॒शूना॑ ७ रूपं॑ रूपेणै॒व प॒शून॑व रुन्धे॑, कल्पा॑ञ्जुहोत्य
 क॒ळ॒प्तस्य॑ क॒ल्प॒त्यै यु॒ग्मद॑ यु॒जे जु॒होति॑ मिथु॒नत्वायो॑-॒त्तरा॑वती भवतो
 ऽभिक्रान्त्या॑, ए॒का च॑ मे॒ तिस्र॑श्च म॒ इत्या॑ह दे॒वछन्द॑सं वा
 ए॒का च॑ तिस्र॑श्च

T.S. 5-4-8-6

मनु॑ष्यछन्द॑सं च॒तस्र॑श्चाष्टौ च॒ देव॑छन्द॑सं चै॒व मनु॑ष्य छन्द॑सश्चा॒ऽव रुन्धे॑,
 आ॒ त्रय॑स्त्रि॒ ७ श॒तो जु॒होति॑ त्रय॑स्त्रि॒ ७ श॒द्वै दे॒वता॑ दे॒वता॑ ए॒वाऽव॑ रुन्धे॑,
 आ॒ ऽष्टा॑ च॒त्वारि॑ ७ श॒तो जु॒होत्य॑ष्टा च॒त्वारि॑ ७ श॒दक्ष॑रा जगती॒ जाग॑ताः प
 श॒वो ज॑ग॒त्यैवा॑ऽस्मै प॒शून॑व रुन्धे॑, वा॒जश्च॑ प्र॒सव॑श्चेति॒ द्वाद॑शं जु॒होति॑
 द्वाद॑श मा॒सा स्स॑म्व॒त्सर॑ स्स॑म्व॒त्सर॑ ए॒व प्र॑ति तिष्ठति ॥

ओं शान्तिः॑ शान्तिः॑ शान्तिः॑ ॥

36.2 पूर्णाहुतिः

(TB 3.8.10.5)

पूर्णाहुति-मुत्त॑मां जु॒होति॑ । सर्वं॑ वै पूर्णाहुतिः॑ । सर्वमे॑वा॒प्नोति॑ ।
 अथो॑ इ॒यं वै पूर्णाहुतिः॑ । अस्यामे॒व प्र॑ति॒तिष्ठति॑ । स॒प्तते॑ अ॒ग्ने स॒मिध॑
 स्स॒प्तजि॒ह्वा-स्स॒प्तर्ष॑य-स्स॒प्तधा॑म प्रि॒याणि॑ । स॒प्तहो॑त्रा स्स॒प्तधा॑त्वा
 यज॑न्ति स॒प्तयो॒नी रा॑पृ॒णस्वा घृ॑तेन स्वाहा॑ ।

अ॒ग्नये॑ स॒प्तव॑त इ॒दं न॑ म॒म ।

37 घन मन्त्राः

37.1 मे जीवातुः

वाक्यं-मे जीवातुश्च मे, दीर्घायुत्वं च मे, ऽनमित्रं च मे, ऽभयं च मे,
सुगं च मे, शयनं च मे, सूषा च मे, सुदिनं च मे ॥

1. मे जीवातुर्, जीवातुर् मे, मे जीवातुश्च, च जीवातुर् मे,
मे जीवातुश्च ।
2. जीवातुश्च, च जीवातुर्, -जीवातु-श्च मे, मे च जीवातुर्,
जीवातुश्च मे ।
3. च मे, मे च, च मे दीर्घायुत्वं, दीर्घायुत्वं मे च, च मे दीर्घायुत्वं ।
4. मे दीर्घायुत्वं, दीर्घायुत्वं मे, मे दीर्घायुत्वं च, च दीर्घायुत्वं मे,
मे दीर्घायुत्वं च ।
5. दीर्घायुत्वं च, च दीर्घायुत्वं, दीर्घायुत्वं च मे, मे च दीर्घायुत्वं,
दीर्घायुत्वं च मे ।
6. दीर्घायुत्वमिति दीर्घायु - त्वं ।
7. च मे, मे च, च मे ऽनमित्र, मनमित्रं मे च, च मे ऽनमित्रं ।

8. मे-ऽनमित्रं, मनमित्रं मे, मे ऽनमित्रं च, चा नमित्रं मे, मे ऽनमित्रं च ।
9. अनमित्रं च, चा नमित्रं, -मनमित्रं च मे, मे चा नमित्रं,
-मनमित्रं च मे ।
10. च मे, मे च, च मेऽभयं, -मभयं मे च, च मे ऽभयं ।
11. मे ऽभयं, -मभयं मे, मे ऽभयं च, चा भयं मे, मे ऽभयं च ।
12. अभयं च, चा भयं, -मभयं च मे, मे चा भयं, -मभयं च मे ।
13. च मे, मे च, च मे सुगं, सुगं मे च, च मे सुगं ।
14. मे सुगं, सुगं मे, मे सुगं च, च सुगं मे, मे सुगं च ।
15. सुगं च, च सुगं, सुगं च मे, मे च सुगं, सुगं च मे ।
16. सुगमिति सु - गं ।
17. च मे, मे च, च मे शयनं, शयनं मे च, च मे शयनं ।
18. मे शयनं, शयनं मे, मे शयनं च, च शयनं मे, मे शयनं च ।
19. शयनं च, च शयनं, शयनं च मे, मे च शयनं, शयनं च मे ।
20. च मे, मे च, च मे सूषा, सूषा मे च, च मे सूषा ।

21. मे॑ सू॒षा, सू॒षा मे॑, मे सू॒षा च॑, च सू॒षा मे॑, मे सू॒षा च॑ ।
22. सू॒षा च॑, च सू॒षा, सू॒षा च॑ मे, मे च सू॒षा, सू॒षा च॑ मे ।
23. सू॒षेति॑ सु - उ॒षा ।
24. च॑ मे, मे च॑, च॑ मे सु॒दिन॑, सु॒दिनं॑ मे च॑, च॑ मे सु॒दिनं॑ ।
25. मे सु॒दिन॑, सु॒दिनं॑ मे, मे सु॒दिनं॑ च॑, च सु॒दिनं॑ मे, मे सु॒दिनं॑ च॑ ।
26. सु॒दिनं॑ च॑, च सु॒दिन॑, सु॒दिनं॑ च॑ मे, मे च सु॒दिन॑,
सु॒दिनं॑ च॑ मे ।
27. सु॒दिनमि॑ति सु - दि॒नं॑ ।
28. च॑ मे, मे च॑, च॑ मे ।
29. म॑ इति॑ मे ॥

37.2 मयि मेधां मयि प्रजां

वाक्यं – मयि मेधां मयि प्रजां मयि सूर्यो भ्राजो दधातु ॥

1. मयि मेधां, मेधां मयि, मयि मेधां मयि, मयि मेधां मयि,
मयि मेधां मयि ।
2. मेधां मयि, मयि मेधां, मेधां मयि प्रजां, प्रजां मयि मेधां,
मेधां मयि प्रजां ।
3. मयि प्रजां, प्रजां मयि, मयि प्रजां मयि, मयि प्रजां मयि,
मयि प्रजां मयि ।
4. प्रजां मयि, मयि प्रजां, प्रजां मयि सूर्य, स्सूर्यो मयि प्रजां,
प्रजां मयि सूर्यः ।
5. प्रजामिति प्र – जां ।
6. मयि सूर्य, स्सूर्यो मयि, मयि सूर्यो भ्राजो, भ्राज स्सूर्यो मयि,
मयि सूर्यो भ्राजः ।

7. सूर्यो॑ भ्राजो॑, भ्राज॑ स्सूर्य॑, स्सूर्यो॑ भ्राजो॑ दधातु॑, दधातु॑ भ्राज॑ स्सूर्य॑,
स्सूर्यो॑ भ्राजो॑ दधातु॑ ।

8. भ्राजो॑ दधातु॑, दधातु॑ भ्राजो॑, भ्राजो॑ दधातु॑ ।

9. दधा॑त्वि-ति॑ दधातु॑ ॥

तेज॑स्वी यश॑स्वी ब्र॒ह्मव॑र्चसी॒ स्यामि॑ति ।

प्रा॒डा होतु॑-र्धि॑षण्या दु॒थ्स॑र्पेत् ।

येयं॑ प्रा॒गाद् यश॑स्वती । सा॒मा प्रो॑र्णोतु॑ । तेज॑सा यश॑सा ब्र॒ह्मव॑र्चसे॒नेति॑ ।

तेज॑स्-व्ये॒व यश॑स्वी ब्र॒ह्मव॑र्चसी॒ भव॑ति ॥

37.3 मारुत॑ मन॒र्वाणं॑

1. मारु॑त- मन॒र्वाणं॑, मन॒र्वाणं॑ मारु॑तं, मारु॑त-मन॒र्वाणञ् रथे॑शुभञ्,
रथे॑शुभं मन॒र्वाणं॑ मारु॑तं, मारु॑त मन॒र्वाणञ् रथे॑शुभं ।

2. अन॒र्वाणञ् रथे॑शुभञ्, रथे॑शुभ-मन॒र्वाणं॑, -मन॒र्वाणञ् रथे॑शुभं ।

3. रथे॑ शु॒भमि॑ति रथे॑ - शु॒भं ॥

अतो॑तो॒ वा उत्त॑राणि॒ श्रेया॑ञ्सि भव॑न्ति ॥

37.4 सा प्रजां

1. सा प्रजां, प्रजां सा, सा प्रजां पशून्, पशून् प्रजां सा,
सा प्रजां पशून् ।
 2. प्रजां पशून्, पशून् प्रजां, प्रजां पशून् यजमानाय,
यजमानाय पशून् प्रजां, प्रजां पशून् यजमानाय ।
 3. प्रजामिति प्र – जां ।
 4. पशून् यजमानाय, यजमानाय पशून्, पशून् यजमानाय प्र,
प्र यजमानाय पशून् पशून् यजमानाय प्र ।
 5. यजमानाय प्र, प्र यजमानाय, यजमानाय प्र जनयति,
जनयति प्र यजमानाय, यजमानाय प्र जनयति ।
 6. प्र जनयति, जनयति प्र, प्र जनयति ।
 7. जनयतीति जनयति ॥
- एतेन वै देवा जैत्वानि जित्वा । यं कामम-कामयन्त तमाप्नुवन् ।
यं कामं कामयते । तमे तेनाप्नोति ॥

37.5 यस्य पुत्रः

1. यस्य पुत्रः, पुत्रो यस्य, यस्य पुत्रो जातो, जातः पुत्रो यस्य,
यस्य पुत्रो जातः ।
2. पुत्रो जातो, जातः पुत्रः, पुत्रो जात-स्स्या, थस्या-ज्जातः पुत्रः,
पुत्रो जात-स्स्यात् ।
3. जात-स्स्या, थस्या-ज्जातो, जात-स्यात् तेज, स्तेज-स्या ज्जातो,
जात-स्यात् तेजः ।
4. स्या तेजस्ते जस्या थस्यात्तेज एवै व तेजस्या थस्यात्तेज एव ।
5. तेज एवै व तेज, स्तेज एवास्मि, -न्नस्मिन्नेव तेज,
स्तेज एवास्मिन् ॥
6. एवास्मि-न्नस्मिन्ने-, वै-वाऽस्मिन् ब्रह्मवर्चसं,
ब्रह्मवर्चस-मस्मिन्ने वै, वास्मिन् ब्रह्मवर्चसं ।
7. अस्मिन् ब्रह्मवर्चसं, ब्रह्मवर्चस-मस्मि-, न्नस्मिन् ब्रह्मवर्चसं दधाति,
दधाति ब्रह्मवर्चस - मस्मि, -न्नस्मिन् ब्रह्मवर्चसं दधाति ।
8. ब्रह्मवर्चसं दधाति, दधाति ब्रह्मवर्चसं, ब्रह्मवर्चसं दधाति ।

9. ब्रह्मवर्चसमिति ब्रह्म - वर्चसं ।

10. दधातीति दधाति ॥

तेजस्वी यशस्वी ब्रह्मवर्चसी स्यामिति । प्राडा होतु धिष्ण्या दुत्सर्पेत् ।
येयं प्रागा-द्यशस्वति । सामा प्रोर्णोतु । तेजसा यशसा ब्रह्मवर्चसेनेति ।
तेजस् व्येव यशस्वी ब्रह्मवर्चसी भवति ॥

37.6 ये देवा दिवि भागा

वाक्यं - ये देवा दिवि भागा इति कृष्णा जिनमव धूनीतीम एवास्मै लोकाः
प्रीता अभीष्टा भवन्ति ।

1. ये देवा, देवा ये, ये देवा दिविभागा, दिविभागा देवा ये,
ये देवा दिविभागाः ।
2. देवा दिविभागा, दिविभागा देवा, देवा दिविभागा इतीति दिविभागा देवा,
देवा दिविभागा इति ।
3. दिविभागा इतीति दिविभागा, दिविभागा इति कृष्णाजिनं,
कृष्णाजिन-मिति दिविभागा, दिविभागा इति कृष्णाजिनं ।

4. दि॒विभा॒गा इति॑ दि॒वि – भा॒गाः ।
5. इति॑ कृ॒ष्णाजि॒नं, कृ॒ष्णाजि॒न – मि॒तीति॑ कृ॒ष्णाजि॒न-मवा॑व कृ॒ष्णाजि॒न-
मि॒तीति॑ कृ॒ष्णाजि॒न-मव॑ ।
6. कृ॒ष्णाजि॒न-मवा॑व कृ॒ष्णाजि॒नं कृ॒ष्णाजि॒न-मव॑ धू॒नोति॑ धू॒नोत्य॑व कृ॒ष्णाजि॒नं
कृ॒ष्णाजि॒न-मव॑ धू॒नोति॑ ।
7. कृ॒ष्णा जि॒नमि॒ति कृ॒ष्ण – अ॒जिनं॑ ।
8. अव॑ धू॒नोति॑ धू॒नो त्य॑वाव धू॒नोती॑ म इ॒मे धू॒नोत्य॑वाव धू॒नोती॑मे ।
9. धू॒नोती॑म इ॒मे धू॒नोति॑ धू॒नोती॑म ए॒वै वे मे॑ धू॒नोति॑ धू॒नोती॑म ए॒व ।
10. इ॒म ए॒वै वे म॒ इ॒म ए॒वास्मा॑ अ॒स्मा ए॒वेम॑ इ॒म ए॒वास्मै॑ ।
11. ए॒वास्मा॑ अ॒स्मा ए॒वै वा॒स्मै लो॒का लो॒का अ॒स्मा
ए॒वै वा॒स्मै लो॒काः ।
12. अ॒स्मै लो॒का , लो॒का अ॒स्मा, अ॒स्मै लो॒का प्री॒ताः ,
प्री॒ता लो॒का अ॒स्मा, अ॒स्मै लो॒काः प्री॒ताः ।
13. लो॒काः प्री॒ता, प्री॒ता लो॒का, लो॒का प्री॒ता अ॒भीष्टा॑,
अ॒भीष्टा॑ प्री॒ता लो॒का, लो॒का प्री॒ता अ॒भीष्टा॑ः ।

14. प्री॒ता अ॒भीष्टा॑ अ॒भीष्टाः॑ प्री॒ताः प्री॒ता अ॒भीष्टा॑ भवन्ति
भवन्त्य॒भीष्टाः॑ प्री॒ताः प्री॒ता अ॒भीष्टा॑ भवन्ति ।
15. अ॒भीष्टा॑ भवन्ति भवन्त्य॒भीष्टा॑ अ॒भीष्टा॑ भवन्ति ।
16. अ॒भीष्टा॑ इत्य॒भि – इष्टाः॑ ।
17. भव॒न्तीति॑ भवन्ति ॥

हृद॑यं यजू॑षि प॒त्न्यश्च॑ । यथा॒वकाशं॑ ग्र॒हान् ।
यथा॒वकाशं॑ प्र॒तिग्र॒हान् ल्लो॑कं पृ॒णाश्च॑ ।
सर्वा॑हास्यै॒ ता दे॒वताः॑ प्री॒ता अ॒भीष्टा॑ भवन्ति ॥

37.7 प्र॒जामा॑यु॒र्धनं॑ च

1. प्र॒जा-मा॑युरा॒युः प्र॒जां प्र॒जामा॑यु॒र्धनं॑ ध॒नमा॑युः प्र॒जां प्र॒जामा॑यु॒र्धनं॑ ।
2. प्र॒जामि॑ति प्र – जां ।
3. आ॒युर् ध॒नं ध॒न-मा॑यु-रा॒युर् ध॒नं च॑ च॒ ध॒न-मा॑यु-रा॒युर् ध॒नं च॑ ।
4. ध॒नं च॑ च॒ ध॒नं ध॒नं च॑ ।
5. चे॒ति च॑ ॥

पश्यति॑ पु॒त्रं । पश्यति॑ पौ॒त्रं । प्र प्र॒जया॑ प॒शुभिर् - मि॒थुनैर् - जा॒यते ।
यस्यै॑वं वि॒दुषो॑ ऽग्नि॒होत्रं॑ जु॒हति॑ । य उ॒चैन॑ दे॒वं वे॒द ॥

37.8 सर्वेभ्यो वै कामेभ्यः

वाक्यं - सर्वेभ्यो॑ वै कामेभ्यः॑ सन्धिर् दुहे॑ तद् यज॑माना स्सर्वान्
कामान॑ वरुन्धते ॥

1. सर्वेभ्यो॑ वै, वै सर्वेभ्यः॑, सर्वेभ्यो॑ वै कामेभ्यः॑, कामेभ्यो॑ वै सर्वेभ्यः॑,
सर्वेभ्यो॑ वै कामेभ्यः॑ ।
2. वै कामेभ्यः॑, कामेभ्यो॑ वै, वै कामेभ्य-स्सन्धिः॑,
स्सन्धिः॑ कामेभ्यो॑ वै, वै कामेभ्य-स्सन्धिः॑ ।
3. कामेभ्य॑ स्सन्धिः॑, स्सन्धिः॑ कामेभ्यः॑, कामेभ्यः॑ सन्धिर् दुहे॑,
दुहे॑ सन्धिः॑ कामेभ्यः॑, कामेभ्यः॑ सन्धिर् दुहे॑ ।
4. सन्धिर् दुहे॑, दुहे॑ सन्धिः॑, स्सन्धिर् दुहे॑ तत्तद् दुहे॑ सन्धिः॑,
स्सन्धिर् दुहे॑ तत् ।
5. सन्धिरिति॑ सं - धिः ।

6. दु॒हे तत्तद् दु॒हे , दु॒हे तद् यज॑मा॒ना, यज॑मा॒ना स्तद् दु॒हे,
दु॒हे तद् यज॑मा॒नाः ।
7. तद् यज॑मा॒ना, यज॑मा॒ना स्तत्, तद् यज॑मा॒ना स्स॒र्वान्,
थ्स॒र्वान् यज॑मा॒ना स्तत्, तद् यज॑मा॒ना स्स॒र्वान् ।
8. यज॑मा॒नाः स॒र्वान्, थ्स॒र्वान् यज॑मा॒ना, यज॑मा॒नाः स॒र्वान् का॒मान् ,
का॒मान् थ्स॒र्वान् यज॑मा॒ना, यज॑मा॒नाः स॒र्वान् का॒मान् ।
9. स॒र्वान् का॒मान्, का॒मान् थ्स॒र्वान्, थ्स॒र्वान् का॒मान् वा॒व का॒मान्
थ्स॒र्वान् -थ्स॒र्वान् का॒मान॑व ।
10. का॒मान-वा॒व का॒मान्, का॒मान् व-रु॑न्धते रु॒न्धतेऽ॒व का॒मान् का॒मान-व-
रु॑न्धते ।
11. अ॒व-रु॑न्धते रु॒न्धतेऽ॒व वा॒वरु॑न्धते ।
12. रु॒न्धत॑ इति रु॒न्धते ॥

सा॒ंग्रह॑ण्येष्ट॒या यज॑ते । इ॒मां ज॒नता॑ꣳ सं॒गृह्णा॑ नीति ।

द्वा॒द॒शा र॒त्नी र॒शना॑ भवति । द्वा॒द॒श मा॒सा स्सं॑व॒त्सरः॑ ।

संवँ॑त्सर॒ मे॒वा व॑रुन्धे । मौ॒जी भ॑वति । ऊ॒र्ग्वे मु॑ञ्चाः ॥
ऊ॒र्ज मे॒वा व॑रुन्धे । चि॒त्रा नक्ष॑त्रं भवति । चि॒त्रं वा ए॒तत् क॑र्म ।
यद॑श्चमे॒ध-स्स॑मृद्ध्यै ॥

37.9 पु॒ष्टिं ध॑त्तः

1. पु॒ष्टिं ध॑त्तो, ध॑त्तः पु॒ष्टिं, पु॒ष्टिं ध॑त्तः पु॒ष्यति॑, पु॒ष्यति॑ ध॑त्तः पु॒ष्टिं,
पु॒ष्टिं ध॑त्तः पु॒ष्यति॑ ।
2. ध॑त्तः पु॒ष्यति॑, पु॒ष्यति॑ ध॑त्तो, ध॑त्तः पु॒ष्यति॑ प्र॒जया॑, प्र॒जया॑ पु॒ष्यति॑ ध॑त्तो,
ध॑त्तः पु॒ष्यति॑ प्र॒जया॑ ।
3. पु॒ष्यति॑ प्र॒जया॑, प्र॒जया॑ पु॒ष्यति॑, पु॒ष्यति॑ प्र॒जया॑ प॒शुभिः॑,
प॒शुभिः॑ प्र॒जया॑ पु॒ष्यति॑, पु॒ष्यति॑ प्र॒जया॑ प॒शुभिः॑ ।
4. प्र॒जया॑ प॒शुभिः॑, प॒शुभिः॑ प्र॒जया॑, प्र॒जया॑ प॒शुभिः॑ ।
5. प्र॒जाये॑ति प्र॒जया॑ ।
6. प॒शुभि॑रिति॒ प॒शु - भिः॑ ॥

पु॒ष्ट्यै॑ वा ए॒तद् रू॒पं । यद॑जा । त्रि॒संवँ॑त्सर-स्या॒न्यान्
प॒शून् परि॑ प्र॒जाय॑ते । ब॒स्ताजि॑न म॒द्ध्यव॑ रो॒हति॑ ।

पु॒ष्ट्या॑मे॒व प्र॒जने॑ प्रति॒तिष्ठ॑ति ॥

37.10 ता वि॒ष्णो पा॒हि

वा॒क्यं – ता वि॒ष्णो पा॒हि पा॒हि य॒ज्ञं पा॒हि य॒ज्ञप॑तिं पा॒हि मां य॒ज्ञनि॑यं ॥

1. ता वि॒ष्णो, वि॒ष्णो ता॒स्ता वि॒ष्णो पा॒हि पा॒हि वि॒ष्णो
ता॒स्ता वि॒ष्णो पा॒हि ।

2. वि॒ष्णो पा॒हि, पा॒हि वि॒ष्णो, वि॒ष्णो पा॒हि पा॒हि, पा॒हि पा॒हि वि॒ष्णो,
वि॒ष्णो पा॒हि पा॒हि ।

3. वि॒ष्णो इति॑ – वि॒ष्णो ।

4. पा॒हि पा॒हि, पा॒हि पा॒हि, पा॒हि पा॒हि य॒ज्ञं, य॒ज्ञं पा॒हि पा॒हि,
पा॒हि पा॒हि य॒ज्ञं ।

5. पा॒हि य॒ज्ञं, य॒ज्ञं पा॒हि, पा॒हि य॒ज्ञं पा॒हि, पा॒हि य॒ज्ञं पा॒हि,
पा॒हि य॒ज्ञं पा॒हि ।

6. य॒ज्ञं पा॒हि, पा॒हि य॒ज्ञं, य॒ज्ञं पा॒हि य॒ज्ञप॑तिं, य॒ज्ञप॑तिं पा॒हि य॒ज्ञं,
य॒ज्ञं पा॒हि य॒ज्ञप॑तिं ।

7. पा॒हि य॒ज्ञप॑तिं, यँ॒ज्ञप॑तिं पा॒हि, पा॒हि य॒ज्ञप॑तिं पा॒हि,
पा॒हि य॒ज्ञप॑तिं पा॒हि, पा॒हि य॒ज्ञप॑तिं पा॒हि ।
8. य॒ज्ञप॑तिं पा॒हि, पा॒हि य॒ज्ञप॑तिं, यँ॒ज्ञप॑तिं पा॒हि मां, मां पा॒हि य॒ज्ञप॑तिं,
यँ॒ज्ञप॑तिं पा॒हि मां ।
9. य॒ज्ञप॑ति॒ मिति॑ य॒ज्ञ – प॑तिं ।
10. पा॒हि मां, मां पा॒हि, पा॒हि मां यँ॒ज्ञनियं॑, यँ॒ज्ञनियं॑ मां पा॒हि,
पा॒हि मां यँ॒ज्ञनियं॑ ।
11. मां यँ॒ज्ञनियं॑, यँ॒ज्ञनियं॑ मां, मां यँ॒ज्ञनियं॑ ।
12. य॒ज्ञनिय॑मिति॑ य॒ज्ञ – नियं॑ ॥
- ता वि॑ष्णो पा॒हीत्या॑ह । य॒ज्ञोवै॑ वि॒ष्णुः । य॒ज्ञस्य॑तृ॒तै ॥ पा॒हि य॒ज्ञं पा॒हि य॒
ज्ञ॑प॒तिं पा॒हि मां यँ॒ज्ञनिय॑मित्या॑ह । य॒ज्ञाय॑ य॒जमा॑नाया॒त्मने॑ ॥ तेभ्य॑ ए॒वाशि॑ष
मा शा॒स्तेना॑त्यै ॥

37.11 आशिषमेवै तामा शास्ते

वाक्यं – आशिष॑ मे॒ वै तामा॑ शास्ते॑ ॥

1. आशिष॑मे॒ वै वाशिष॑ माशिष॑मे॒ वैता॑ मे॒ता मेवाशिष॑ माशिष॑ मे॒ वैतां॑ ।
2. आशिष॑मित्या॑ – शिषं॑ ।
3. ए॒ वै ता॑ मे॒ता मे॒ वै वै ता॑ मै॒ ता मे॒ वै वै ता॑ मा ।
4. ए॒ता मै॒ता मे॒ता मा॑ शास्ते॑ शास्त॑ ऐ॒ता मे॒ता मा॑ शास्ते॑ ।
5. आशास्ते॑ शास्त॑ आशास्ते॑ । 6. शास्त॑ इति॑ शास्ते॑ ॥

37.12 एवास्मिन्नायुर् दधति

वाक्यं – त एवास्मिन्नायुर् दधति॑ सर्व॑मायुरेति॑ ॥

1. त ए॒वै व ते॑ त ए॒वास्मिन्ना॑-स्मिन्ने॒ व ते॑ त ए॒वास्मिन्ना॑ ।
2. ए॒वास्मिन्ना॑-स्मिन्ने॒ वै वास्मिन्ना॑युरा॒यु-रस्मिन्ने॒ वै वास्मिन्ना॑युः ।
3. अ॒स्मिन्ना॑युरा॒यु-रस्मिन्ना॑-स्मिन्ना॑युर् दधति॑ दधत्या॑यु-रस्मिन्ना॑-
मिन्ना॑युर् दधति॑ ।

4. आयु॑र् दधति॑ दध॒त्या-यु॒रायु॑र् दधति॑ सर्व॑ꣳ सर्व॑ दध॒त्या-यु॒रायु॑र् दधति॑ सर्व॑ꣳ ।
5. दधति॑ सर्व॑ꣳ, सर्व॑ दधति॑, दधति॑ सर्व॑मायु॑, -रायु॑स्सर्व॑ दधति॑, दधति॑ सर्व॑मायु॑ ।
6. सर्व॑ मायु॑, -रायु॑ स्सर्व॑ꣳ, सर्व॑मायु॑रेत्ये॑ त्यायु॑-स्सर्व॑ꣳ, सर्व॑मायु॑रेति॑ ।
7. आयु॑रेत्ये॑-त्यायु॑-रायु॑रेति॑ ।
8. ए॒तीत्ये॑ति ॥

37.13 श॒तमा॑नं भवति॑

वाक्यं - श॒तमा॑नं भवति॑ श॒तायुः॑ पु॒रुष॑श्श॒तेन्द्रि॑य॒ आयु॑ष्येवेन्द्रि॒ये प्र॑तितिष्ठति॑ ॥

1. श॒तमा॑नं भवति॑, भवति॑ श॒तमा॑नꣳ, श॒तमा॑नं भवति॑ श॒तायु॑, श॒तायु॑र् भवति॑ श॒तमा॑नꣳ, श॒तमा॑नं भवति॑ श॒तायुः॑ ।
2. श॒तमा॑नमि॒ति श॒त - मा॑नं ।
3. भवति॑ श॒तायु॑, श॒तायु॑र् भवति॑, भवति॑ श॒तायुः॑ पु॒रुषः॑,

- पुरुष॑ श॒शतायु॑र् भवति, भवति श॒शतायुः॑ प॒रुषः॑ ।
4. श॒शतायुः॑ प॒रुषः॑, प॒रुष श॒शतायु॑, श॒शतायुः॑ प॒रुष श॒शतेन्द्रि॑य,
श॒शतेन्द्रि॑यः प॒रुष श॒शतायु॑, श॒शतायुः॑ प॒रुष श॒शतेन्द्रि॑यः ।
5. श॒शतायु॑रिति श॒शत – आ॒युः॑ ।
6. प॒रुष श॒शतेन्द्रि॑य, श॒शतेन्द्रि॑यः प॒रुषः॑, प॒रुष श॒शतेन्द्रि॑य
आ॒युष्या॑-यु॒षि श॒शतेन्द्रि॑यः प॒रुषः॑, प॒रुष श॒शतेन्द्रि॑य आ॒युषि॑ ।
7. श॒शतेन्द्रि॑य आ॒युष्या॑यु॒षि श॒शतेन्द्रि॑य, श॒शतेन्द्रि॑य आ॒युष्ये॑ वैवा॒युषि॑
श॒शतेन्द्रि॑य-श॒शतेन्द्रि॑य आ॒युष्ये॑व ।
8. श॒शतेन्द्रि॑य इति श॒शत – इन्द्रि॑यः ।
9. आ॒युष्ये॑ वै वा॒युष्या॑यु॒-ष्येवेन्द्रि॑य इन्द्रि॑य एवा॒युष्या॑यु॒-ष्येवेन्द्रि॑ये ।
10. ए॒वेन्द्रि॑य इन्द्रि॑य ए॒वैवेन्द्रि॑ये प्रति॑ प्र॒तीन्द्रि॑य ए॒वैवेन्द्रि॑ये प्रति॑ ।
11. इन्द्रि॑ये प्रति॑ प्र॒तीन्द्रि॑य इन्द्रि॑ये प्रति॑तिष्ठति॑ तिष्ठति॑ प्र॒तीन्द्रि॑य
इन्द्रि॑ये प्रति॑तिष्ठति॑ ।
12. प्रति॑ तिष्ठति॑ तिष्ठति॑ प्रति॑ प्रति॑तिष्ठति॑ ।

13. तिष्ठतीति तिष्ठति ॥

37.14 वै प्रजा

वाक्यं – वै प्रजाः प्रजास्वेवायुर् दधाति ॥

1. वै प्रजाः प्रजा वै वै प्रजाः प्रजासु प्रजासु प्रजा वै
वै प्रजाः प्रजासु ।

2. प्रजाः प्रजासु प्रजासु प्रजाः प्रजाः प्रजास्वेवै व प्रजासु प्रजाः प्रजाः प्रजास्वेव ।

3. प्रजा इति प्र – जाः ।

4. प्रजास्वेवै व प्रजासु प्रजास्वे-वायुरायुरेव प्रजासु प्रजास्वेवायुः ।

5. प्रजास्विति प्र – जासु ।

6. एवायुरायुरेवै वायुर् दधाति दधात्यायुरेवै वायुर् दधाति ।

7. आयुर् दधाति दधात्यायुरायुर् दधाति ।

8. दधातीति दधाति ॥

38 आशीर्वाद मन्त्राः

These Asheervada Mantras are not continuous Mantras, (and not appearing one after the other), in Veda Texts but are consolidated from various places. For convenience purpose, these Mantras are given in a serial order as they are normally chanted. The Order of chanting may vary and the student needs to follow that order as is chanted in that function.

No Ref available for 1, Ref TS 5.4.12.3 for 2 / TB 3.1.2.1 for 3 / TS 2.4.14.1 for 4 / TB 1.3.7.8 for 5 / RV 10.85.33 / EAK 1.9.5 for 6 / RV 10.85.45 / EAK 1.4.6 for 7 / R V 5.25.5 for 8 / TB 3.10.1.1 for 9 / TS 7.5.18.1 for 10 / TB 3.8.5.3 for 11 / TA. 2.5.1 for 12 / TB 3.12.5.5 for 13.

न तत्र सूर्यो भाति न चन्द्रतारकं नेमा विद्युतो भान्ति कुतोय मग्निः ।
तमेव भान्त मनु भाति सर्वं तस्य भासा सर्वमिदं विभाति ॥ 1

पर्याप्त्या अनन्तरायाय सर्वस्थो-मोति रात्र उत्तम महद्भवति सर्वस्याप्त्यै
सर्वस्य जित्यै सर्वमेव तेनाप्नोति सर्वं जयति ॥ 2

ऋध्यास्म हव्यैर्- नमसोप सद्य । मित्रं देवं मित्रधेयन्नो अस्तु ।
अनुराधान्, हविषा वर्धयन्तः । शतन्जीवेम शरद-स्सवीराः ॥ 3

नवोनवो भवति जायमानो ऽह्नाङ्केतु-रुषसा मेत्यग्रे ।
भागं देवेभ्यो विदधा-त्यायन् प्र चन्द्रमा-स्थिरति दीर्घमायुः ॥ 4

श॒त॒मा॒नं॑ भ॒वति॑ श॒ता॒युः॑ पु॒रु॒ष॒श्श॒तेन्द्रि॑य॒ आयु॑ष्येवेन्द्रि॒ये प्र॑ति॒तिष्ठ॑ति ॥ 5

सु॒म॒ङ्ग॒ली॒रि॒यं॑ व॒धू॒रि॒मा॒ꣳ स॒मे॒त प॑श्य॒त ।

सौ॒भा॒ग्य॑ म॒स्यै॑ द॒त्वा या॑थास्तं॒ वि॒प॒रे॒तन॑ ॥ 6

इ॒मा॒म् त्व॑मिन्द्र॒ मी॒ड्व स्सु॑पु॒त्रा॒ꣳ सु॒भ॒गां॑ कुरु॒ ।

द॒शा॒स्यां॑ पु॒त्रा॒ना धे॑हि॒ प॒ति॒मे॒का द॒शं॑ कृ॒धि ॥ 7

य॒श॒स्करं॑ ब॒ला॒व॒न्तं प्र॑भु॒त्वं त॒मे॒व रा॑जाधि॒ प॒ति॒-र्ब॑भूव ।

स॒ङ्की॒र्ण॑ ना॒गाश्च॑प॒तिर् न॑राणां॒ सु॒म॒ङ्ग॒ल्यं स॑त॒तं दी॒र्घ॑मा॒युः ॥ 8

सं॒ज्ञा॒नं वि॒ज्ञा॒नं प्र॒ज्ञा॒नं जा॒न॒द॒भि जा॒न॒त् ।

स॒ङ्क॒प॒ल्मा॒नं प्र॑क॒ल्प॒मा॒न-मु॒प॒क॒ल्प॒मा॒न-मु॒प॒क्लृ॑प्तं॒ क्लृ॑प्तं ।

श्रे॒यो व॑सी॒य आ॒य॒थ् स्सं॑भू॒तं भू॒तं । चि॒त्रः के॒तुः प्र॒भा॒ना॒भा॒न्-थ्सं॑भा॒न् ।

ज्यो॑तिष्मा॒ꣳ स्ते॒ज॒स्वा॒ना त॑प॒ꣳ स्त॑प॒न्न भि॑त॒प॒न् ।

रो॒च॒नो रो॑च॒मा॒न-र॒शो॑भ॒न-र॒शो॑भ॒मा॒नः क॒ल्या॑णः ॥ 9

आ॒ब्र॒ह्मन् ब्रा॒ह्म॒णो ब्र॒ह्म॒वर्च॒सी जा॒यता॒माऽस्मिन् रा॒ष्ट्रे रा॒ज॒न्य इ॒षव्य॑-
 र॒शूरो॑ म॒हार॒थो जा॒यतां॑ दो॒ग्धी धे॒नुर्- वो॒डाऽन॒ड्वा ना॒शु- स्स॒प्तिः
 पु॒रन्धि॒र्योषा॑ जि॒ष्णू र॒थेष्ठा॑ स्स॒भेयो॑ यु॒वाऽस्य॑ य॒ज॒मा॒नस्य॑ वी॒रो जा॒यतां॑
 नि॒का॒मे॒नि॒का॒मे नः॑ प॒र्जन्यो॑ व॒र्षतु॑ फ॒लिन्यो॑ न ओ॒षध॑यः प॒च्यन्तां॑
 यो॒गक्षे॑मो नः क॒ल्पतां॑ ॥

10

ब॒हु॒ग्वै ब॒ह्व॒श्वायै॑ ब॒ह्व॒जा॒वि॒कायै॑ ॥ ब॒हु॒व्री॒हि॒यवा॑यै ब॒हु॒मा॒ष॒ति॒लायै॑ ॥
 ब॒हु॒हि॒र॒ण्यायै॑ ब॒हु॒ह॒स्ति॒कायै॑ ॥ ब॒हु॒दा॒स॒पू॒रुषायै॑ र॒यि॒म॒त्यै पु॒ष्टि॒म॒त्यै ॥
 ब॒हु॒रा॒य॒स्पोषायै॑ रा॒जास्तु॑ ॥

11

आ॒यु॒ष्टे वि॒श्वतो॑ द॒ध द॒य म॒ग्निर्व॑रे॒ण्यः । पु॒नस्ते॑ प्रा॒ण आ॒या॒ति
 (or आ॒य॒ति) प॒रा॒य॒क्ष्मं सु॒वा॒मि॒ते । आ॒यु॒र्दा अ॒ग्ने ह॒विषो॑ जु॒षा॒णो घृ॒त
 प्र॒ती॒को घृ॒तयो॑ नि॒रे॒धि । घृ॒तं पी॒त्वा म॒धु चा॒रु ग॒व्यं पि॒तेव॑
 पु॒त्र॒म॒भि-र॑क्ष॒तादि॒मं ॥

12

पु॒रस्ताद् द॑श॒ हो॒ता॒र-मु॒दञ्च॒ -मु॒प॒द॒धा॒ति॒ या॒वत्प॒दं ।
 हृ॒द॒यं॑ य॒जु॒षी॑ प॒त्न्यौ॑ च । द॒क्षि॒ण॒तः॑ प्रा॒ञ्च-ञ्च॒तुर् हो॒ता॒रं ।
 प॒श्चा-दु॒दञ्चं॑ प॒ञ्च हो॒ता॒रं । उ॒त्त॒र॒तः॑ प्रा॒ञ्च ष॒ड्भो॒ता॒रं ।
 उ॒प॒रि॒ष्ठात् प्रा॒ञ्च स॒प्त हो॒ता॒रं । हृ॒द॒यं॑ य॒जू॒षि॑ प॒त्न्यैश्च॑ ।
 य॒था॒व॒का॒शं॑ ग॒हान् । य॒था॒व॒का॒शं॑ प्र॒ति ग॒हान् लो॒कं पृ॒णाश्च॑ ।
 सर्वा॑हा स्यै॒ता दे॒वताः॑ प्री॒ता अ॒भी॒ष्टा भ॒वन्ति॑ ॥ 13

38.1 आरण्यके द्वितीयप्रश्नः प्रथमपञ्चातिः

TA 2.1.1

स॒ह॒वै दे॒वानां॑ चा॒सुरा॑णां च य॒ज्ञौ प्र॑त॒ता-वा॒स्तां व॒य ऽ स्व॒र्गं लो॒कमै॑ष्यामो
 व॒यमै॑ष्याम इति ते॒ऽसुरा॑-स्स॒न्न॒ह्य स॒ह सै॒वाच॑रन् ब्र॒ह्मच॑र्येण तप॒सै व
 दे॒वास्ते॑ ऽसुरा अ॒मुह्य॑ स्तेन प्रा॒जान् स्ते॑ परा॒भवन् तेन॑ स्व॒र्गं लो॒क-
 मा॒यन् प्र॑सृतेन वै य॒ज्ञेन॑ दे॒वाः स्व॒र्गं लो॒क-मा॒यन् प्र॑सृतेना सु॒रान्
 परा॑ऽभा॒वयन् प्र॑सृतो ह॒वै य॒ज्ञोप॑वीतिनो य॒ज्ञो ऽप्र॑सृतो ऽनु॒पवी॑तिनो
 यत् किञ्च॑ ब्रा॒ह्म॒णो य॒ज्ञोप॑वी -त्य॒धी॒ते य॒जत॑ ए॒व तत्तस्मा॑-
 ध्य॒ज्ञोप॑वीत्ये॒वाधी॑यीत या॒जये॑-द्य॒जेत॑वा य॒ज्ञस्य॑ प्र॒सृत्या॑ अ॒जिनं॑

ॐ॒ वा॒सो॑ वा दक्षि॑णत॒ उप॒वी॒य दक्षि॑णं बा॒हु-मु॒द्धर॑ते ऽव॒धत्ते॑ स॒व्यमि॑ति यज्ञोपवी॒
त मे॒त दे॒व वि॒परी॑तं प्राची॒नावी॑तꣳ सँ॒वी॒तं मा॒नुषं॑ ॥

38.2 आरण्यके द्वितीयप्रश्नः द्वितीयपञ्चातिः

TA 2.2.1

रक्षाꣳसि॑ ह॒वा पु॒रोऽनु॑वाके तपो॒ग्र-म॑तिष्ठन्त॒ तान् प्र॒जाप॑तिर्-
वरे॒णोपा॑ मन्त्रय॒त तानि॑ वर॒मवृ॑णी-तादि॒त्यो नो॑ योद्धा इति॒ तान्
प्र॒जाप॑तिर ब्रवी॒द्यो ध॒यध्व॑-मि॒ति तस्मा॑ दु॒त्तिष्ठ॑न्तꣳ ह॒वा तानि॑ रक्षाꣳस्या-
दि॒त्यं यो॑धयन्ति॒ याव॑दस्त॒ मन्व॑-गा॒त्तानि॑ ह॒वा ए॒तानि॑ रक्षाꣳसि॑ गाय॒त्रिया
ऽभि॑मन्त्रि॒ तेनां॑ भ॒सा शाँ॑म्यन्ति॒ तदु॒ह॒वा ए॒ते ब्र॑ह्मवादि॒नः पूर्वा॑भि॒मुखाः
सं॒ध्यायां॑ गाय॒त्रिया ऽभि॑मन्त्रि॒ता आप॑ ऊ॒र्ध्वं वि॑क्षिपन्ति॒ ता ए॒ता आपो॑
व॒ज्री भू॒त्वा तानि॑ रक्षाꣳसि॑ म॒न्दे हाऽरु॑णे द्वी॒पे प्र॑क्षिपन्ति॒ यत् प्र॑दक्षि॒णं
प्र॒क्रम॑न्ति॒ तेन॑ पाप्मान॒मव॑ धू॒न्वन् त्यु॒द्यन्त॑-मस्तं॒ यन्त॑ मादि॒त्य म॑भि
ध्या॒यन् कु॑र्वन् ब्रा॒ह्म॒णो वि॒द्वान्-थ्स॒कलं॑ भ॒द्रम॑श्नुते॒ ऽसा॑वादि॒त्यो ब्र॑ह्मेति॒
ब्र॒ह्मैव॑सन् ब्र॒ह्मा॒प्येति॑ य॒ एवं॑ वे॒द ॥

38.3 नारायणोपनिषत्

This is a separate upanishad and is different from “Maha Narayanopanishad”. Atharva Rishi who has seen Lord Narayana has conveyed his direct experience in poetic form through “Narayana Upanishad”. It is also called “Narayana Atharva Sheersham” by Scholars.

(No Definite Source available)

ओं । सह ना ववतु । सह नौ भुनक्तु । सह वीर्यं करवावहै ।

तेजस्वि नावधीतमस्तु मा विद्विषावहैः ।

ओं शान्तिः शान्तिः शान्तिः ॥

ओं अथ पुरुषो ह वै नारायणोऽ कामयत प्रजाः सृजेयेति ।

नारायणात् प्राणो जायते । मनः सर्वेन्द्रियाणि च ।

खं वायुर्-ज्योति-रापः पृथिवी विश्वस्य धारिणी ।

नारायणात् ब्रह्मा जायते । नारायणात् रुद्रो जायते ।

नारायणा-दिन्द्रो जायते । नारायणात् प्रजापतयः प्रजायन्ते ।

नारायणात् द्वादशा-दित्या रुद्रा वसव-स्सर्वाणि च छन्दांसि ।

नारायणादेव समुत्-पद्यन्ते । नारायणे प्रवर्तन्ते । नारायणे प्रलीयन्ते ।

ओं । अथ नित्यो नारायणः । ब्रह्मा नारायणः ।
 शिवश्च नारायणः । शक्रश्च नारायणः । द्यावा-पृथिव्यौ च नारायणः ।
 कालश्च नारायणः । दिशश्च नारायणः । ऊर्ध्वश्च नारायणः ।
 अधश्च नारायणः । अन्तर्बहिश्च नारायणः ।
 नारायण एवेदं सर्वं ॥ यत् भूतं यच्च भव्यं ॥
 निष्कलो निरञ्जनो निर्विकल्पो निराख्यातः शुद्धो देव एको नारायणः ।
 न द्वितियोऽस्ति कश्चित् । य एवं वेद ।
 स विष्णुरेव भवति स विष्णुरेव भवति ।
 ओमित्यग्रे व्याहरेत् । नम इति पश्चात् ।
 नारायणाये-त्युपरिष्ठात् । ओमित्येकाक्षरं ।
 नम इति द्वे अक्षरे । नारायणायेति पञ्चाक्षराणि ।
 एतद्वै नारायणस्या-ष्टाक्षरं पदं ।
 यो ह वै नारायणस्या-ष्टाक्षरं पद-मद्ध्येति ।
 अनपब्रुव-स्सर्व-मायुरेति । विन्दते प्राजापत्यं रायस्पोषं गौपत्यं ।

ततोऽमृतत्व-मश्नुते ततोऽमृतत्व-मश्नुत इति । य एवं वेद ।
 प्रत्यगानन्दं ब्रह्मपुरुषं प्रणव स्वरूपं । अकार उकार मकार इति ।
 तानेकधा समभरत्त-देतदोमिति ।
 युमुक्त्वा मुच्यते योगी जन्म संसार-बन्धनात् ।
 ओं नमो नारायणायेति मन्त्रोपासकः ।
 वैकुण्ठ भुवन-लोकं गमिष्यति ।
 तदिदं परं पुण्डरीकं विज्ञान-घनं । तस्मात् तदिदावन् मात्रं ।
 ब्रह्मण्यो देवकीपुत्रो ब्रह्मण्यो मधुसूदनो । सर्व भूतस्थमेकं नारायणं ।
 कारणरूपमकार परब्रह्मो । एतदथर्व शिरोयोऽधीते ।
 प्रातरधीयानो रात्रिकृतं पापं नाशयति ।
 सायमधीयानो दिवसकृतं पापं नाशयति ।
 माद्ध्यन्दिन-मादित्यभि-मुखोऽधीयानः ।
 पञ्च-पातको-पपातकात् प्रमुच्यते ॥
 सर्व वेद पारायण पुण्यं लभते ।

नारायण सायुज्य-मवाप्नोति नारायण सायुज्य-मवाप्नोति ।

य एवं वेद । इत्युपनिषत् ॥

ओं शान्तिः शान्तिः शान्तिः ॥

39 प्रकीर्णाध्यायः

39.1 ब्राह्मण एक होता ।

(TA 3.7.1)

ब्राह्मण एक होता । सयज्ञः । समेददातु प्रजां पशून् पुष्टिम् यशः ।

यज्ञश्च मे भूयात् । 1

अग्निर्द्वि होता । सभर्ता । समेददातु प्रजां पशून् पुष्टिम् यशः ।

भर्ताच मे भूयात् । 2

पृथिवी त्रि होता । सप्रतिष्ठा । समेददातु प्रजां पशून् पुष्टिम् यशः ।

प्रतिष्ठा च मे भूयात् । 3

अन्तरिक्षं चतुर् होता । सविष्ठाः । समेददातु प्रजां पशून् पुष्टिम् यशः ।

विष्ठाश्च मे भूयात् । 4

वा॒युः प॒ञ्च॑ होता । स॒प्रा॒णः । स॒मे॒द॒दातु॑ प्र॒जां प॒शून् पु॒ष्टिं यँ॑शः ।
प्रा॒णश्च॑ मे भूयात् । 5

च॒न्द्र॒माः ष॒ड्ढो॑ता । स ऋ॒तून् क॑ल्पयाति ।
स॒मे॒द॒दातु॑ प्र॒जां प॒शून् पु॒ष्टिं यँ॑शः । ऋ॒तव॑श्च मे कल्पन्तां । 6
अ॒न्न॒ꣳ स॒प्त॒हो॑ता । स॒प्रा॒णस्य॑ प्रा॒णः ।

स॒मे॒द॒दातु॑ प्र॒जां प॒शून् पु॒ष्टिं यँ॑शः । प्रा॒णस्य॑ च मे प्रा॒णो भू॑यात् । 7
द्यौ॒र॒ष्ट होता । सो॒ऽना॒धृष्यः॑ । स॒मे॒द॒दातु॑ प्र॒जां प॒शून् पु॒ष्टिं यँ॑शः ।
अ॒ना॒धृष्य॑श्च भूयासं । 8

आ॒दि॒त्यो न॑व होता । स ते॒ज॒स्वी । स॒मे॒द॒दातु॑ प्र॒जां प॒शून् पु॒ष्टिं यँ॑शः ।
ते॒ज॒स्वी च॑ भूयासं । 9

प्र॒जाप॑तिर् द॒श होता । स इ॒दꣳ स॑र्व ।
स॒मे॒द॒दातु॑ प्र॒जां प॒शून् पु॒ष्टिं यँ॑शः । स॑र्वञ्च मे भूयात् । 10

The Following Mantra is not a part of ब्राह्मण एक होता However during Rudra-Ekadasinis etc the following Mantra is chanted as 11th “upachaara Mantram” after the above 10 Mantras.

हिरण्यपात्रं॑ म॒धोः॑ पू॒र्णं द॒दाति॑ । म॒द॒व्यो॑ सा॒नीति॑ ।

ए॒क॒दा ब्र॒ह्मण॑ उ॒प॒हरति॑ । ए॒क॒दै॒व यज॑मा॒न आ॒युस्ते॒जो द॒दाति॑ ॥ 11

39.2 नमः प्राच्यै

(TA 2.20.1)

नमः॑ प्रा॒च्यै दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो,
 नमो॑ दक्षि॒णायै॑ दि॒शेयाश्च॑ दे॒वता॑ ए॒तस्यां॑-प्र॒ति॒व॒स॒न्त्ये॑ ता॒भ्यश्च॑ नमो ,
 नमः॑ प्र॒ती॒च्यै दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो
 नम॑ उ॒दी॒च्यै दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो
 नम॑ ऊ॒र्ध्वायै॑ दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो
 नमो॑ ऽध॒रायै॑ दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो
 नमो॑ ऽवा॒न्त॒रायै॑ दि॒शेयाश्च॑ दे॒वता॑ ए॒तस्यां॑ प्र॒ति॒व॒स॒न्त्ये॑ ता॒भ्यश्च॑ नमो ,
 नमो॑ गंगा॒ यमु॒नयोर् म॒ध्ये ये॑ व॒स॒न्ति॑ ,
 ते मे॑ प्र॒स॒न्नात्मा-नश्चि॑रं जी॒वितं॑ वर्ध॒य॒न्ति॑ ,

नमो गंगा यमुनयोर् मुनिभ्यश्च नमो , नमो गंगा यमुनयोर् मुनिभ्यश्च नमः ॥

40 ऐकमत्य सूक्तं

(To be chanted as per Rig Vedic Sruti)

(RV 10.12.191)

ओं । संसमिद्युवसे वृषन्नग्ने विश्वान्यर्य आ ।

इळस्पदे समिद्ध्यसे स नो वसून्या भर ॥ 1

सं गच्छद्ध्वं सं वदद्ध्वं सं वो मनांसि जानतां ।

देवा भागं यथा पूर्वं संजानाना उपासते ॥ 2

समानो मन्त्र-स्समिति-स्समानी समानं मनस्सह चित्तमैषां ।

समानं मन्त्रमभि मन्त्रये वस्समानेन वो हविषा जुहोमि ॥ 3

समानी व आकूति-स्समाना हृदयानि वः ।

समानमस्तु वो मनो यथा व-स्सुसहासति ॥ 4

-----ऐकमत्यसूक्तं समाप्तं-----